

ամէն աղջիկ ողջ պահեցէք»:

ՄՈՎԱԷՍԻ ԾՆՈՒՆԴԸ

2

Ղեւիի տունէն մէկը գնաց ու Ղեւիի **մէկ** աղջիկը **կից** առաւ: **2** Կինը յղացաւ ու որդի մը ծնաւ, եւ անոր վայելչագեղ ըլլալը տեսնելով՝ երեք ամիս պահեց զայն: **3** Երբ ալ չէր կրնար պահել զայն, պրտուէ տապանակ մը առաւ անոր համար, կուպրով ու ծիւթով ծեփեց, «մանուկը մէջը դրաւ, ու գետին եզերքը եղող շամբին մէջ ձգեց. **4** իսկ անոր քոյրը հեռու կայնեցաւ, որպէսզի գիտնայ թէ ի՞նչ պիտի բպատահի անոր: **5** Փարաւոնի աղջիկը գետը իջաւ լուացուելու, եւ անոր սպասուի ներքը գետին եզերքը կը պտըտէին: Երբ շամբին մէջտեղը տեսաւ տապանակը, իր աղախինը դրկեց որ զայն բերէ: **6** Երբ բացաւ՝ մանուկը տեսաւ. եւ ահա՝ տղեկը կու լար: Ուստի անոր վրայ արգահատեցաւ ու ըսաւ. «Ասիկա Երրայեցիներու զաւակներէն է»: **7** Ուստի անոր քոյրը Փարաւոնի աղջիկին ըսաւ. «Երթամ ու Երրայեցիներէն սնուցիչ կին մը կանչե՞մ քեզի, որ մանուկը դիեցնէ քեզի համար»: **8** Փարաւոնի աղջիկը իրեն ըսաւ. «Գնա՞»: Օրիորդն ալ գնաց ու մանուկին մայրը կանչեց: **9** Փարաւոնի աղջիկը անոր ըսաւ. «Ա՞ն այս մանուկը, դիեցուր ինծի համար, ու ես քու վարձքդ կու տամ»: Կինն ալ առաւ մանուկը ու դիեցուց զայն: **10** Երբ մանուկը մեծցաւ, Փարաւոնի աղջիկին բերաւ զայն, եւ անոր որդին եղաւ. անոր անունը «Մովսէս կոչեց՝ ըսելով. «Քանի որ ջուրէն հանեցի զայն»»:

ՄՈՎԱԷՍ ԿԸ ՓԱԽՉԻ ՄԱԴԻԱՄ

11 Այն օրերը՝ երբ Մովսէս մեծցաւ, դուրս ելաւ՝ իր եղբայրներուն քով, եւ նայեցաւ անոնց բոնի աշխատանքներուն: Տեսաւ Եգիպտացի մը, որ իր Երրայեցի Եղբայրներէն մէկը կը ծեծէր: **12** Երբ հոս-հոն նայելով տեսաւ թէ ո՛չ մէկը կայ, «մեռցուց Եգիպտացին ու աւազին մէջ թաղեց զայն: **13** Հետեւեալ օրն ալ դուրս ելաւ, եւ ահա՝ երկու Երրայեցի մարդիկ կը կրուէին իրարու հետ: Ըսաւ անոր՝ որ իրաւունք չունէր. «Ինչո՞ւ ընկերդ կը ծեծես»: **14** Ան ալ ըսաւ. «Ո՞վ քեզ մեր վրայ իշխանաւոր ու դատաւոր նշանակեց. զի՞ս **ալ** կը մտածես» մեռցնել, ինչպէս Եգիպտացին մեռցուցիր»: Մովսէս վախցաւ եւ ըսաւ. «Անտարակոյս այս բանը գիտցուած է»:

15 Երբ Փարաւոն լսեց այս բանը՝ գուգեց Մովսէսը մեռցնել, բայց Մովսէս Փարաւոնի հառջեւէն փախաւ. Մադիամի երկրին մէջ բնակեցաւ ու հորի մը քով նստաւ: **16** Մադիամի քուրմը եօթը աղջիկ ունէր. անոնք եկան, ջուր քաշեցին եւ աւագանները լեցուցին՝ իրենց

^ա **Երբ.**՝ զաւակը

^բ **Երբ.**՝ ըլլայ

^գ **Այսիհըց**՝ ջուրէն հանուած

^դ **Երբ.**՝ զարկաւ

^ե **Երբ.**՝ կ'ըսես

^գ **Երբ.**՝ փնտուեց

^հ **Երբ.**՝ երեսէն

5

Յետոյ՝ Մովսէս եւ Ահարոն Փարաւոնի քով մտան ու ըսին. «Իսրայէլի Աստուածը՝ Եհովան սա՛ կը յայտարարէ. “Արձակէ՛ իմ ժողովուրդս, որպէսզի անապատին մէջ ինծի տօն կատարէ՛»: 2 Եւ Փարաւոն ըսաւ. «Եհովան ո՞վ է, որ անոր խօսքը մտիկ ընելով՝ Իսրայէլը արձակեմ: Եհովան չեմ ճանշնար, եւ Իսրայէլն ալ չեմ արձակեր»: 3 Անոնք ըսին. «Եբրայեցիներուն Աստուածը մեզի հանդիպեցաւ: Կ’աղերսե՛նք, թո՛ղ որ երեք օրուան ճամբայ երթանք անապատին մէջ ու մեր Աստուծոյն՝ Եհովայի գոհենք, որպէսզի ժանտախտով կամ սուրով մեզի դէմ չելլէ»: 4 Եգիպտոսի թագաւորը անոնց ըսաւ. «Ո՞վ Մովսէս եւ Ահարոն, ինչո՞ւ ժողովուրդը կը հեռացնէք իրենց գործերէն. գացէ՛ք ձեր բռնի աշխատանքներուն»: 5 Փարաւոն ըսաւ. «Ահա՛ հիմա երկրին ժողովուրդը շատ է, ու դուք կը հանգստացնէք զանոնք իրենց բռնի աշխատանքներէն»:

6 Փարաւոն այդ օրը ժողովուրդին գործավարներուն եւ անոր ոստիկաններուն պատուիրեց. 7 «“Առաջուան պէս՝ ա՛լ ժողովուրդին յարդ մի՛ տաք աղիս շինելու համար: Իրե՛նք թող երթան ու իրենց յարդ ժողվեն: 8 Եւ աղիսներուն քանակը, ինչպէս առաջ կը շինէին, անոնց վրայ դրէ՛ք. անկէ մի՛ պակսեցնէք: Արդարեւ ծոյլ են, հետեւաբար կ’աղաղակեն. “Երթանք, մեր Աստուծոյն գոհենք»: 9 բԳործը այս մարդոց վրայ թող ծանրանայ, որպէսզի անով աշխատին ու սուտ խօսքեր մտիկ չընեն”»: 10 Ժողովուրդին գործավարներն ու ոստիկանները ելան եւ ժողովուրդին խօսեցան՝ ըսելով. «Փարաւոն սա՛ կ’ըսէ. “Ես ձեզի յարդ չեմ տար: 11 Դո՛ք գացէք, ձեզի յա՛րդ առէք՝ ուր որ կարենաք գտնել»: բայց ձեր գործէն ոչինչ պիտի պակսի»: 12 Այսպէս ժողովուրդը Եգիպտոսի ամբողջ երկրին մէջ ցրուեցաւ՝ յարդի տեղ խոզան ժողվելու համար: 13 Գործավարները կը փութացնէին զանոնք՝ ըսելով. «Զեր ամէն օրուան գործը լմնցուցէ՛ք, ինչպէս երբ յարդ ունէիք»: 14 Փարաւոնի գործավարները ծեծեցին Իսրայէլի որդիներուն վրայ իրենց նշանակած ոստիկանները՝ ըսելով. «Զեր վրայ դրուած աղիսներուն քանակը երէկ եւ այսօր ինչո՞ւ չլմնցուցիք՝ առաջուան պէս»:

15 Իսրայէլի որդիներուն ոստիկանները եկան ու Փարաւոնի աղաղակեցին՝ ըսելով. «Ինչո՞ւ քու ծառաներուդ հետ այսպէս կը վարուիս: 16 Քու ծառաներուդ յարդ չեն տար, եւ մեզի կ’ըսեն. “Աղիսնե՛ր շինեցէք»: Ահա՛ քու ծառաներդ ծեծուեցան, մինչ յանցանքը քու ժողովուրդին է»: 17 Ան ալ ըսաւ. «Ծո՛յլ էք դուք, ծո՛յլ. հետեւաբար կ’ըսէք. “Երթանք Տէրոց գոհենք»: 18 Ուստի հիմա գացէ՛ք ու գործեցէք: Ձեզի յարդ պիտի չտրուի, բայց աղիսներուն քանակը պիտի յանձնէք»: 19 Իսրայէլի որդիներուն ոստիկանները իրենք զիրենք չարիքի մէջ տեսան, երբ ըսուեցաւ թէ “ամէն օրուան ձեր վրայ դրուած աղիսներուն քանակէն չպակսեցնէք»: 20 Երբ Փարաւոնի քովէն դուրս ելան՝ Մովսէսի ու Ահարոնի հանդիպեցան, որոնք կայնած էին զիրենք դիմաւորելու, 21 եւ ըսին անոնց. «Տէ՛ր ձեզի նայի ու դատէ. որովհետեւ գարշելի ըրիք մեր հոտը Փարաւոնի “առջեւ եւ անոր ծառաներուն առջեւ, մեզ սպաննելու համար անոնց ձեռքը սուր տալով»:

ՄՈՎՍԷՍ ԿԸ ԳԱՆԳԱՏԻ ՏԷՐՈՉ

^ս Եբր.՝ Երէկուան ու նախորդ օրուան

^բ Եբր.՝ Ծառայութիւնը

^գ Եբր.՝ կեղծ խօսքերու չնային

^դ Եբր.՝ աչքերուն

22 Մովսէս Տէրոց դարձաւ եւ ըսաւ. «Ո՞վ Տէր, ինչո՞ւ այս ժողովուրդը չարչարեցիր, ու զիս ինչո՞ւ դրկեցիր: **23** Որովհետեւ՝ քու անունովդ Փարաւոնի խօսելու համար գալէս ի վեր՝ **աՅ** այս ժողովուրդը չարչարեց, իսկ դուն բնաւ չփրկեցիր քու ժողովուրդդ»:

6

Տէրը Մովսէսի ըսաւ. «Հիմա պիտի տեսնես ինչ որ պիտի ընեմ Փարաւոնի. որովհետեւ ուժեղ ձեռքով պիտի արձակէ զանոնք, եւ ուժեղ ձեռքով պիտի վոնտէ զանոնք իր երկրէն»:

ԱՍՏՈՒԱԾ ԿԸ ԿԱՆՉԵ ՄՈՎՍԷՍԸ

2 Աստուած Մովսէսի խօսեցաւ ու անոր ըսաւ. «Ե՞ս եմ ՚Եհովան: **3** Աբրահամի, իսահակի եւ Յակոբի երեւցայ “Ամենակարող Աստուծոյ” անունով. բայց անոնց շճանչցուեցայ իմ “Եհովա” անունովս: **4** Նաեւ անոնց հետ հաստատեցի իմ ուխտս, որ անոնց տամ քանանի երկիրը, անոնց գաղթականութեան երկիրը՝ ուր պանդխտացան: **5** Լսեցի նաեւ հեծեծանքը Իսրայէլի որդիներուն, որ Եգիպտացիները ստրուկ ըրին, եւ յիշեցի իմ ուխտս: **6** Ուստի ըսէ՛ Իսրայէլի որդիներուն. “Ե՞ս եմ Եհովան. Ե՞ս պիտի հանեմ ձեզ Եգիպտացիներու բռնի աշխատանքներուն տակէն, պիտի ազատեմ ձեզ անոնց ստրկութենէն, ու պիտի փրկեմ ձեզ երկարած բազուկով եւ մեծ դատաստաններով: **7** Ձեզ պիտի առնեմ իբր ի՞մ ժողովուրդս. ձեզի Աստուած պիտի ըլլամ, ու պիտի գիտնաք թէ ձեզ Եգիպտացիներու բռնի աշխատանքներուն տակէն հանող Տէրը՝ ձեր Աստուածը՝ Ե՞ս եմ: **8** Ձեզ պիտի տանիմ այն երկիրը՝ որուն համար ՚Երդում ըրի”, որ Աբրահամի, իսահակի եւ Յակոբի տամ, ու ձեզի պիտի տամ զայն՝ իբր ստացուածք: Ե՞ս եմ Տէրը»: **9** Մովսէս այսպէս ըսաւ Իսրայէլի որդիներուն. բայց անոնք Մովսէսի մտիկ չըրին՝ հոգիի վհատութեան ու տաժանելի ստրկութեան պատճառով:

10 Տէրը խօսեցաւ Մովսէսի՝ ըսելով. **11** «Մտի՛ր Եգիպտոսի Փարաւոն թագաւորին քով, եւ խօսէ՛ որ Իսրայէլի որդիները արձակէ իր երկրէն»: **12** Իսկ Մովսէս խօսեցաւ Տէրոց առջեւ՝ ըսելով. «Ահա՝ Իսրայէլի որդիները ինձի մտիկ չըրին, հապա ի՞նչպէս Փարաւոն ինձի մտիկ պիտի ընէ, ինձի՝ որ ՚ծանրալեզու եմ»: **13** Տէրը խօսեցաւ Մովսէսի եւ Ահարոնի, ու պատուիրեց անոնց՝ **ոյ** Իսրայէլի որդիներուն ու Եգիպտոսի Փարաւոն թագաւորին **երթան**, որպէսզի Իսրայէլի որդիները Եգիպտոսի երկրէն դուրս հանեն:

ՄՈՎՍԷՍԻ ԵՒ ԱՀԱՐՈՆԻ ԱԶԳԱԲԱՆՈՒԹԻՒՆԸ

14 Ահա՛ւասիկ անոնց ՚նահապետութիւններուն գլխաւորները: Իսրայէլի անդրանիկին՝ Ռուբէնի որդիները.՝ Ենովք, Փաղուս, Եսրոն եւ Քարմի. ասոնք են Ռուբէնի գերդաստանները: **15** Շմաւոնի որդիները՝ Յամուէլ, Յամին, Ոհադ, Յաքին, Սահառ, ու

^ա Այսիցց՝ Ա՛Յ՝ որ է, կամ Յակիտենականը

^բ Եբր.՝ ձեռքս բարձրացուցի

^գ Եբր.՝ անթլփատ շրթունքով

^դ Այսիցց՝ հայրերու տուններուն

քանանացի կնոց որդի՛՛ Սաւուղ. ասոնք են Ծմաւոնի գերդաստանները: **16** Ահա՛ւասիկ Ղետի որդիներուն անունները՝ իրենց ծնունդներուն համեմատ... Գերսոն, Կահաթ եւ Մերարի: Ղետի կեանքին տարիները՝ հարիւր երեսունեօթը տարի եղան: **17** Գերսոնի որդիները՝ իրենց գերդաստաններուն համեմատ՝ Ղոբենի ու Սեմէի էին: **18** Կահաթի որդիները՝ Ամրամ, Խսահառ, Թեքրոն եւ Ոզիէլ. Կահաթի կեանքին տարիները հարիւր երեսուներեք տարի եղան: **19** Մերարիի որդիները՝ Մոհողի ու Մուսի: Ղետի գերդաստանները՝ իրենց ծնունդներուն համեմատ՝ ասոնք են: **20** Ամրամ իր հօրաքոյրը՝ Յոքաբէդը իրեն կին առաւ, որ ծնաւ իրեն Ահարոնը եւ Մովսէսը. Ամրամի կեանքին տարիները հարիւր երեսունեօթը տարի եղան: **21** Խսահառի որդիները՝ Կորխ, Նափեկ ու Զեքրի: **22** Ոզիէլի որդիները՝ Միսայէլ, Եղիսակիան եւ Սեթրի: **23** Ահարոն իրեն կին առաւ Ամինադարի աղջիկը, Նաասոնի քոյրը՝ Եղիսաբէթը. ան ծնաւ իրեն Նարաբը, Աբիուրը, Եղիազարն ու Իթամարը: **24** Կորխի որդիները՝ Ասիր, Եղկանա եւ Աբիասափ. ասոնք են Կորխեաններուն գերդաստանները: **25** Ահարոնի որդին՝ Եղիազար Փուտիէլի աղջիկներէն իրեն կին առաւ. ան ծնաւ իրեն Փենեհէսը: Ասոնք են Ղետացիներուն նահապետները՝ իրենց գերդաստաններուն համեմատ:

26 Ասոնք են այն Ահարոնը եւ Մովսէսը՝ որոնց Տէրը ըսաւ. «Խսրայէլի որդիները հանեցէք Եգիպտոսի Երկրէն՝ իրենց զօրաքաժիններուն համեմատ»: **27** Խսրայէլի որդիները Եգիպտոսէն հանելու համար՝ Եգիպտոսի Փարաւոն թագաւորին խօսողները ասոնք են, այս Մովսէսն ու Ահարոնը:

ԱՍՏՈՒԾՈՅ ՀՐԱՄԱՆԸ ՄՈՎՍԷՍԻ ԵՒ ԱՀԱՐՈՆԻ

28 Այն օրը երբ Տէրը խօսեցաւ Մովսէսի՝ Եգիպտոսի Երկրին մէջ, – **29** Տէրը խօսեցաւ Մովսէսի՝ ըսելով. «Ե՞ս եմ Եհովան. ամէն ինչ որ քեզի կ'ըսեմ, Եգիպտոսի Փարաւոն թագաւորին խօսէ՛», – **30** Մովսէս Տէրոց առջեւ ըսաւ. «Ահա՛ ես գծանրալեզու եմ, ուստի ի՞նչպէս Փարաւոն ինձի մտիկ պիտի ընէ»:

7

Տէրը Մովսէսի ըսաւ. «Նայէ՛, քեզ Փարաւոնի աստուած ըրի, ու Եղբայրդ՝ Ահարոն քու մարգարէդ թող ըլլայ: **2** Դում խօսէ՛ ամէն ինչ որ քեզի կը պատուիրեմ, եւ քու Եղբայրդ՝ Ահարոն թող ըսէ Փարաւոնի, որպէսզի Խսրայէլի որդիները արձակէ իր Երկրէն: **3** Ես Փարաւոնի սիրտը պիտի խստացնեմ, ու իմ նշաններս եւ հրաշքներս Եգիպտոսի Երկրին մէջ պիտի բազմապատկեմ: **4** Փարաւոն ձեզի մտիկ պիտի չընէ. Ես ալ ձեռքս Եգիպտոսի վրայ պիտի դնեմ, եւ իմ զօրաքաժիններս, իմ ժողովուրդս, Խսրայէլի որդիները, մեծ դատաստաններով պիտի հանեմ Եգիպտոսի Երկրէն: **5** Ու երբ իմ ձեռքս Եգիպտոսի վրայ Երկարեմ եւ Խսրայէլի որդիները անոնց մէջէն հանեմ, Եգիպտացիները պիտի գիտնան թէ Ե՞ս եմ Տէրը»: **6** Մովսէս ու Ահարոն ըրին ինչպէս Տէրը իրենց պատուիրեր էր. այնպէս ըրին: **7** Մովսէս ութսուն տարեկան էր, իսկ Ահարոն՝ ութսուներեք տարեկան, երբ Փարաւոնի հետ խօսեցան:

ԱՀԱՐՈՆԻ ՔԱԼՈՂ ԳԱԻԱԶԱՆԸ

^Ե Այսիցը՝ հայրերու գլխաւորները

^Գ Երը՝ անթլկատ շրթունքով

8 *Sէրը խօսեցաւ Մովսէսի եւ Ահարոնի՝ ըսելով. «Երբ Փարաւոն ծեզի խօսի ու ըսէ. **9** “Չեզի համար հրա՛շք “ցոյց տուէք” □, ըսէ՝ Ահարոնի. “Ա՛ն գաւազանդ եւ նետէ՛ Փարաւոնի առջեւ□. ան վիշապ պիտի ըլլայ»: **10** Մովսէս ու Ահարոն մտան Փարաւոնի քով եւ ըրին ինչպէս *Sէրը պատուիրեր էր: Ահարոն իր գաւազանը նետեց Փարաւոնի առջեւ ու անոր ծառաներուն առջեւ, եւ վիշապ եղաւ: **11** Յետոյ Փարաւոն ալ իմաստուններն ու կախարդները կանչեց, եւ անոնք ալ – Եգիպտոսի մոգերը – նոյնպէս ըրին՝ իրենց կախարդութիւններով: **12** Իրաքանչիւրը իր գաւազանը նետեց, ու անոնք վիշապներ եղան. բայց Ահարոնի գաւազանը կլլեց անոնց գաւազանները: **13** Սակայն Փարաւոնի սիրտը կարծրացաւ եւ անոնց մտիկ չըրաւ, ինչպէս *Sէրը ըսեր էր:***

ՏԱՄԸ ՀԱՐՈՒԱԾՆԵՐԸ Արիւն

14 *Sէրը Մովսէսի ըսաւ. «Փարաւոնի սիրտը խստացաւ. կը մերժէ ժողովուրդը արծակել:* **15** *Առտուն գնա՛ Փարաւոնի. ահա՛ ան դուրս կ'ելլէ՛ դէպի ջուրը: Գետին եզե՛րը կայնէ՛ անոր դիմացը, ծե՛ռքդ առ այն գաւազանը՝ որ օծի վերածուած էր, **16** եւ ըսէ՝ անոր. “Եբրայեցիններուն Աստուածը՝ Եհովան զիս քեզի ղրկեց՝ ըսելով. “Արծակէ՛ իմ ժողովուրդս, որպէսզի զիս պաշտէ անապատին մէջ”. բայց ահա՛ մինչեւ հիմա մտիկ չըրիր: **17** *Sէրը սա՛ կը յայտարարէ. “Հետեւեալ միջոցով պիտի գիտնաս թէ են եմ *Sէրը*.– ահա՛ ես իմ ծեռքս եղող գաւազանով պիտի զարնեմ գետին մէջ եղող ջուրերուն, եւ արիւնի պիտի վերածուին. **18** գետին մէջ եղող ծուկերը պիտի մեռնին, գետը գարշահոտ պիտի ըլլայ, ու Եգիպտացինները պիտի ծանծրանան՝ գետին ջուրէն խմել քանալով”□»:**

19 *Sէրը Մովսէսի ըսաւ. «Ըսէ՛ Ահարոնի. “Ա՛ն գաւազանդ ու երկարէ՛ ծեռքդ Եգիպտացիններու ջուրերուն վրայ – անոնց գետակներուն վրայ, գետերուն վրայ, լիճներուն վրայ, եւ անոնց բոլոր ջրակոյտերուն վրայ –, որպէսզի արիւն ըլլան. Եգիպտոսի ամբողջ երկրին մէջ՝ փայտէ ու քարէ անօթներուն մէջի ջուրերը արիւն ըլլան□»: **20** Եւ Մովսէս ու Ահարոն ըրին ինչպէս *Sէրը պատուիրեր էր: Գաւազանը վերցուց, Փարաւոնի բառջեւ եւ անոր ծառաներուն առջեւ գետին մէջ եղող ջուրերուն զարկաւ, ու գետին մէջ եղող բոլոր ջուրերը արիւնի վերածուեցան: **21** Գետին մէջ եղող ծուկերը մեռան, գետը գարշահոտ եղաւ, եւ Եգիպտացինները գետին ջուրէն չէին կրնար խմել: Եգիպտոսի ամբողջ երկրին մէջ արիւն կար: **22** Բայց Եգիպտոսի մոգերն ալ իրենց կախարդութիւններով նոյնպէս ըրին. ու Փարաւոնի սիրտը կարծրացաւ եւ անոնց մտիկ չըրաւ, ինչպէս *Sէրը ըսեր էր: **23** Փարաւոն դարձաւ ու իր տունը մտաւ. “այս ալ անոր սիրտին չդպաւ”: **24** Բոլոր Եգիպտացինները գետին շուրջը փորեցին՝ խմելու ջուր գտնելու համար, որովհետեւ գետին ջուրէն չէին կրնար խմել: **25** Ու եօթը օր անցաւ՝ *Sէրը գետը զարնելէն ետք:****

Գորտեր

8

*Sէրը Մովսէսի ըսաւ. «Մտի՛ր Փարաւոնի քով եւ ըսէ՛ անոր. “Sէրը սա՛ կը յայտարարէ. “Արծակէ՛ իմ ժողովուրդս, որպէսզի զիս պաշտէ: **2** Եթէ մերժես զանոնը արծակել, ահա՛*

^ս **Եբր.**՝ տուէք

^բ **Եբր.**՝ աչքերուն

^գ **Եբր.**՝ իր սիրտը այս բանին վրայ ալ չդրաւ

ես քու ամբողջ հողամասդ գորտերով պիտի զարնեմ: **3** Գետը “առատութեամբ գորտեր պիտի արտադրէ”: անոնք ալ վեր պիտի ելլեն ու պիտի մտնեն քու տանդ, ննջասենեակիդ եւ մահիճիդ մէջ, քու ծառաներուդ տուները, քու ժողովուրդիդ, քու փուռերուդ ու խմորի տաշտերուդ մէջ: **4** Գորտերը պիտի ելլեն քու վրադ, ժողովուրդիդ վրայ եւ բոլոր ծառաներուդ վրայ”[□]»:

5 Տէրը Մովսէսի ըսաւ. «**Սա՛** ըսէ Ահարոնի. “Զու գաւազանովդ երկարէ՛ ձե՛ռքդ գետակներուն վրայ, գետերուն վրայ ու լիճերուն վրայ, եւ գորտե՛ր հանէ եգիպտոսի երկրին վրայ”[□]»: **6** Ահարոն իր ձեռքը երկարեց Եգիպտոսի ջուրերուն վրայ, ու գորտեր բարձրացան եւ Եգիպտոսի երկրը ծածկեցին: **7** Բայց մոգերն ալ իրենց կախարդութիւններով նոյնակէս ըրին, ու Եգիպտոսի երկրին վրայ գորտեր բարձրացուցին:

8 Փարաւոն Մովսէսն ու Ահարոնը կանչեց, եւ ըսաւ. «Թախանձեցէ՛ Տէրոջ, որ ինձմէ ու իմ ժողովուրդէս հեռացնէ գորտերը, եւ ժողովուրդը պիտի արձակեմ՝ որպէսզի Տէրոջ զոհէ»: **9** Մովսէս Փարաւոնի ըսաւ. «^բՈրոշէ՛ ինձի **Ժամանակ մը**», թէ ե՛րբ թախանձեմ քեզի համար, ծառաներուդ համար ու ժողովուրդիդ համար, որ գորտերը բնացնջուին քեզմէ եւ քու տուներէդ, ու միայն գետին մէջ մնան»: **10** Ան ըսաւ. «Վա՛ղը»: Ինք ալ ըսաւ. «Զու խօսքիդ համաձայն ըլլայ, որպէսզի գիտնաս թէ ո՛չ մէկը մեր Աստուծոյն՝ Եհովայի նման է: **11** Քեզմէ, քու տուներէդ, քու ծառաներէդ եւ քու ժողովուրդէդ գորտերը պիտի հեռանան. միայն գետին մէջ պիտի մնան»: **12** Մովսէս եւ Ահարոն Փարաւոնի քովէն ելան. Մովսէս Տէրոջ աղաղակեց այն գորտերուն պատճառով՝ որ Փարաւոնի վրայ ^գբերած էր, **13** ու Տէրը Մովսէսի խօսքին համաձայն ըրաւ: Գորտերը մեռան տուներուն, բակերուն եւ դաշտերուն մէջ. **14** զանոնք զանգուածներով հաւաքեցին, ու երկիրը գարշահոտ եղաւ: **15** Բայց երբ Փարաւոն տեսաւ թէ հանգստաւէտութիւն կայ, իր սիրտը ^Դխստացուց եւ անոնց մտիկ չըրաւ, ինչպէս Տէրը ըսեր էր:

Մուներ

16 Տէրը Մովսէսի ըսաւ. «Հսէ՛ Ահարոնի. “Երկարէ՛ գաւազանդ ու զա՛րկ գետինի հողին, որպէսզի Եգիպտոսի ամբողջ երկրին մէջ ^եմուն ըլլայ”[□]»: **17** Այնպէս ալ ըրին: Ահարոն իր ձեռքը երկարեց եւ իր գաւազանով զարկաւ հողին, ու մարդոց վրայ եւ անասուններուն վրայ մուն եղաւ: Եգիպտոսի ամբողջ երկրին վրայ՝ երկրին ամբողջ հողը մուն եղաւ: **18** Մոգերն ալ իրենց կախարդութիւններով նոյնակէս ըրին՝ որպէսզի մուներ արտադրեն, բայց չկրցան: Այսպէս՝ մարդոց եւ անասուններուն վրայ մուն եղաւ: **19** Մոգերը ըսին Փարաւոնի. «Ասիկա Աստուծոյ մատն է»: Բայց Փարաւոնի սիրտը կարծրացաւ ու անոնց մտիկ չըրաւ, ինչպէս Տէրը ըսեր էր:

Շանաճանճեր

^ա **Եբր.**՝ գորտեր պիտի վխտացնէ

^բ **Եբր.**՝ փառաւորուէ՛ ինձմով

^գ **Եբր.**՝ դրած

^դ **Եբր.**՝ ծանրացուց

^ե **Կամ**՝ ողիլ

20 Տէրը Մովսէսի ըսաւ. «Առտուն՝ կանոնիս ելիր, Փարաւոնի՛ ներկայացիր,— ահա՛ անդուրս կ'ելլէ՛ դէպի ջուրը,— եւ անոր ըսէ՛. «Տէրը սա՛ կը յայտարարէ. "Արծակէ՛ իմ ժողովուրդս, որպէսզի զիս պաշտէ: **21** Իսկ եթէ իմ ժողովուրդս չարձակես, ես շանաճանճ պիտի դրկեմ քու վրադ, քու ծառաներուդ վրայ, քու ժողովուրդիդ վրայ ու քու տուներուդ վրայ. Եգիպտացիներուն տուները շանաճանճով պիտի լեցուին, նաեւ այն գետինը՝ որուն վրայ անոնք կը կենաց: **22** Բայց այն օրը իմ ժողովուրդիս բնակած Գեսէմի երկիրը պիտի զատորոշեմ, եւ հոն շանաճանճ պիտի ըլլայ. որպէսզի գիտնաս թէ երկրին մէջ ե՞ս եմ Տէրը: **23** Իմ ժողովուրդիս ու քու ժողովուրդիդ միջեւ խտրութիւն պիտի դնեմ. վաղը այս նշանը պիտի ըլլայ"[□]: **24** Եւ Տէրը այնպէս ըրաւ: Փարաւոնի տան, անոր ծառաներուն տուներուն ու Եգիպտոսի ամբողջ երկրին վրայ շատ շանաճանճ եկաւ, **եւ** շանաճանճին պատճառով երկիրը ապականեցաւ:

25 Փարաւոն Մովսէսն ու Ահարոնը կանչեց, եւ ըսաւ. «Գացե՛ք, ձեր Աստուծոյն զոհեցէ՛ք այս երկրին մէջ»: **26** Մովսէս ըսաւ. «Պատշաճ չէ այսպէս ընել. որովհետեւ Եգիպտացիներուն գարշելի եղածները պիտի զոհենք Տէրոց՝ մեր Աստուծոյն: Եթէ Եգիպտացիներուն գարշելի եղածները իրենց աչքերուն առցեւ զոհենք, միթէ պիտի չքարկոծե՞ն մեզ: **27** Մենք երեք օրուան ճամբայ պիտի երթանք անապատին մէջ, ու պիտի զոհենք Տէրոց՝ մեր Աստուծոյն, ինչպէս ինք մեզի հրամայէ»: **28** Փարաւոն ըսաւ. «Ես ձեզ կ'արծակեմ՝ որպէսզի երթաք, ձեր Աստուծոյն՝ Եհովայի զոհէք անապատին մէջ. միայն թէ շատ հեռու չերթաք: Թախանձեցէ՛ք ինծի համար»: **29** Մովսէս ըսաւ. «Ահա՛ ես քու քովէդ կ'ելլեմ ու Տէրոց կը թախանձեմ, որ վաղը շանաճանճը հեռացնէ Փարաւոնէ, անոր ծառաներէն եւ անոր ժողովուրդէն: Բայց Փարաւոն անգամ մըն ալ մեզ չխաբէ՛ ժողովուրդը չարձակելով որ Տէրոց զոհէ»: **30** Երբ Մովսէս Փարաւոնի քովէն ելաւ՝ Տէրոց թախանձեց: **31** Եւ Տէրը Մովսէսի խօսքին համաձայն ըրաւ, ու շանաճանճը հեռացուց Փարաւոնէ, անոր ծառաներէն եւ անոր ժողովուրդէն. մէկ հատ իսկ չմնաց: **32** Բայց Փարաւոն այս անգամ ալ իր սիրտը խստացուց ու ժողովուրդը չարձակեց:

Անասուններու մահ

9

Տէրը Մովսէսի ըսաւ. «Մտի՛ր Փարաւոնի քով եւ ըսէ՛ անոր. «Տէրը՝ Եբրայեցիներուն Աստուածը՝ սա՛ կը յայտարարէ. "Արծակէ՛ իմ ժողովուրդս, որպէսզի զիս պաշտէ: **2** Արդարեւ եթէ մերժես զանոնք արծակել ու տակալին ամուր բոնես զանոնք, **3** ահա՛ Տէրոց ձեռքը դաշտին մէջ եղող քու խաշինքիդ վրայ ըլլալով՝ ծիերուն, էշերուն, ուղտերուն, արցաններուն ու ոչխարներուն մէջ յոյժ սաստիկ ժանտախտ պիտի ըլլայ: **4** Տէրը հսրայէլի խաշինքն ու Եգիպտոսի խաշինքը պիտի զատորոշէ, եւ հսրայէլի որդիներուն անասուններէն ո՛չ մէկը պիտի մեռնի"[□]: **5** Տէրը ժամանակ որոշեց՝ ըսելով. «Տէրը վաղը պիտի ընէ այս բանը երկրին մէջ»: **6** Ու հետեւեալ օրը Տէրը ըրաւ այս բանը. Եգիպտացիներուն ամբողջ խաշինքը մեռաւ, բայց հսրայէլի որդիներուն խաշինքէն ո՛չ մէկ անասուն մեռաւ: **7** Փարաւոն մարդ դրկեց, եւ ահա՛ հսրայէլի խաշինքէն ո՛չ մէկ անասուն մեռած էր: Սակայն Փարաւոնի սիրտը խստացաւ ու ժողովուրդը չարձակեց:

Ուռեցըներ

8 Տէրը Մովսէսի եւ Ահարոնի ըսաւ. «Առէ՛ք ձեզի երկու բուռ հնոցի մոխիր, ու Մովսէս դէպի երկինք թող ցանէ զայն՝ Փարաւոնի առցեւ: **9** Ան փոշի պիտի ըլլայ Եգիպտոսի

^w Երբ.՝ աչքերուն

ամբողջ երկրին վրայ, ու մարդոց եւ անասուններուն վրայ խաղաւարտներ բհանող պալարներ պիտի ըլլան եգիպտոսի ամբողջ երկրին մէջ»: **10** Ուստի հնոցի մոխիրը առին, Փարաւոնի առջեւ կայնեցան, ու Մովսէս դէպի երկինք ցանեց զայն. մարդոց եւ անասուններուն վրայ խաղաւարտներ հանող պալարներ եղան: **11** Մոգերը պալարներուն պատճառով չկրցան կայնիլ Մովսէսի առջեւ. որովհետեւ պալարները մոգերուն վրայ **ալ** ու բոլոր եգիպտացիներուն վրայ եղան: **12** **Տէրը** կարծրացուց Փարաւոնի սիրտը, եւ անոնց մտիկ չըրաւ, ինչպէս **Տէրը** Մովսէսի ըսեր էր:

Կարկուտ

13 **Տէրը** Մովսէսի ըսաւ. «Առտում՝ կանոնիս ելիր, Փարաւոնի՝ ներկայացիր եւ անոր ըսէ՛: «Տէրը՝ Եբրայեցիներուն Աստուածը՝ սա՛ կը յայտարարէ. «Արձակէ՛ իմ ժողովուրդս, որպէսզի զիս պաշտէ. **14** քանի որ այս անգամ իմ բոլոր պատուհասներս պիտի դրկեմ քու Պվրադ, եւ ծառաներուդ ու ժողովուրդիդ վրայ, որպէսզի գիտնաս թէ ինծի նման ո՛չ մէկը կայ ամբողջ երկրի վրայ: **15** Արդարեւ հիմա ձեռքս պիտի երկարեմ՝ որպէսզի քեզ ու քու ժողովուրդդ ժանտախտով զարնեմ, ու երկրի վրայէն պիտի անհետանաս: **16** Քեզ Դնշանակեցի, որպէսզի իմ կարողութիւնս քեզմով ցոյց տամ, եւ ամբողջ երկրի վրայ իմ անունս հռչակուի: **17** Դուն տակաւին իմ ժողովուրդիս դէ՞մ կը կենաս, որ չարձակես զայն: **18** Ահա՛ վաղը՝ այս ատեն՝ յոյժ սաստիկ կարկուտ պիտի տեղացնեմ, որուն պէս եգիպտոսի մէջ եղած չէ՝ անոր հիմնուած օրէն մինչեւ հիմա: **19** Հիմա **մարդ** դրկէ եւ հաւաքէ՛ քու խաշինքդ, նաեւ ինչ որ ունիս դաշտին մէջ. որովհետեւ բոլոր **անոնք**՝ մարդ թէ անասում՝ որ դաշտին մէջ գտնուին ու տուները հաւաքուած չըլլան, անոնց վրայ կարկուտը պիտի իշնէ, եւ պիտի մեռնի՛՛: **20** Փարաւոնի ծառաներէն ա՛ն որ **Տէրոց** խօսքէն կը վախնար, իր ծառաներն ու խաշինքը տուներու մէջ Պհաւաքեց: **21** Սակայն ո՛վ որ **Տէրոց** խօսքին ուշադրութիւն չդարձուց», իր ծառաներն ու խաշինքը դաշտին մէջ թողուց:

22 **Տէրը** Մովսէսի ըսաւ. «Երկարէ՛ ձեռքդ դէպի երկինք, որ կարկուտ ըլլայ Եգիպտոսի ամբողջ երկրին մէջ՝ մարդոց եւ անասուններուն վրայ, ու Եգիպտոսի երկրին մէջ եղող դաշտերուն ամբողջ բոյսին վրայ»: **23** Եբր Մովսէս իր գաւազանը երկարեց դէպի երկինք, **Տէրը** որոտում եւ կարկուտ Պդրկեց, ու կրակը երկրի վրայ կը շրջէր: **Տէրը** Եգիպտոսի երկրին վրայ կարկուտ տեղացուց. **24** յոյժ սաստիկ էր կարկուտը, եւ կարկուտին խառնուած կրակը, այնպէս որ անոր նմանը եղած չէր Եգիպտոսի ամբողջ երկրին մէջ՝ ազգ ըլլալէն ի վեր: **25** Կարկուտը Եգիպտոսի ամբողջ երկրին մէջ զարկաւ դաշտը եղող

^բ **Եբր.**՝ ծաղկեցնող

^գ **Եբր.**՝ սրտիդ վրայ

^դ **Եբր.**՝ կայնեցուցի

^ե **Եբր.**՝ փախցուր

^զ **Եբր.**՝ փախցուց

^է **Եբր.**՝ խօսքը սիրտին մէջ չդրաւ

^ը **Եբր.**՝ ծայն

^բ **Եբր.**՝ տուաւ

7 Փարաւոնի ծառաները ըսին անոր. «Մինչեւ Ե՞րբ այս **մարդը** մեզի որոգայթ պիտի ըլլայ. արձակ՝ մարդիկը, որ իրենց Աստուածը՝ Եհովան պաշտեն. տակաւին չե՞ս գիտեր թէ Եգիպտոս կործանեցաւ»: **8** Ուստի Մովսէս ու Ահարոն Փարաւոնի վերադարձուցին, եւ ան իրենց ըսաւ. «Գացէ՛ք, պաշտեցէ՛ք ձեր Աստուածը՝ Եհովան. **բայց** որո՞նք պիտի երթան»: **9** Մովսէս ըսաւ. «Մեր երիտասարդներով ու մեր ծերերով պիտի երթանք, մեր որդիներով ու մեր աղջիկներով. մեր ոչխարներով ու մեր արջառներով պիտի երթանք, որովհետեւ տօն պիտի կատարենք **Տէրոջ»:** **10** Փարաւոն ըսաւ. «Տէրը այնպէս ծեզի հետ ըլլայ, ինչպէս ես ծեզ եւ ծեր մանուկները կ'արձակեմ: Դգուշացէ՛ք, քանի որ չարիք կայ ձեր առջեւ: **11** Ո՛չ այդպէս. այժմ դո՛ւք՝ ^եայր մարդի՛կդ՝ գացէք ու **Տէրը** պաշտեցէք, որովհետեւ դուք ատիկա կ'ուզէիք»: Եւ Փարաւոնի **առջեւէն** վոնտուեցան:

12 **Տէրը** Մովսէսի ըսաւ. «Երկարէ՛ ծեռքդ Եգիպտոսի երկրին վրայ՝ մարախներուն համար, որպէսզի Եգիպտոսի երկրին վրայ ելլեն եւ ուտեն երկրին ամբողջ բոյսը, կարկուտէն ամբողջ մնացածը»: **13** Մովսէս իր գաւազանը Երկարեց Եգիպտոսի երկրին վրայ, ու **Տէրը** այդ ամբողջ օրը եւ ամբողջ գիշերը երկրի վրայ արեւելեան հով փշել տուաւ: Երբ առտու եղաւ, արեւելեան հովը մարախները բերաւ: **14** Մարախները Եգիպտոսի ամբողջ երկրին վրայ բարձրացան, ու Եգիպտոսի ամբողջ հողամասին վրայ էիցան: Յոյժ շատ էին. անոնցմէ առաջ այդպիսի մարախ եղած չէր, ո՛չ ալ անոնցմէ ետք այդպէս պիտի ըլլայ: **15** Ամբողջ երկրին մակերեսը ծածկեցին, ու երկիրը խաւարեցաւ: Երկրին ամբողջ բոյսը եւ կարկուտէն մնացած ծառերուն բոլոր պտուղները կերան: Եգիպտոսի ամբողջ երկրին մէջ եղող ծառերուն վրայ եւ դաշտին բոյսերուն վրայ ո՛չ մէկ կանաչութիւն մնաց:

16 Ուստի Փարաւոն շտապելով Մովսէսն ու Ահարոնը կանչեց եւ ըսաւ. «Տէրոջ՝ ձեր Աստուծոյն ու ծեզի դէմ մեղանչեցի: **17** Հիմա կ'աղերսե՞մ, միայն ա՛յս անգամ ներեցէք յանցանքս, եւ **Տէրոջ՝** ձեր Աստուծոյն թախանձեցէ՛ք, որ միայն այս մահը հեռացնէ ինձմէ»: **18** Ան Փարաւոնի քովէն դուրս ելաւ ու **Տէրոջ** թախանձեց: **19** **Տէրն** ալ շատ ուժգին արեւմտեան հով մը ^ողրկեց, որ մարախները վերցուց եւ Կարմիր ծովը քշեց զանոնք. Եգիպտոսի ամբողջ հողամասին վրայ ո՛չ մէկ մարախ մնաց: **20** Բայց **Տէրը** կարծրացուց Փարաւոնի սիրտը, ու ան հսրայէլի որդիները չարձակեց:

Ծօշափելի խաւար

21 **Տէրը** Մովսէսի ըսաւ. «Երկարէ՛ ծեռքդ դէպի երկինք, որպէսզի Եգիպտոսի երկրին վրայ խաւար ըլլայ, խաւար մը՝ որ կը շօշափուի»: **22** Մովսէս իր ծեռքը Երկարեց դէպի երկինք, ու Եգիպտոսի ամբողջ երկրին մէջ թանձր խաւար եղաւ երեք օր: **23** Զիրար չէին տեսներ, եւ ո՛չ մէկը իր տեղէն կանգնեցաւ երեք օր. բայց հսրայէլի բոլոր որդիները լոյս ունէին իրենց բնակութիւններուն մէջ:

^գ **Եբր.**՝ ո՞վ եւ ո՞վ

^դ **Եբր.**՝ Նայեցէ՛ք

^ե **Եբր.**՝ զօրաւոր **մարդիկդ**

^գ **Եբր.**՝ Երեսէն

^է **Եբր.**՝ տեղադրուեցան

^լ **Եբր.**՝ դարձուց

իւրաքանչիւրը իրեն գառ մը թող առնէ Շնահապետութեան համեմատ, **այսինքն** մէկ տան՝ մէկ գառ։ 4 Եթէ մէկ ընտանիքը փոքրաթիւ է մէկ գառի համար, ինը եւ իր տան ամենամօտ դրացին թող առնեն **զայն**՝ անձերուն համրանքին համեմատ. գառին համար՝ հաշուեցէ՛ք իւրաքանչիւրին կերածին համեմատ։ 5 Չեր գառը անարատ, արու, մէկ տարեկան թող ըլլայ։ Ոչխարներէն կամ այծերէն առէք զայն։ 6 Պահեցէ՛ք զայն մինչեւ այս ամսուան տասնչորրորդ օրը. ապա Խարայէլի համախմբուած ամբողջ համայնքը թող մորթէ զայն Իրիկուան դէմ։ 7 **Անոր** արիւնէն թող առնեն ու քսեն երկու դրանդիներուն եւ վերի սեմին վրայ **այն** տուներուն՝ ուր զայն պիտի ուտեն։ 8 Միսը այդ գիշերը թող ուտեն. զայն կրակի վրայ խորոված՝ բաղարցով **ու** լեղի խոտերով ուտեն։ 9 Անկէ՝ հում կամ ջուրի մէջ եփած մի՛ ուտէք, հապա՝ կրակի վրայ խորոված, անոր գլուխն ու թաթերը, փորոտիքով միասին։ 10 Անկէ ոչինչ թողուցէք մինչեւ առտու. անկէ ինչ որ առտուն մնայ, կրակո՛վ այրեցէք։ 11 Սա՛պէս կերէք զայն.՝ ձեր մէջքը գոտենորուած, կօշիկները՝ ձեր ոտքերը, եւ գաւազանը՝ ձեր ձեռքը ըլլալով. զայն աճապարանքո՛վ կերէք։ 12 Ասիկա Տէրոց Դատիկն է։ Այդ գիշերը Եգիպտոսի երկրէն պիտի անցնիմ, ու Եգիպտոսի երկրին մէջ պիտի զարնեմ ամէն անդրանիկ, մարդէ մինչեւ անասուն։ Եգիպտոսի բոլոր Դաստուածներուն դէմ Դատավճիռ պիտի արձակեմ։ Են եմ Տէրը։ 13 Արիւնը ձեր **գտնուած** տուներուն վրայ նշանի համար պիտի ըլլայ. արիւնը տեսնելով՝ ձեր վրայէն պիտի անցնիմ, եւ հարուածը ձեր վրայ պիտի չգայ՝ **ձեզ** կոտորելու, երբ Եգիպտոսի երկիրը զարնեմ։ 14 Այդ օրը ձեզի իբր յիշատակ թող ըլլայ, ու տօնեցէ՛ք զայն Տէրոց համար. յաւիտենական կանոնով մը տօնեցէք զայն ձեր սերունդներուն մէջ **□**։

ԲԱՂԱՐՁԱԿԵՐՁԻ ՏՕՆԸ

15 «Եօթը օր բաղարց կերէք. առաջին օրն իսկ ձեր տուներէն դո՛րս Դանեցէք թթիսմորը, որովհետեւ առաջին օրէն մինչեւ Եօթներորդ օրը՝ ո՛վ որ խմորեալ **հաց** ուտէ, այդ անձը Խարայէլէն պիտի բնացնցուի։ 16 Առաջին օրը սո՛րբ ժողով մը գումարեցէք, Եօթներորդ օրն ալ ձեզի սո՛րբ ժողով մը գումարեցէք։ Այն **օրերը** ո՛չ մէկ գործ ըրէք, բացի ամէն **մէկուն** ուտելիքէն. զայն միայն պատրաստեցէք։ 17 Կատարեցէ՛ք **բաղարցակերքի տօնը**, քանի որ այդ նոյն օրը ձեր զօրաբաժինները Եգիպտոսի երկրէն հանեցի. ուստի յաւիտենական կանոնով մը տօնեցէ՛ք այդ օրը ձեր սերունդներուն մէջ։ 18 Առաջին ամսուան տասնչորրորդ օրուան իրիկունէն մինչեւ ամսուան քսանմէկերորդ օրուան իրիկունը՝ բաղարց կերէք։ 19 Եօթը օր ձեր տուներուն մէջ թթիսմոր թող չգտնուի։

^ա **Այսինքն** հայրերու տան

^բ **Եբր.**՝ երկու իրիկուններուն մէջտեղ

^գ **Եբր.**՝ փեսախ, **այսինքն** անցնիլ

^դ **Կամ** իշխաններուն

^ե **Եբր.**՝ դատաստան պիտի կիրարկեմ

^զ **Եբր.**՝ դադրեցուցէք

^հ **Եբր.**՝ անձի

^լ **Եբր.**՝ Բաղարցներու

որովհետեւ ո՞վ որ խմորեալ **հաց** ուտէ, այդ անձը հսրայէլի համայնքէն պիտի բնացնջուի, գաղթական ըլլայ թէ բնիկ: **20** Խմորեալ ոչի՛նչ կերէք. բաղարջ կերէք ձեր բոլոր բնակարաններուն մէջ□»:

ԱՌԱՋԻՆ ԶԱՏԻԿԸ

21 Մովսէս հսրայէլի բոլոր երէցները կանչեց եւ անոնց ըսաւ. «Պացէ՛ք, առէ՛ք ձեզի մէկական ոչխար՝ ձեր գերդաստաններուն համեմատ, ու մորթեցէ՛ք զատիկը: **22** Առէ՛ք զոպայի փունջ մը, թաթիսեցէ՛ք **զայն** կոնքին մէջ եղող արիւնին մէջ, եւ կոնքին մէջ եղող արիւնին քսեցէ՛ք **դրան** վերի սեմին ու երկու դրանդիներուն վրայ: Մինչեւ առտու՝ ձեզմէ ո՞չ մէկը իր տան դռնէն դրւու ելլէ, **23** քանի որ Տէրը պիտի անցնի՝ Եգիպտացիները զարնելու համար: Երբ **դրան** վերի սեմին ու երկու դրանդիներուն վրայ արիւնը տեսնէ, *Տէրը այդ* դրան վրայէն պիտի անցնի եւ պիտի չթոյլատրէ որ բնացնջողը ձեր տուները մտնէ՝ **ձեզ** զարնելու համար: **24** Այս բանը պահեցէ՛ք իբր յաւիտենական կանոն՝ քեզի ու քու որդիներուդ: **25** Երբ երթաք այն երկիրը, որ *Տէրը ձեզի պիտի տայ՝ իր խոստումին համաձայն*, կատարեցէ՛ք այս պաշտօնը: **26** Երբ ձեր որդիները ձեզի ըսեն. «Ի՞նչ է այս ձեր **կատարած** պաշտօնը□, **27** ըսէ՛ք. «Ասիկա *Տէրոց Զատիկին զոհն է:* Ան Եգիպտոսի մէջ հսրայէլի որդիներուն տուներուն վրայէն անցաւ՝ երբ Եգիպտացիները զարկաւ, եւ մեր տուները ազատեց□»: Ժողովուրդը խոնարհեցաւ ու երկրպագեց: **28** Հսրայէլի որդիները գացին եւ այնպէս ըրին. *Տէրոց Մովսէսի ու Ահարոնի պատուիրածին համաձայն ըրին:*

ԱՆԴՐԱՆԻԿՆԵՐՈՒ ՄԱՀԸ

29 Կէս գիշերին՝ *Տէրը Եգիպտոսի երկրին մէջ ամէն անդրանիկ գարկաւ, իր գահին վրայ բազմող Փարաւոնի անդրանիկէն մինչեւ բանտին մէջ եղող գերիին անդրանիկը, եւ ամէն անասունի առջինեկը: **30** Փարաւոն գիշերուան մէջ ելաւ, ինք ու իր բոլոր ծառաները եւ բոլոր Եգիպտացիները. Եգիպտոսի մէջ մեծ աղաղակ մը եղաւ, քանի որ տո՛ն մը չկար՝ ուր մեռել ըլլար:*

31 Գիշերուան մէջ *Մովսէսն ու Ահարոնը կանչեց եւ ըսաւ. «Կանգնեցէ՛ք, դո՛ւրս ելէք իմ ժողովուրդիս մէջէն, թէ՛ դո՛ւք եւ թէ հսրայէլի որդիները: Պացէ՛ք, պաշտեցէ՛ք Եհովան՝ ինչպէս ըսիք:* **32** Նաեւ առէ՛ք ձեր ոչխարներն ու արջառները, ինչպէս ըսիք, եւ գացէ՛ք, ու զի՞ս ալ օրհնեցէ՛ք»: **33** Եգիպտացիները բռնադատեցին ժողովուրդը՝ որպէսզի շուտով **այդ** երկրէն դուրս դրկեն զանոնք, քանի որ կ'ըսէին. «Բոլորս ալ պիտի մեռնինք»: **34** Ուստի ժողովուրդը առաւ իր խմորի զանգուածը՝ խմորուելէն առաջ, եւ իրենց ուսերուն վրայ վերցուցին իրենց տաշտերը, **որ** իրենց հանդերձներուն մէջ փաթթուած էին: **35** Հսրայէլի որդիները *Մովսէսի խօսքին համաձայն ըրին, ու Եգիպտացիներէն արծաթէ իրեր, ոսկիէ իրեր եւ հանդերձներ խնդրեցին:* **36** *Տէրը ժողովուրդին շնորհք գտնել տուաւ Եգիպտացիներուն*՝ **առջեւ,** այնպէս որ իրենց խնդրածը տուին, եւ իրենք կողոպտեցին *Եգիպտացիները:*

ԻՍՐԱՅԵԼԱՑԻՆԵՐԸ ԿԸ ՀԵՌԱՆԱՆ ԵԳԻՊՏՈՍԷՆ

37 Հսրայէլի որդիները Ռամսէսէ մեկնեցան դէպի *Սոկըովթ:* Մանուկներէն զատ՝ վեց

Պ **Եբր.**՝ Թաշուեցէ՛ք

Ժ **Եբր.**՝ աչքերուն

հարիւր հազարի չափ հետեւակ՝ այր մարդիկ՝ էին: **38** Անոնց հետ խառն բազմութիւն մըն ալ բարձրացաւ, նաեւ ոչխարներ եւ արջաներ – յոյժ մեծ խաշինք: **39** Եգիպտոսէն իրենց հանած **խմորի** զանգուածէն անխմոր շօթեր եփեցին, քանի որ խմորեալ չէր: Արդարեւ Եգիպտոսէն վոնտուեցան, ու չէին կրնար տնտնալ. իրենց պաշար ալ պատրաստած չէին:

40 Եգիպտոսի մէջ հսրայէլի որդիներուն բնակած ժամանակը՝ չորս հարիւր երեսուն տարի էր: **41** Չորս հարիւր երեսուն տարիներու վախճանին, այդ նոյն օրը Տէրոց բոլոր զօրքերը Եգիպտոսի երկրէն դուրս ելան: **42** Ասիկա յիշատակուելու գիշեր մըն է Տէրոց համար, որովհետեւ զանոնք Եգիպտոսի երկրէն դուրս հանեց: Այս է Տէրոց այն գիշերը, որ յիշատակուելու է հսրայէլի բոլոր որդիներէն՝ իրենց սերունդներուն մէջ:

ԶԱՏԻԿԻ ԿԱՐԳԱԴՐՈՒԹԻՒՆԸ

43 Տէրը Մովսէսի եւ Ահարոնի ըսաւ. «Ահա՛ւասիկ զատիկին կանոնը: Ո՛չ մէկ օտարազգի անկէ պիտի ուտէ. **44** բայց ամէն մարդու ստրուկը՝ որ դրամով գնուած է, երբ զայն թլիփատես՝ անկէ թող ուտէ: **45** Հիւրն ու վարձկանը անկէ պիտի չուտեն: **46** Ա՛ն մէկ տան մէջ պիտի ուտուի. տունէն դուրս պիտի չհանես այդ միսէն, ո՛չ ալ անոր մէկ ուսկորը պիտի կոտրէք: **47** հսրայէլի ամբողջ համայնքը թող կատարէ զայն: **48** Երբ գաղթական մը քովդ պանդխտանայ եւ ուզէ Տէրոց Զատիկ կատարել, անոր բոլոր արուները թող թլիփատուին. ա՛յն ատեն թող մօտենայ ու զայն կատարէ – եւ ինք բնիկին պէս պիտի ըլլայ –, քանի որ ո՛չ մէկ անթլիփատ անկէ պիտի ուտէ: **49** Մէ՛կ օրէնք պիտի ըլլայ բնիկին ու ծեր մէջ պանդխտացած գաղթականին համար»: **50** հսրայէլի բոլոր որդիները այնպէս ըրին. Տէրոց Մովսէսի եւ Ահարոնի պատուիրածին համաձայն ըրին: **51** Այդ նոյն օրը Տէրը Եգիպտոսի երկրէն հանեց հսրայէլի որդիները՝ իրենց զօրաբաժիններով:

ԱՆԴՐԱՆԻԿՆԵՐՈՒ ՆՈՒԻՐՈՒԽԸ

13

Տէրը խօսեցաւ Մովսէսի՝ ըսելով. **2** «Սրբացո՛ւր ինձի ամէն անդրանիկ, հսրայէլի որդիներուն մէջ ամէն արգանդ բացող, թէ՛ մարդ եւ թէ անասուն. ան իմս է»:

ԲԱՂԱՐՁԱԿԵՐՁԻ ՏՕՆԸ

3 Մովսէս ժողովուրդին ըսաւ. «Յիշեցէ՛ք այս օրը, երբ Եգիպտոսէն՝ ստրկութեան տունէն՝ ելաք, որովհետեւ Տէրը ուժեղ ձեռքով ձեզ ասկէ հանեց. խմորեալ **հաց** մի՛ ուտէք: **4** Դուք այսօր դուրս ելաք, Ապիպ ամսուան մէջ: **5** Երբ Տէրը քեզ տանի քանանացիներուն, Քետացիներուն, Ամորհացիներուն, Խեւացիներուն եւ Յերուսացիներուն երկիրը, որուն համար քու հայրերուդ երդում ըրաւ՝ քեզի տալու – կաթ ու մեղր հոսեցնող երկիրը –, ա՛յս ամսուան մէջ կատարէ այս պաշտօնը: **6** Եօ՛թը օր բաղարց կեր, եւ եօթներորդ օրը տօն ըլլայ Տէրոց: **7** **Այդ** եօթը օրերուն մէջ բաղարց թող ուտուի, ու քովդ խմորեալ **հաց** թող չտեսնուի, ո՛չ ալ քովդ թթխմոր թող տեսնուի ամբողջ հողամասիդ մէջ: **8** Այն օրը պատմէ՛ քու որդիիդ՝ ըսելով. “Ասիկա **յիշելու** համար է ի՛նչ որ Տէրը ըրաւ ինձի՝ երբ Եգիպտոսէն ելայ: **9** Ասիկա քեզի իբր նշան պիտի ըլլայ ձեռքիդ վրայ եւ իբր յիշատակ աշքերուդ մէջտեղ, որպէսզի Տէրոց օրէնքը քու բերանիդ մէջ ըլլայ. որովհետեւ Տէրը

^հ **Երբ.**՝ զօրաւոր մարդիկ

^ս **Երբ.**՝ ստրուկներու

22 Մովսէս Կարմիր ծովէն ճամբայ հանեց հսրայէլը, ու դուրս ելան դէպի Սուրի անապատը: Երեք օրուան ճամբայ գացին անապատին մէջ, բայց զուր չգտան: **23** Երբ Մարա հասան, չէին կրնար խմել Մարայի ջուրերէն, որովհետեւ դառն էին. ուստի անոր անունը ԱՄարա կոչուեցաւ: **24** Ժողովուրդը տրտնջեց Մովսէսի դէմ՝ ըսելով. «Ի՞նչ պիտի խմենք»: **25** Ան ալ Տէրոց աղաղակեց, եւ Տէրը անոր փայտ մը ցուցուց. Երբ զայն ջուրերուն մէջ նետեց՝ ջուրերը բանուցան: Հոն կանոն ու դատավճիռ դրաւ անոնց, եւ հոն փորձարկեց զանոնք: **26** **ԱՅ** ըսաւ. «Եթէ Տէրոց՝ քու Աստուծոյդ խօսքը ուշադրութեամբ մտիկ ընեն, ինչ որ անոր հառջեւ ուղիղ է՝ ընեն, անոր պատուիրանները ունկնդրեն եւ անոր բոլոր կանոնները պահես, այն հիւանդութիւններէն ո՛չ մէկը քու վրադ պիտի բերեմ, որ եգիտացիներուն վրայ բերի. որովհետեւ են եմ Տէրը՝ որ քեզ կը բուժեմ»:

27 Ֆետոյ հասան Եղիմ, ուր տասներկու ջուրի աղբիւր ու եօթանասուն արմաւենի կար: Հոն բանակեցան՝ ջուրերուն քով:

ՄԱՏԱՆԱՆ ԵՒ ԼՈՐԱՄԱՐԳԻՆԵՐԸ

16

Ֆետոյ Եղիմէ մեկնեցան, եւ հսրայէլի որդիներուն ամբողջ համայնքը հասաւ Սինի անապատը, որ Եղիմի ու Ահարոնի մէջտեղն է, իրենց Եգիպտոսի Երկրէն ելքին երկրորդ ամսուան տասնհինգերորդ օրը: **2** Հսրայէլի որդիներուն ամբողջ համայնքը՝ անապատին մէջ Մովսէսի եւ Ահարոնի դէմ տրտնջեց: **3** Հսրայէլի որդիները ըսին անոնց. «Երանի՛ թէ Տէրոց ձեռքով մեռած ըլլայինք Եգիպտոսի մէջ, երբ միսի կաթսաներուն քով նստած էինք ու կուշտ հաց կ'ուտէինք. արդարեւ մեզ այս անապատը հանեցիք, որ այս ամբողջ համախմբումը անօթութենէ մեռնէք»:

4 Տէրը Մովսէսի ըսաւ. «Ահա՛ ես ձեզի Երկինքէն հաց պիտի տեղացնեմ, ու ժողովուրդը դուրս պիտի ելլէ եւ “օրէ օր” ժողվէ ամէնօրեայ քանակը, որպէսզի փորձարկեմ զայն թէ իմ օրէնքիս համաձայն պիտի ընթանա՛յ՝ թէ ոչ: **5** Իսկ վեցերորդ օրը, երբ իրենց բերածը պատրաստեն, ան իրենց ամէն օրուան ժողվածին կրկինը պիտի ըլլայ»:

6 Մովսէս ու Ահարոն ըսին հսրայէլի բոլոր որդիներուն. «Այս իրիկուն պիտի գիտնաք թէ Եհովան է ձեզ Եգիպտոսի Երկրէն հանողը, **7** եւ առտուն պիտի տեսնէք Տէրոց փառքը. որովհետեւ ինք լսեց Տէրոց դէմ ձեր ըրած տրտունքը, ու մենք ո՞վ ենք՝ որ մեզի դէմ կը տրտնջէք»: **8** Մովսէս ըսաւ. «Երբ Տէրը ձեզի իրիկունը՝ ուտելու միս, եւ առտուն՝ կշտանալու չափ հաց տայ, պիտի գիտնաք թէ Տէրը լսած է իրեն դէմ ձեր ըրած տրտունքը: Մենք ո՞վ ենք. ձեր տրտունքը մեզի դէմ չէ, հապա՝ Տէրոց դէմ»: **9** Մովսէս Ահարոնի ըսաւ. «Իսրայէլի որդիներուն ամբողջ համայնքին ըսէ. “Մօսեցէ՛ Տէրոց առցեւ, որովհետեւ ձեր տրտունքը լսեց”»:

10 Երբ Ահարոն հսրայէլի որդիներուն ամբողջ համայնքին կը խօսէր, անոնք դէպի

¤ **Այսինքն՝** դառնութիւն

¤ **Եբր.**՝ քաղցրացան

¤ **Կամ՝** սովորութիւն

¤ **Եբր.**՝ աչքերուն

¤ **Եբր.**՝ ամէն օր

այնպէս Ահարոն Վկայութեան առջեւ զետեղեց զայն՝ որպէսզի պահուի: **35** Իսրայէլի որդիները քառասուն տարի կերան մանանան, մինչեւ որ բնակուած երկիր հասան: Մանանան կերան, մինչեւ որ թանանի երկրին սահմանը հասան: **36** Օմէրը արդուին մէկ տասներորդն է:

ԶՈՒՐԻ ԱՊԱՌԱԺԵՆ

(Թիւ. 20. 1-13)

17

Իսրայէլի որդիներուն ամբողջ համայնքը Սինի անապատէն մեկնեցաւ՝ իր իշեւաններուն համեմատ, **Տէրոց** սիրամանին համաձայն, ու Ռափիդիմի մէջ բանակեցաւ. բայց ժողովուրդին համար խմելու ջուր չկար: **2** Ուստի ժողովուրդը Մովսէսի հետ վիճեցաւ եւ ըսաւ. «**Մեզի ջո՛ր տուր՝ որ խմենք**»: Մովսէս անոնց ըսաւ. «**Ինչո՞ւ ինծի հետ կը վիճիք.** ինչո՞ւ **Տէրը կը փորձէք**»: **3** ժողովուրդը հոն բարաւցաւ. ու ժողովուրդը Մովսէսի դէմ տրտնջեց՝ ըսելով. «**Ինչո՞ւ մեզ եգիպտոսէն բարձրացուցիր,** որ մեզ եւ մեր որդիները ու մեր խաշինքը ծարաւէն մեռցնես»:

4 Մովսէս **Տէրոց** աղաղակեց. «**Ի՞նչ ընեմ այս ժողովուրդին. “քիչ մնաց”** որ զիս քարկոծեն»: **5** **Տէրը** Մովսէսի ըսաւ. «ժողովուրդին առջեւը անցիր, եւ ա՛ն քեզի հետ Իսրայէլի երէցներէն. ձե՛ռդ առ նաեւ քու գաւազանդ, որով գետը զարկիր, ու գնա՛: **6** Ահա՛ քու առջեւդ պիտի կայնիմ հո՛ն՝ վէմին վրայ, Թորեբի մէջ: Զա՛րկ վէմին, եւ անկէ ջուր պիտի ելլէ ու ժողովուրդը պիտի խմէ»: Մովսէս այնպէս ըրաւ Իսրայէլի երէցներուն բառցեւ, **7** եւ **այդ** տեղին անունը **“Մասսա** ու **Մերիպա”** կոչեց. որովհետեւ Իսրայէլի որդիները հոն վիճեցան, եւ **Տէրը** փորձեցին՝ ըսելով. «**Արդեօք** **Տէրը** մեր մէ՞ջ է՝ թէ ոչ»:

ՊԱՏԵՐԱՋՄ ԱՄԱՂԷԿԻ ԴԵՄ

8 Այն ատեն Ամաղէկ եկաւ ու Ռափիդիմի մէջ Իսրայէլի դէմ պատերազմեցաւ: **9** Մովսէս Յեսուի ըսաւ. «**Մեզի մարդիկ ընտրէ եւ “գնա՛ Ամաղէկի դէմ պատերազմելու.** վաղը ես բլուրին գագաթը պիտի կայնիմ՝ Աստուծոյ գաւազանը ձեռքս ունենալով»: **10** Յեսու Մովսէսի ըսածին համաձայն ըրաւ, ու Ամաղէկի դէմ պատերազմեցաւ, իսկ Մովսէս, Ահարոն եւ Ովր բլուրին գագաթը բարձրացան: **11** Երբ Մովսէս իր ձեռքերը կը վերցնէր, Իսրայէլ կը յաղթէր. Երբ իր ձեռքերը կ'իշեցնէր, Ամաղէկ կը յաղթէր: **12** Սակայն Մովսէսի ձեռքերը ծանրացան. ուստի քար մը առին եւ անոր տակ դրին, ու ինք անոր վրայ նստաւ. իսկ Ահարոն եւ Ովր, մէկը՝ մէկ կողմէն ու միւսը՝ միւս կողմէն, անոր ձեռքերը վեր

^գ **Երբ.**՝ ծայրը

^ա **Երբ.**՝ բերանին

^բ **Երբ.**՝ ջուրի համար ծարաւցաւ

^գ **Երբ.**՝ դարձեալ քիչ մը

^դ **Երբ.**՝ աչքերուն

^ե **Այսինքն**՝ փորձութիւն ու վիճաբանութիւն

^գ **Երբ.**՝ դո՛րս ելիր

բռնեցին, եւ մինչեւ արեւին մայր մտնելը՝ անոր ձեռքերը հաստատուն մնացին: **13** Հետեւաբար Յեսու սուրի բերանէ անցընելով յաղթահարեց Ամաղէկն ու անոր ժողովուրդը: **14** Տէրը Մովսէսի ըսաւ. «Ասիկա գրէ՛ յիշատակի համար գիրքի մը մէջ, եւ Յեսուի հիմացո՛ր թէ Ամաղէկի յիշատակը երկինքի տակէն բոլորովին պիտի զնցեմ»: **15** Մովսէս զոհասեղան մը կառուցանեց ու անոր անունը Եհովա-Նիսի կոչեց, **16** եւ ըսաւ. «^ՊԶանի որ Տէրը երդում ըրաւ՝ ըսելով»: «Տէրը սերունդէ սերունդ պիտի պատերազմի Ամաղէկի դէմ»:

ՅՈԹՈՐ Կ'ԱՅՑԵԼԷ ՄՈՎՍԵՍԻ

18

Մովսէսի աները, Մադիամի քուրմը՝ Յոթոր, լսեց ամէն ինչ որ Աստուած ըրեր էր Մովսէսի ու իր ժողովուրդին՝ Խրայէլի, **եւ** թէ Տէրը Եգիպտոսէն հանեց Խրայէլը: **2** Մովսէսի աները՝ Յոթոր, առաւ Մովսէսի կինը՝ Սեպիորան, անոր վերադառնալէն ետք, **3** եւ անոր երկու որդիները՝ որոնց մէկուն անունը Գերսամ էր – որովհետեւ ինք ըսեր էր. «Օտար երկրի մէջ պանդուխտ եմ», – **4** եւ միւսին անունը՝ Եղիազար էր – որովհետեւ ըսեր էր. «Իմ հօրս Աստուածը իմ օգնականն էր, ու զիս Փարաւոնի սուրէն ազատեց»: **5** Մովսէսի աները՝ Յոթոր, անոր որդիներուն եւ անոր կնոջ հետ եկաւ Մովսէսի՝ դէպի անապատը, ուր ան բանակած էր Աստուծոյ լերան քով, **6** եւ իմացուց Մովսէսի. «Ես, քու աներդ՝ Յոթոր, քեզի կու գամ, նաեւ կինդ, եւ իր երկու որդիները իրեն հետ»: **7** Մովսէս դուրս ելաւ՝ իր աները դիմաւորելու, երկրպագեց, համբուրեց զայն, իրարու բորպիստինը հարցուցին, ու վրանը մտան: **8** Մովսէս իր աներոց պատմեց ամէն ինչ որ Տէրը ըրեր էր Փարաւոնի ու Եգիպտացիներուն՝ Խրայէլի համար, ճամբան իրենց պատահած ամբողջ տաժանքը, եւ Տէրոց զիրենք ազատելը: **9** Ուստի Յոթոր ուրախացաւ ամբողջ բարիքին համար՝ որ Տէրը ըրեր էր Խրայէլի, փրկելով զայն Եգիպտացիներուն ձեռքէն: **10** Եւ Յոթոր ըսաւ. «Օրհնեալ ըլլայ Տէրը, որ ազատեց ձեզ Եգիպտացիներուն ձեռքէն ու Փարաւոնի ձեռքէն. որովհետեւ ազատեց **իր** ժողովուրդը Եգիպտացիներուն ձեռքին տակէն: **11** Հիմա գիտեմ թէ Եհովան բոլոր աստուածներէն մեծ է. որովհետեւ ինչ բանով որ կը հպարտանային, անոնցմէ վեր **եղաւ**»: **12** Մովսէսի աները՝ Յոթոր՝ ողջակէզ ու զոհեր առաւ Աստուծոյ մատուցանելու, եւ Ահարոն ու Խրայէլի բոլոր երէցները եկան՝ Մովսէսի աներոց հետ գնաշելու Աստուծոյ առջեւ:

ԴԱՏԱԻՐՆԵՐՈՒ ՆՇԱՆԱԿՈՒՄԸ

^է **Եբր.**՝ ականջներուն մէջ դի՛ր

[։] **Այսիցը**՝ Տէրը իմ դրօշակս է

[։] **Եբր.**՝ Զանի որ Տէրը **իր** աթոռին վրայ ձեռք վերցնելով երդում ըրաւ, կամ՝ Որովհետեւ ձեռք վերցուց Տէրոց աթոռին դէմ,

[։] **Եբր.**՝ Եահը

[։] **Այսիցը**՝ իմ Աստուածս օգնական

[։] **Եբր.**՝ խաղաղութիւնը

[։] **Եբր.**՝ հաց ուտելու

13 Հետեւեալ օրը՝ Մովսէս նստաւ ժողովուրդը դատելու, ու ժողովուրդը առտուընէ մինչեւ իրիկուն Մովսէսի քով կայնեցաւ: **14** Երբ Մովսէսի աները տեսաւ ինչ որ ան կ'ընէր ժողովուրդին, ըսաւ. «Ի՞նչ է այս բանը՝ որ կ'ընես ժողովուրդին. ինչո՞ւ մինակ կը նստիս, եւ ամբողջ ժողովուրդը քու քովդ կը կայնի առտուընէ մինչեւ իրիկուն»: **15** Մովսէս իր աներոջ ըսաւ. «Քանի որ ժողովուրդը ինծի՛ կու գայ՝ Աստուծոյ խորհուրդ հարցնելու: **16** Երբ անոնք խնդիր մը ունենան՝ ինծի կու գան, ու ե՞ս ոանոնց միջեւ կը դատեմ, եւ Աստուծոյ կանոններն ու օրէնքները անոնց կը գիտցնեմ»: **17** Մովսէսի աները իրեն ըսաւ. «Չու ըրածդ լաւ բան չէ: **18** Թէ՛ դուն պիտի մաշիս, թէ՛ ալ քեզի հետ եղող այս ժողովուրդը. որովհետեւ այս բանը շատ ծանր է քեզի համար, ու դուն առանձին չես կրնար ընել ասիկա: **19** Հիմա մտի՛ ըրէ խօսքս. քեզի խորհուրդ պիտի տամ, եւ Աստուած քեզի հետ թող ըլլայ: Դո՞ւն գնա Աստուծոյ առցեւ՝ ժողովուրդին համար, որպէսզի խնդիրները դո՞ւն ներկայացնես Աստուծոյ: **20** Սորպեցո՛ւր անոնց կանոններն ու օրէնքները, գիտցո՛ւր անոնց իրենց ընթանալիք ճամբան եւ ընելիք գործը: **21** **Բայց** նաեւ ամբողջ ժողովուրդէն ընտրէ՛ կարող մարդիկ, Աստուծմէ վախցող, ճշմարտասէր, ագահութիւնը ատող մարդիկ, եւ նշանակէ՛ անոնց վրայ **իբր** հազարապետներ, հարիւրապետներ, յիսնապետներ ու տասնապետներ. **22** անո՞նք թող դատեն ժողովուրդը ամէն ատեն: Բոլոր մեծ խնդիրները քեզի թող ներկայացնեն, իսկ բոլոր պատիկ խնդիրները՝ իրենք թող դատեն. այսպէս քեզի ոգնելով՝ քու վրայէդ **բեռը** կը թեթեւցնեն: **23** Եթէ այս բանը ընես, եւ Աստուած ալ քեզի **ասիկա** պատուիրէ, պիտի կարենաս դիմանալ, ու այս ամբողջ ժողովուրդն ալ խաղաղութեամբ իր տեղը պիտի հասնի»:

24 Մովսէս աներոջ խօսքը մտիկ ըրաւ, եւ անոր բոլոր ըսածները ըրաւ: **25** Մովսէս ամբողջ հսրայէլէն կարող մարդիկ ընտրեց ու զանոնք ժողովուրդին վրայ կարգեց **իբր** գլխաւորներ, **այսինքն՝** հազարապետներ, հարիւրապետներ, յիսնապետներ եւ տասնապետներ: **26** Անո՞նք կը դատէին ժողովուրդը ամէն ատեն. դժուար խնդիրները Մովսէսի կը ներկայացնէին, բայց բոլոր պատիկ խնդիրները իրենք կը դատէին: **27** Մովսէս իր աները ուղարկեց, եւ ան իր երկիրը գնաց:

ԻՍՐԱՅԵԼ ՍԻՆԱ ԼԵՐԱՆ ՔՈՎ

19

Երրորդ ամսուան մէջ՝ հսրայէլի որդիներուն Եգիպտոսէն ելլելէն ետք, նոյն օրը Սինայի անապատը հասան: **2** Արդարեւ Ռափիիդիմէ մեկնեցան ու Սինայի անապատը գացին, եւ անապատին մէջ բանակեցան: Իսրայէլ հոն՝ լերան դիմաց բանակեցաւ: **3** Մովսէս Աստուծոյ քով բարձրացաւ, ու Տէրը լեռնէն կանչեց զայն՝ ըսելով. «Սա՛պէս Յակոբի տան, եւ հաղորդէ՛ հսրայէլի որդիներուն. **4** “Դուք տեսաք ի՞նչ որ ըրի Եգիպտացիներուն, **ի՞նչպէս** ծեզ արծիւի թեւերուն վրայ կրեցի ու քովս բերի: **5** Ուստի հիմա, եթէ **իրապէս** իմ խօսքս մտիկ ընէք եւ իմ ուխտս պահէք, դուք ինծի սեփական ժողովուրդ պիտի ըլլաք բոլոր ազգերուն մէջէն. որովհետեւ ամբողջ երկիրը իմս է: **6** Դուք ինծի քահանաներու թագաւորութիւն մը ու սուրբ ազգ մը պիտի ըլլաք: Ասո՞նք են հսրայէլի որդիներուն ըսելիք խօսքերս»:

7 Մովսէս եկաւ, ժողովուրդին երէցները կանչեց եւ անոնց ներկայացուց Տէրոց իրեն

^a **Եբր.**՝ մարդուն եւ իր ընկերին

^b **Եբր.**՝ հետ կրելով

պատուիրած այս բոլոր խօսքերը: **8** Ամբողջ ժողովուրդը միաբերան պատասխանեց. «Տէրոց բոլոր ըսածները պիտի ընենք»: Ու Մովսէս ժողովուրդին խօսքերը Տէրոց հաղորդեց:

9 Տէրը Մովսէսի ըսաւ. «Ահա՝ ես քեզի կու գամ թանձր ամպի մը մէջ, որպէսզի ժողովուրդը լսէ՝ երբ ես քեզի հետ խօսիմ, եւ միշտ քեզի հաւատայ»: Ու Մովսէս ժողովուրդին խօսքերը Տէրոց հաղորդեց: **10** Տէրը Մովսէսի ըսաւ. «Գնա՛ ժողովուրդին, սրբացո՛ւր զանոնք այսօր եւ վաղը, թող լուան իրենց հանդերձները ու **11** պատրաստ ըլլան երրորդ օրուան համար. քանի որ երրորդ օրը՝ Տէրը Սինա լերան վրայ պիտի իշնէ ամբողջ ժողովուրդին աչքերուն առջեւ: **12** Իսկ դուն սահմա՛ն դիր ժողովուրդին շուրջը եւ ըսէ՛. «Զգուշացէ՛ք դուք ձեզի համար, որ լեռը չբարձրանաք կամ անոր ծայրին չդպչիք: Ո՞վ որ լերան դպչի, **անշո՛ւշտ** պիտի մեղցուի՛: **13** Ո՛չ մէկ ձեռք անոր դպչի. որովհետեւ **դպչողը** անպատճառ պիտի քարկոծուի կամ նետով զարնուի. անասուն ըլլայ թէ մարդ՝ ողջ պիտի շմնայ: Երբ **շեփորին ձայնը երկար հնչուի**, անոնք լեռը թող բարձրանան»:

14 Մովսէս լեռնէն իշաւ ժողովուրդին քով. ժողովուրդը սրբացուց, անոնք իրենց հանդերձները լուացին, **15** եւ ժողովուրդին ըսաւ. «Երրորդ օրուան համար պատրա՛ստ եղէք. **ձեր կիներուն մի՛ մերձենաք»:**

16 Երրորդ օրը՝ առտուն **որոտումներ** ու փայլատակումներ եղան. թանձր ամպ մը **կար** լերան վրայ, նաեւ շատ զօրաւոր շեփորի ձայն մը. ուստի բանակավայրին մէջ **եղող** ամբողջ ժողովուրդը սարսոաց: **17** Մովսէս բանակավայրէն դուրս հանեց ժողովուրդը՝ Աստուծոյ հանդիպելու, եւ անոնք լերան ստորոտը կայնեցան: **18** Սինա լեռը ամբո՛ղջովին կը միար, որովհետեւ Տէրը անոր վրայ կրակով իշաւ. անոր մուկը հնոցի մուկի պէս կը բարձրանար, ու ամբողջ լեռը չափազանց կը ցնցուէր: **19** Քանի շեփորին ձայնը շատ կը սաստկանար, Մովսէս խօսեցաւ եւ Աստուած ձայնով մը անոր պատասխանեց: **20** Տէրը Սինա լերան վրայ՝ լերան գագաթը իշաւ. Տէրը կանչեց Մովսէսը լերան գագաթը, ու Մովսէս բարձրացաւ: **21** Տէրը Մովսէսի ըսաւ. «Իշի՛ր եւ պատուիրէ՛ ժողովուրդին, որ Տէրը տեսնելու համար սահմանէն չանցնին ու չկորսուին: **22** Տէրոց մօտեցող քահանաներն ալ թող սրբացուին, որպէսզի Տէրը զանոնք չպատառէ»: **23** Մովսէս Տէրոց ըսաւ. «Ժողովուրդը չի կրնար բարձրանալ Սինա լեռը, որովհետեւ դուն մեզի պատուիրեցիր. «Սահմա՛ն դիր լերան ու սրբացո՛ւր զայն՛»: **24** Տէրը անոր ըսաւ. «Գնա՛, իշի՛ր, ապա բարձրացի՛ր Ահարոնի հետ. բայց քահանաներն ու ժողովուրդը Տէրոց քով բարձրանալու համար սահմանէն չանցնին, որ զանոնք չպատառէ»: **25** Մովսէս ժողովուրդին քով իշաւ եւ **այդպէս** խօսեցաւ անոնց:

ՏԱԱԾ ՊԱՏՈՒԻՐԱՆՆԵՐԸ

20

Աստուած սա՛ բոլոր խօսքերը հաղորդեց՝ ըսելով. –

2 «Ե՛ս եմ Եհովան՝ քու Աստուածդ, որ քեզ Եգիպտոսի երկրէն՝ ստրկութեան տունէն՝ հանեցի»:

3 Ինձմէ զատ ուրիշ աստուածներ մի՛ ումենար:

^ա **Եբր.**՝ Վերադարձուց

^բ **Եբր.**՝ Յոբեկեանի **շեփորին**

^գ **Եբր.**՝ ձայներ

ԵԼՅԻ ԳԻՐՁԸ

4 Ո՞չ մէկ ակուռք շինէ դուն քեզի, ո՞չ ալ որեւէ կերպարանք **բանի մը** որ վերը՝ երկինքի մէջ է, վարը՝ երկրի վրայ է, կամ ջուրերուն մէջ է՝ երկրի տակ: 5 Անոնց մի՛ երկրպագեր ու զանոնք մի՛ պաշտեր, որովհետեւ ես՝ ^բՏէրս, քու Աստուածդ, նախանձախնդիր Աստուած եմ. կը հատուցանեմ հայրերուն անօրէնութիւնը որդիներուն – մինչեւ երրորդ ու չորրորդ **սերունդը** անոնց՝ որ կ'ատեն զիս –, 6 եւ կարեկցութեամբ կը վարուիմ մինչեւ հազար **սերունդ** անոնց հետ՝ որ կը սիրեն զիս ու կը պահեն իմ պատուիրաններս:

7 ^աՏէրոց՝ քու Աստուծոյդ անունը ընդունայն **բերանդ** մի՛ առներ. որովհետեւ Տէրը իր անունը ընդունայն **բերանը** առնողը անմեղ պիտի չսեպէ:

8 Ֆիշէ՛ Հանգստութեան օրը՝ զայն սրբացնելու համար: 9 Վե՛ց օր աշխատէ եւ ամբո՛ղք գործդ ըրէ. 10 բայց եօթներորդ օրը Տէրոց՝ քու Աստուծոյդ Հանգստութեան **օրն է. այդ օրը** ո՞չ մէկ գործ ըրէ, ո՞չ դուն, ո՞չ որդիդ, ո՞չ աղջիկդ, ո՞չ ծառադ, ո՞չ աղախինդ, ո՞չ անասունդ, ո՞չ ալ Դաղաքիդ մէջ եղող գաղթականդ: 11 Արդարեւ Տէրը վեց օրուան մէջ ըրաւ երկինքն ու երկիրը, ժովը եւ բոլոր անոր մէջ եղողները, ու եօթներորդ օրը հանգստացաւ. ուստի Տէրը օրհնեց Հանգստութեան օրը եւ սրբացուց զայն:

12 Պատուէ՛ հայրդ ու մայրդ, որպէսզի օրերդ երկար ըլլան այն հողին վրայ՝ որ Տէրը, քու Աստուածդ, քեզի կու տայ:

13 Սպանութիւն մի՛ ըներ:

14 Շնութիւն մի՛ ըներ:

15 Գողութիւն մի՛ ըներ:

16 ^բՍուտ վկայութիւն մի՛ տար քու ընկերիդ դէմ:

17 Քու ընկերիդ տան մի՛ ցանկար. ընկերիդ կնօց, կամ անոր ծառային, կամ աղախինին, կամ եզին, կամ իշուն, կամ ընկերիդ որեւէ մէկ **բանին** մի՛ ցանկար»:

ԺՈՂՈՎՈՒՐԴԻՆ ՎԱԽԸ

(Բ. Օր. 5. 22-33)

18 Ամբողջ ժողովուրդը կը նկատէր ^գորոտումները, շանթերը, շեփորին ծայնը եւ մխացող լեռը: Երբ ժողովուրդը տեսաւ, ցնցուեցաւ ու հեռու կայնեցաւ: 19 Եւ ըսին Մովսէսի. «Դուն խօսէ մեզի հետ, ու մտիկ ընենք. բայց Աստուած թող չխօսի մեզի հետ, որպէսզի չմեռնինք»: 20 Մովսէս ժողովուրդին ըսաւ. «Մի՛ վախնաք. որովհետեւ Աստուած եկաւ ձեզ փորձարկելու, որպէսզի անոր վախը ձեր առջեւ ըլլայ ու չմեղանչէք»: 21 Ժողովուրդը հեռու կայնեցաւ, իսկ Մովսէս մօտեցաւ այն մառախուղին՝ ուր Աստուած էր:

ՕՐԵՆՔՆԵՐ ԽՈՐԱՆԻՆ ՄԱՍԻՆ

^ա **Եբր.**՝ քանդակուած պատկեր

^բ **Եբր.**՝ Եհովան

^գ **Եբր.**՝ Եհովայի

^դ **Եբր.**՝ դռներուդ

^ե **Կամ** Կեղծ

^գ **Եբր.**՝ ծայները

22 Տէրը Մովսէսի ըսաւ. «Սա՛ ըսէ Խրայէլի որդիներուն. “Դուք տեսաք թէ ծեզի հետ երկինքէն խօսեցայ. **23** Ինձի հետ պաշտելու համար՝ արծաթէ աստուածներ մի՛ շինէք, ո՛չ ալ ոսկիէ աստուածներ շինեցէք ծեզի: **24** Ինձի հողէ՛ գոհասեղան մը շինէ, եւ անո՛ր վրայ գոհէ քու ողջակէզներդ ու խաղաղութեան գոհերդ, քու ոչխարներդ եւ արջառներդ. ամէն տեղ՝ ուր իմ անունս յիշել պիտի տամ, քեզի պիտի գամ ու քեզ պիտի օրհնեմ□: **25** Եթէ ինձի քարէ գոհասեղան շինես, տաշուած քարէ մի՛ կառուցաներ. քանի որ եթէ անոր երկաթէ գործիք հայցնես, զայն կը պղծես: **26** Եւ աստիճաններով մի՛ բարձրանար իմ գոհասեղանս, որպէսզի քու մերկութիւնդ չերեւնայ անոր վրայ»:

ՎԵՐԱԲԵՐՈՒՄ ՍՏՐՈՒԿՆԵՐՈՒ ՀԱՆԴԵՊ

(Բ. Օր. 15. 12-18)

21

«Ահա՛ ասիկ այն կանոնները՝ որ անոնց պիտի ներկայացնես: **2** Երբ երրայեցի ծառայ մը գնես, ան վեց տարի ստրուկ պիտի ըլլայ, ու եօթներորդ տարին ազատ դուրս պիտի ելլէ, առանց վճարումի: **3** Եթէ մինակ մտաւ, մինակ պիտի ելլէ. Եթէ կին ունէր, կինն ալ իրեն հետ պիտի ելլէ: **4** Եթէ իր տէ՛րը իրեն կին տուաւ եւ ան իրեն որդիներ կամ աղջիկներ ծնած է, կինն ու անոր զաւակները տիրոջ պիտի ըլլան, եւ ինք մինակ պիտի ելլէ: **5** Իսկ եթէ ծառան յայտարարէ. “Ես կը սիրեմ իմ տէրս, կինս ու որդիներս, չեմ ուզեր դուրս ելլել եւ ազատ ըլլալ□, **6** իր տէրը դատաւորներուն պիտի ներկայացնէ զինք, ու դրան կամ դրանդիներուն մօտեցնէ. իր տէրը հերիւնով պիտի ծակէ իր ականջը, եւ ինք միշտ ստրուկ պիտի ըլլայ անոր:

7 Երբ մէկը իր աղջիկը ծախէ աղախին ըլլալու համար, ան դուրս պիտի չելլէ՛ ինչպէս ծառաները կ'ելլեն: **8** Եթէ ան անհաճոյ ըլլայ իր տիրոջ՝ որ զայն իրեն նշաներ էր, զայն թող փրկել տայ. զայն օտար ժողովուրդի ծախելու իրաւասութիւն պիտի չունենայ, որովհետեւ անոր անհաւատարիմ եղաւ: **9** Եթէ զայն իր որդիին նշանած է, աղջիկներու կանոնին համաձայն պիտի վարուի անոր հետ: **10** Եթէ իրեն ուրիշ կից առնէ, անոր ուտելիքը, հանդերձն ու մերձաւորութիւնը պիտի չպակսեցնէ: **11** Եթէ անոր չընէ այս երեք բաները, ան առանց վճարումի դուրս պիտի ելլէ, առանց դրամի»:

ՕՐԵՆՔՆԵՐ ՎԱՅՐԱԳ ԳՈՐԾԵՐՈՒ ՄԱՍԻՆ

12 «Մարդու մը զարնելով զայն մեռցնողը՝ **անշո՛ւշտ** պիտի մեռցուի: **13** Իսկ եթէ դարան չմտաւ, հապա զայն Աստուած մատնեց իր ձեռքը, քեզի տեղ մը պիտի որոշեմ, որպէսզի ինք հոն փախչի: **14** Բայց եթէ մէկը յանդգնութեամբ իր ընկերին վրայ գայ եւ զայն խորամանկութեամբ սպաննէ, **առյնիսկ** իմ գոհասեղանէ՛ս առ զայն՝ որպէսզի մեռնի: **15** Իր հայրը կամ մայրը ծեծողը՝ **անշո՛ւշտ** պիտի մեռցուի:

16 Մարդ գողցողը, զայն ծախած ըլլայ թէ ան իր ձեռքը գտնուի, **անշո՛ւշտ** պիտի մեռցուի:

17 Իր հայրը կամ մայրը անիծողը **անշո՛ւշտ** պիտի մեռցուի:

18 Երբ մարդիկ իրարու հետ կռուին ու մէկը միւսին քարով կամ բռունցքով զարնէ եւ ան չմեռնի, հապա անկողին պառկի. **19** Եթէ դարձեալ ոտքի ելլէ ու իր ցուպով դուրսը

^է Երբ.՝ Երերոցնես

^ա Երբ.՝ աչքերուն գէշ

քալէ, զարնողը անպարտ պիտի ըլլայ. միայն անոր բկորսնցուցած ժամանակին **արժէքը**՝ պիտի հատուցանէ՝ մինչեւ որ բոլորովին բուժուի:

20 Երբ մէկը գաւազանով իր ստրուկին կամ աղախինին զարնէ եւ ան իր ծեռքին տակ մեռնի, **անշոնշտ** անկէ վրէժ պիտի առնուի: **21** Բայց եթէ օր մը կամ երկու օր գապրի, անկէ վրէժ պիտի չառնուի, քանի որ ան իր դրամն է:

22 Երբ մարդիկ կոռուին, եւ **անցոմէ մէկը** յղի կնոջ մը զարնելով՝ անոր ծնանիլ տայ, **թէեւ ուրիշ** փորձանք մը չըլլայ՝ ան **անշոնշտ** պիտի կրէ **այդ** կնոջ ամուսինին իր վրայ դրած տուգանքը, դատաւորներուն **դատավճրոին** համաձայն հատուցանելով: **23** Բայց եթէ փորձանք մը ըլլայ, “կեանքի տեղ կեանք” պիտի տաս, **24** աչքի տեղ աչք, ակռայի տեղ ակռայ, ծեռքի տեղ ծեռք, ոտքի տեղ ոտք, **25** խարանի տեղ խարան, վէրքի տեղ վէրք, հարուածի տեղ հարուած:

26 Երբ մէկը իր ստրուկին աչքին կամ աղախինին աչքին զարնէ եւ կուրցնէ, զայն ազատ պիտի արձակէ անոր աչքին փոխարէն: **27** Ու եթէ իր ստրուկին ակռան կամ աղախինին ակռան փրցնէ, զայն ազատ պիտի արձակէ անոր ակռային փոխարէն»:

ՍԵՓԱԿԱՆԱՏԻՐՈՂ ՊԱՏԱՍԽԱՆԱՏՈՒԹԻՒՆԸ

28 «Երբ եզ մը իր եղջիւրներով մարդու մը կամ կնոջ մը զարնէ ու մեռցնէ, եզը **անշոնշտ** պիտի քարկոծուի եւ անոր միսը պիտի չուտուի. սակայն եզին տէրը անպարտ ըլլայ: **29** Իսկ եթէ եզը **առաջուլնէ** զարնող էր եւ անոր **տէրը տեղեակ**՝ էր, բայց զայն **ներս** պահած չէր, եթէ մարդ մը կին մը մեռցուցեր է՝ եզը պիտի քարկոծուի, ու անոր տէրն ալ մեռցուի: **30** Եթէ փրկանք մը պարտադրուի իրեն, իր անձին փրկութեան համար՝ պիտի վճարէ ինչ որ իրեն պարտադրուի: **31** Որդիի մը թէ աղջիկի մը զարկած ըլլայ **եզը**, այս կանոնին համաձայն պիտի ըլլայ անոր: **32** Եթէ եզը ստրուկի մը կամ աղախինի մը զարնէ, **իր տէրը** երեսուն սիկդ արծաթ պիտի տայ անոնց տիրոջ, իսկ եզը պիտի քարկոծուի:

33 Երբ մէկը հոր մը բանայ, կամ մէկը հոր մը փորէ եւ չծածկէ, ու հոն եզ մը կամ էշ մը իյնայ, **34** հորին տէրը պիտի հատուցանէ **եւ** անոնց տիրոջ դրամ պիտի տայ. սակայն մեռածը իրը պիտի ըլլայ:

35 Երբ մէկուն եզը իր ընկերին եզին զարնէ ու մեռցնէ, ողջ եզը պիտի ծախեն եւ անոր դրամը բաժնեն, ու մեռածն ալ բաժնեն: **36** Իսկ եթէ գիտցուած էր թէ եզը առաջուլնէ զարնող է, բայց անոր տէրը զայն **ներս** պահած չէ, **անշոնշտ** պիտի հատուցանէ՝ եզի փոխարէն եզ. սակայն մեռածը իրը պիտի ըլլայ»:

ՀԱՏՈՒՑՈՒՄԻ ՕՐԵՆՔՆԵՐ

22

«Երբ մէկը եզ մը կամ ոչխար մը գողնայ, ու մորթէ կամ ծախէ զայն, մէկ եզին

^բ **Եբր.**՝ նստիլը

^գ **Եբր.**՝ կենայ

^դ **Եբր.**՝ անձի տեղ անձ

^ե **Եբր.**՝ երէկուլնէ ու նախորդ օրուլնէ

^զ **Եբր.**՝ տիրոջ վկայուած

փոխարէն հինգ արջառ եւ մէկ ոչխարին փոխարէն չորս ոչխար պիտի հատուցանէ: **2** Երբ գող մը տուն ծակելու ատեն գտնուի, զարնով ու մեռնի, անոր համար արիւնի վրէժխնդրութիւն պիտի չըլլայ: **3** Եթէ անոր վրայ արեւը ծագած էր, անոր համար արիւնի վրէժխնդրութիւն պիտի ըլլայ, **որովհետեւ** ան կրնար լման հատուցանել. եթէ ոչինչ ունենար, իր գողցածին համար կրնար ծախուիլ: **4** Եթէ գողցածը իր ձեռքը ողջ գտնուի, եզ ըլլայ թէ էշ կամ ոչխար, կրկինը պիտի հատուցանէ:

5 Երբ մէկը արտի մը կամ այգիի մը “վճաս տայ”, արծակելով իր անասունը որ ուրիշի մը արտին մէջ արածի, իր արտին լաւագոյն **բերքէն** եւ այգիին լաւագոյն **բերքէն** պիտի հատուցանէ: **6** Եթէ կրակ բցայտէ, **ցանկապատին** փուշերուն փակչի, ու ցորենի խուրծերը, կամ հասուն ցորենը, եւ կամ արտը սպառին, կրակը վառողը **այրածին արժէքը** լման պիտի հատուցանէ:

7 Երբ մէկը իր ընկերին դրամ կամ առարկայ յանձնէ՝ պահելու համար, եւ այդ մարդուն տունէն գողցուի, եթէ գողը գտնուի՝ կրկի՞նը թող հատուցանէ: **8** Եթէ գողը չգտնուի, տան տէրը պիտի ներկայանայ դատաւորներուն, **ստուգելու համար** թէ իր ձեռքը դպցուցա՛ծ է իր ընկերին ստացուածքին: **9** Ամէն տեսակ յանցանքի համար, եզի, իշու, ոչխարի կամ հանդերձի համար, **կամ** ամէն տեսակ կորսուած բանի համար՝ որ **մէկը** կը հաստատէ թէ իրն է, երկու կողմերուն խնդիրը դատաւորներուն առջեւ պիտի տարուի. ո՞վ որ դատաւորները դատապարտեն, անիկա կրկինը պիտի հատուցանէ իր ընկերին:

10 Երբ մէկը իր ընկերին էշ մը, եզ մը, ոչխար մը, կամ որեւէ անասուն յանձնէ՝ պահելու համար, եւ ան մեռնի, կամ վիրաւորուի, կամ “թշնամին առնէ տանի” ու տեսնող մը չըլլայ, **11** երկուքին միջեւ **Տէրոց անունով** երդումը պիտի **հաստատէ** թէ իր ընկերին ստացուածքին ձեռք դպցուցած չէ. անոր տէրը պիտի ընդունի **երդումը**, եւ ինք պիտի չհատուցանէ: **12** Բայց եթէ **իրապէս** իր քովէն գողցուած է, ինք անոր տիրոց պիտի հատուցանէ: **13** Եթէ **գազանէ** բզքտուած է, թող բերէ զայն՝ **իբր** վկայութիւն, **որ** բզքտուածին **արժէքը** չհատուցանէ:

14 Երբ մէկը իր ընկերէն **անասուն մը** փոխ առնէ ու ան վիրաւորուի կամ մեռնի մինչ անոր տէրը անոր հետ չէ, ինք **անշոնչութ** պիտի հատուցանէ. **15** **բայց** եթէ անոր տէրը անոր հետ էր, պիտի չհատուցանէ: Եթէ վարձուած էր, վարձին տեղ թող սեպուի»:

ԲԱՐՈՅԱԿԱՆ ԵՒ ԿՐՈՆԱԿԱՆ ՕՐԷՆՔՆԵՐ

16 «Երբ մէկը չնշանուած կոյս մը հրապուրէ ու անոր հետ պառկի, **անշոնչութ** անոր օժիտը տալով զայն իրեն կին պիտի ընէ: **17** Եթէ աղջիկին հայրը **բոլորովին** մերժէ տալ, ան կոյսերու օժիտին չափ դրամ պիտի նտայ:

18 Կախարդուհին ողջ մի՛ պահեր:

19 Ո՞վ որ անասունի հետ պառկի, **անշոնչութ** պիտի մեռցուի:

20 Միմիայն **Տէրոցմէն զատ ուրիշ** աստուածներու զոհողը **բոլորովին** պիտի անճիտուի:

21 Գաղթականը մի՛ կեղեքեր եւ զայն մի՛ տանջեր. որովհետեւ դուք **ալ** Եգիպտոսի երկրին մէջ պանդուխտ էիք: **22** Ո՞չ մէկ այրի կամ որբ տառապեցուցէք: **23** Եթէ զանոնք

^w **Եբր.**՝ **մէջ արածել տայ**

^x **Եբր.**՝ **դուրս ելլէ**

^y **Եբր.**՝ **գերութեան քշուի**

^z **Եբր.**՝ **կշուէ**

տառապեցնէք որեւէ կերպով, եւ անոնք ինծի աղաղակեն, **անշուշտ** պիտի լսեմ անոնց աղաղակը. **24** իմ բարկութիւնս պիտի բորբոքի, ծեզ սուրով պիտի մեոցնեմ, ու ծեր կիները՝ այրի, ու ծեր որդիները՝ որբ պիտի ըլլան:

25 Երբ իմ ժողովուրդէս քու քովդ եղող դժբախտի մը դրամ փոխ տաս, վաշխառուի մը պէս մի՛ ըլլար անոր, ու վաշխ մի՛ դներ անոր վրայ: **26** Եթէ քու ընկերիդ հանդերձը գրաւ առնես, արեւը մայր չմտած իրեն վերադարձուր. **27** որովհետեւ այդ է միայն անոր ծածկոցը, իր մորթին հանդերձն է ատիկա. ինչո՞վ պիտի պառկի: Եթէ ինծի աղաղակէ՝ մտիկ պիտի ընեմ, քանի որ ես ողորմած եմ:

28 Դատաւորներուն մի՛ հայրոյեր, եւ քու ժողովուրդիդ իշխանը մի՛ անհծեր:

29 Թու **արմտիքներուդ** ու հեղուկներուդ ^եարդիւնքը մի՛ ուշացներ **ինծի մատուցանել**. քու որդիներուդ անդրանիկները ինծի պիտի տաս: **30** Թու եզիդ ^{ու} ոչխարիդ **ալ** սա՛պէս ըրէ. եօթը օր իր մօր հետ պիտի ըլլայ, **եւ** ութերորդ օրը զայն ինծի պիտի տաս:

31 Դուք ինծի սուրբ մարդիկ պիտի ըլլաք. դաշտին մէջ **գազաններէն** բզբսուածին միսը մի՛ ուտէք, այլ՝ **շուներո՛ն նետեցէք**:

ԱՐԴԱՐՈՒԹԻՒՆ

23

«Սուտ լուր մի՛ տանիր. ^{այս}յանցաւորին հետ ձեռքդ մի՛ դներ՝ ^{բանիրաւ} վկայ ըլլալու համար: **2** Զարիք ընելու համար բազմութեան մի՛ հետեւիր, ու դատի մէջ մի՛ ^{պկայեր} շատերուն կողմը խոտորելով, **իրաւունքը** ծոելու համար: **3** ^{Դքաւորին} աշառութիւն մի՛ ըներ՝ իր դատին մէջ:

4 Երբ քու թշնամիիդ մոլորած եզին կամ իշուն հանդիպիս, **անպատճառ** իրեն վերադարձուր զայն: **5** Եթէ քեզ ատողին էշը բեռի տակ ^{ինկած} տեսնես, հրաժարէ՝ զայն լքելէ. **անպատճառ** ազատէ **էշը** անոր հետ:

6 Թու աղքատիդ դատին մէջ անոր իրաւունքը մի՛ ծոեր. **7** Սուտ խօսքէն հեռո՛ւ կեցիր, եւ անմեղն ու արդարը մի՛ մեոցներ. որովհետեւ ես յանցաւորը պիտի չարդարացնեմ:

8 Կաշառք մի՛ ստանար. քանի որ կաշառքը աչքը բաց մարդիկը կը կուրցնէ եւ արդարներուն ^{ախօսքերը} կ'եղծանէ: **9** Գաղթականը մի՛ տանջեր, որովհետեւ դուք գիտէք գաղթականին ^ևսիրտին **վիճակը**, որովհետեւ դուք ալ եգիպտոսի երկրին մէջ պանդուխտ էիք»:

^ե **Եբր.**՝ լիութիւնը

^ա **Եբր.**՝ ամբարիշտին

^բ **Եբր.**՝ բռնութեան

^գ **Եբր.**՝ պատասխաներ

^դ **Եբր.**՝ Զքաւորէն մի՛ ակնածիր

^ե **Եբր.**՝ պառկած

^գ **Կամ**՝ դատերը

^է **Եբր.**՝ անծին

ԵՈԹՆԵՐՈՐԴ ՏԱՐԻՆ ԵՒ ՕՐԸ

10 «Վեց տարի սերմանէ քու հողդ եւ անոր բերքը ժողվէ: **11** Բայց եօթներորդ տարին հանգիստ ձգէ ու թո՛ղ զայն, որպէսզի քու ժողովուրդիդ աղքատները ուտեն, եւ անոնցմէ մնացածը դաշտին գազանները ուտեն. այգիիդ ու ձիթաստանիդ ալ նոյնպէս ըրէ: **12** Վեց օր քու գործդ ըրէ, բայց եօթներորդ օրը հանգստացի՛ր, որպէսզի եզդ ու էշդ ալ հանգստանան, եւ աղախինիդ որդին ու գաղթականը շունչ առնեն: **13** Բոլոր ձեզի ըսածներուս ուշադի՛ր եղէք, եւ ուրիշ աստուածներու անունը մի՛ յիշատակէք, ո՛չ ալ քու բերանէդ թող լսուի»:

ԵՐԵՑ ՄԵԾ ՏՕՆԵՐԸ
(Ելք. 34. 18-26, Բ. Օր. 16. 1-17)

14 «Տարին երեք անգամ տօն կատարէ ինծի: **15** Կատարէ՛ Բաղարջակերքի տօնը. ինչպէս քեզի պատուիրեցի, եօթը օր բաղարջ կեր Ապիայ ամսուան մէջ՝ **սահմանուած** ատենին, որովհետեւ այդ **ամսուան** մէջ եգիպտոսէն ելար. ո՛չ մէկը իմ առջեւս պարապ ձեռքով թող երեւնայ: **16** **Կատարէ՛** նաեւ գործերուդ – արտին մէջ քու սերմանածիդ – երախայրիքին Հունձքի տօնը, ու Բերքի տօնը՝ տարուան վախճանը, երբ արտէն քու գործերուդ բերքը ժողվես: **17** Տարին երեք անգամ քու բոլոր արուներդ թող երեւնան Տէրոց՝ Եհովայի առջեւ:

18 Իմ զոհիս արիւնը խմորեալ **հացով** մի՛ մատուցաներ, եւ իմ տօնիս ճարպը մինչեւ առտու թող բշմնայ: **19** Զու հողիդ առաջին երախայրիքը բե՛ր Տէրոց՝ քու Աստուծոյդ տունը:

Ուզ իր մօր կաթին մէջ մի՛ եփեր»:

ԽՈՍՏՈՒՄՆԵՐ ԵՒ ՈՒՍՈՒՅՈՒՄՆԵՐ

20 «Ահա՛ քու առջեւէդ հրեշտակ մը կը դրկեմ, որ ճամբան պահպանէ քեզ ու իմ պատրաստած տեղս տանի քեզ: **21** Ուշադի՛ր եղիր անոր եւ մտիկ ըրէ անոր խօսքը, մի՛ դառնացներ զայն. որովհետեւ ան ձեր յանցանքը պիտի չներէ, քանի որ իմ անունս անոր վրայ է: **22** Բայց եթէ **ուշադրութեամբ** անոր խօսքը մտիկ ընես ու իմ ամբողջ ըսածս գործադրես, քու թշնամիներուդ թշնամի պիտի ըլլամ եւ քու հակառակորդներուդ՝ հակառակորդ: **23** Արդարեւ իմ հրեշտակս քու առջեւէդ պիտի երթայ, ու քեզ Ամորհացիներուն, Ջետացիներուն, Փերեզացիներուն, Ջանանացիներուն, Խեւացիներուն եւ Յերուսացիներուն պիտի տանի, ու ե՛ս պիտի անհետացնեմ զանոնք: **24** Անոնց աստուածներուն մի՛ երկրպագեր ու զանոնք մի՛ պաշտեր, եւ անոնց արարքներուն համեմատ մի՛ վարուիր. հապա բոլո՛րովիհն տապակէ զանոնք, ու անոնց արձանները բոլո՛րովիհն կոտրտէ: **25** Տէ՛րը՝ ձեր Աստուածը պաշտեցէք, եւ ինք պիտի օրհնէ քու հացդ ու ջուրդ: Զեր մէջէն հիւանդութիւնը պիտի վերցնեմ: **26** Զու երկրիդ մէջ վիժող եւ ամոզ պիտի չըլլայ: Զու օրերուդ թիւը պիտի լրացնեմ: **27** Իմ երկիւլս քու առջեւէդ պիտի դրկեմ ու խուճապի պիտի մատնեմ այն ամբողջ ժողովուրդը՝ որուն քով կ'երթաս. քու բոլոր թշնամիներուդ բկոնակը քեզի պիտի դարձնեմ: **28** Եւ քու առջեւէդ իշամեղուներ պիտի դրկեմ, որպէսզի Խեւացիները, Ջանանացիներն ու Ջետացիները քու առջեւէդ վոնտեն: **29**

^բ **Եբր.**՝ չգիշերէ

^բ **Եբր.**՝ ծոծրակը

Անոնք քու առջեւէդ մէկ տարուան մէջ պիտի չվոնտեմ, որ երկիրը չամայանայ եւ դաշտին գազանները քեզի դէմ չբազմանան: **30** Զանոնք քու առջեւէդ քիչ-քիչ պիտի վոնտեմ, մինչեւ որ դուն ^ծբազմանաս ու երկիրը ժառանգեն: **31** Քու սահմաններդ Կարմիր ծովէն մինչեւ Փղշտացիներուն ծովը, եւ անապատէն մինչեւ **Եփրատ** գետը պիտի դնեմ. որովհետեւ **այդ** երկրին բնակիչները քու ձեռքդ պիտի մատնեմ, ու դուն զանոնք առջեւէդ պիտի վոնտեմ: **32** Անոնց հետ եւ անոնց աստուածներուն հետ ուստ մի՛ կնքեր: **33** Քու երկրիդ մէջ թող չբնակին, որպէսզի քեզի մեղանչել չտան ինծի դէմ. քանի որ եթէ անոնց աստուածները պաշտես, ատիկա անպատճառ քեզի որոգայթ պիտի ըլլայ»:

ՈՒԽՏԸ ԿԸ ԿՆՉՈՒԻ

24

Եւ Մովսէսի ըսաւ. «Բարձրացի՛ր Տէրոց քով, դո՛ւն, նաեւ Ահարոն, Նադար ու Արիուդ, եւ հսրայէլի երէցներէն եօթանասուն հոգի, ու հեռուէ՛ն երկրպագեցէք: **2** Բայց միայն Մովսէս թող մօտենայ Տէրոց, իսկ անոնք թող չմօտենան, ո՛չ ալ ժողովուրդը անոր հետ բարձրանայ»:

3 Մովսէս եկաւ եւ Տէրոց բոլոր խօսքերն ու բոլոր կանոնները հաղորդեց ժողովուրդին: Ամբողջ ժողովուրդը միաձայն պատասխանեց. «Տէրոց ըսած բոլոր խօսքերը պիտի գործադրենք»: **4** Մովսէս Տէրոց բոլոր խօսքերը գոեց. ապա առտուն՝ կանուխ ելաւ, լերան ստորոտը զոհասեղան կառուցանեց, ու տասներկու արձան **կանգնեցուց՝** հսրայէլի տասներկու տոհմերուն համեմատ: **5** Եւ հսրայէլի որդիներէն երիտասարդներ դրկեց, որոնք ողջակէզներ մատուցանեցին ու խաղաղութեան զոհերու համար զուարակներ զոհեցին Տէրոց: **6** Մովսէս արիւնին կէսը առաւ եւ կոնքերու մէջ դրաւ, իսկ արիւնին **միւս** կէսը զոհասեղանին վրայ սրսկեց: **7** Յետոյ՝ ուստին գիրքը առաւ **ու** ժողովուրդին ^աառջեւ կարդաց. անոնք ալ ըսին. «Տէրոց ամբողջ ըսածը պիտի գործադրենք եւ **անոր** պիտի հնագանդինք»: **8** Մովսէս արիւնը առաւ, ժողովուրդին վրայ սրսկեց ու ըսաւ. «Ահա՝ այս բոլոր խօսքերուն համաձայն՝ Տէրոց ձեզի հետ կնքած ուստին արիւնը»:

9 Այն ատեն Մովսէս եւ Ահարոն, Նադար ու Արիուդ եւ հսրայէլի երէցներէն եօթանասուն հոգի բարձրացան, **10** ու հսրայէլի Աստուածը տեսան. անոր ոտքերուն տակ կարծես շափիւղայէ սալայատակ մը **կար**, պայծառութեամբ՝ բուն երկինքին պէս: **11** հսրայէլի որդիներէն ընտրեալներուն վրայ իր ձեռքը չդրաւ. Աստուած դիտեցին, կերան ու խմեցին:

ՄՈՎՍԷՍ ՍԻՆԱ ԼԵՐԱՆ ՎՐԱՅ

12 Տէրը Մովսէսի ըսաւ. «Լե՛ռը բարձրացիր իմ քովս, ու հո՛ն կեցիր: Ձեզի պիտի տամ քարէ տախտակները, եւ իմ գրած **Օրէնքս** ու պատուիրաններս, որպէսզի անոնց սորվեցնես»: **13** Մովսէս եւ անոր սպասարկուն՝ Յետոյ կանգնեցան, ու Մովսէս Աստուածոյ լեռը բարձրացաւ **14** եւ երէցներուն ըսաւ. «Դուք այստեղ մեզի՛ սպասեցէք, մինչեւ որ ձեզի դառնանք: Ահա՝ Ահարոն ու Ովր ձեզի հետ են. եթէ ^բմէկը խնդիր մը ունենայ՝ անո՛նց թող ներկայանայ»:

^Ժ **Եբր.**՝ աճիս

^Ա **Եբր.**՝ ականջներուն

^Բ **Եբր.**՝ տէր մը

15 Մովսէս լեռը բարձրացաւ, եւ ամպը պատեց լեռը: 16 Տէրոց փառքը Սինա լերան վրայ կեցաւ, ու ամպը պատեց զայն վեց օր: Եօթներորդ օրը Տէրը ամպին մէջէն կանչեց Մովսէսը: 17 Տէրոց փառքին երեւոյթը լերան գագաթին վրայ՝ սպառող կրակի պէս Եր հսրայէլի որդիներուն առջեւ: 18 Մովսէս ամպին մէջ մտաւ եւ լեռը բարձրացաւ. Մովսէս քառասուն օր ու քառասուն գիշեր լեռը կեցաւ:

ՍՈՒՐԲ ԽՈՐԱՍԻՆ ԸՆԾԱՆԵՐԸ

(Ելք. 35. 4-9)

25

Տէրը խօսեցաւ Մովսէսի՝ ըսելով. 2 «Խօսէ՛ հսրայէլի որդիներուն, որ ինծի բարձրացնելիք ընծայ բերեն. իմ բարձրացնելիք ընծաս առէ՛ք ամէն մարդէ՛ որ յօժար սիրտով կու տայ: 3 Ահա՛ ասիկ այն բարձրացնելիք ընծան՝ որ անոնցմէ պիտի առնէք. ոսկի, արծաթ եւ պղինձ, 4 սկապուտակ, բծիրանի ու Կրկնակի կարմիր», բարակ քթան եւ այծի մազ, 5 կարմիր ներկուած խոյի մորթեր, իշղարի մորթեր ու սատիմի փայտեր, 6 լուսակալին համար իւղ, օծումի իւղին եւ անուշաբոյր խունկին համար բուրաւէտ համեմներ, 7 եղնգնաքարեր ու նեփուտին եւ լանջապանակին վրայ ագուցանուելիք քարեր:

8 Ինծի սրբարան մը թող շինեն, որպէսզի իրենց մէջ բնակիմ: 9 Բոլոր քեզի ցոյց տուածներուս պէս, խորանին կերպարին եւ անոր բոլոր առարկաներուն կերպարին համաձայն, ճի՛շ այդպէս շինեցէք»:

ՈՒԽՏԻՆ ՏԱՊԱՆԱԿԸ

(Ելք. 37. 1-9)

10 «Սատիմի փայտէ տապանակ մը թող շինեն. անոր երկայնքը երկուքուկէս կանգուն ըլլայ, լայնքը՝ մէկուկէս կանգուն, եւ բարձրութիւնը՝ մէկուկէս կանգուն: 11 Զայն զո՞ւտ ոսկիով պատէ. Անրսէ՛ն ու դուրսէ՛ն պատէ զայն, եւ անոր շուրջը ոսկի շրջանակ մը շինէ: 12 Անոր համար չո՞րս ոսկի օղակ ձուկէ ու անոր չո՞րս անկիւնները դիր զանոնք, որպէսզի անոր մէկ կողմը երկու օղակ ըլլայ, ու միւս կողմը՝ երկու օղակ: 13 Սատիմի փայտէ ձողեր շինէ ու զանոնք ոսկիով պատէ: 14 Չողերը տապանակին կողմերը եղող օղակներուն անցուր, որպէսզի տապանակը անոնցմով կրուի: 15 Չողերը տապանակին օղակներուն մէջ թող մնան. անկէ թող չհանուին: 16 Եւ տապանակին մէջ դի՛ր այն Վկայութիւնը՝ որ քեզի պիտի տամ:

17 Չուտ ոսկիէ Շաւալութիւն մը շինէ. անոր երկայնքը երկուքուկէս կանգուն ըլլայ, եւ լայնքը՝ մէկուկէս կանգուն: 18 Ոսկիէ երկո՞ւ քերովբէ շինէ Շաւալութեան երկու ծայրերուն վրայ. Կուածոյ շինէ զանոնք: 19 Մէկ քերովբէն՝ մէ՛կ ծայրը շինէ, ու միւս քերովբէն՝ մի՞ւս

^ա **Այսինքն**՝ կապուտակով ներկուած կերպաս

^բ **Այսինքն**՝ ծիրանիով ներկուած կերպաս

^շ **Այսինքն**՝ կրկնակի կարմիրով ներկուած կերպաս

^թ **Այսինքն**՝ առանց թեզանիքի կարճ վերարկուին

^հ **Կամ**՝ կափարիչ

^գ **Կամ**՝ ճախարակեայ

ծայրը. քերովբէները թաւութենէ՛ն **առնուած** շինեցէք, անոր երկու ծայրերը: **20** քերովբէները իրենց թեւերը վերէն թող տարածեն, իրենց թեւերով թաւութիւնը թող ծածկեն, եւ իրենց երեսները իրարու թող նայի՛. քերովբէներուն երեսները դէպի թաւութիւնը թող **դարձած** ըլլան: **21** թաւութիւնը դի՛ր տապանակին վրայ, իսկ քեզի տալիք Վկայութիւն՝ դի՛ր տապանակին մէջ: **22** Հո՛ն ես քեզի պիտի հանդիպիմ, ու թաւութեան վրայէն, Վկայութեան տապանակին վրայ եղող երկու քերովբէներուն մէջտեղէն, պիտի խօսիմ քեզի հետ՝ իսրայէլի որդիներուն համար քեզի տալիք բոլոր պատուիրաններուս մասին»:

ԱՍՏՈՒԾՈՅ ՄԱՏՈՒՅԱՆՈՒԱԾ ՀԱՅԻՆ ՍԵՂԱՆԸ

(Ելք. 37. 10-16)

23 «Սատիմի փայտէ սեղան մը շինէ. անոր երկայնքը երկու կանգուն ըլլայ, լայնքը՝ մէկ կանգուն, ու բարձրութիւնը՝ մէկուկէս կանգուն: **24** Զայն զո՞ւտ ոսկիով պատէ, եւ անոր շուրջը ոսկի շրջանակ մը շինէ: **25** Անոր շուրջը չորս մատնաչափ եզե՛րը մը շինէ, ու եզերքին շուրջը ոսկի շրջանակ մը շինէ: **26** Անոր չո՞րս ոսկի օղակ շինէ, եւ անոր չորս անկիւնները՝ չո՞րս ոտքերուն քով դիր օղակները: **27** Օղակները եզերքին քով թող ըլլան, որպէսզի սեղանը կրելու **ծառայող** ծողերուն անցընելու ^էտեղեր ըլլան: **28** Զողերը սատիմի՝ փայտէ շինէ ու զանոնք ոսկիով պատէ. սեղանը անոնցմով պիտի կրուի: **29** Անոր ափսէնե՛ր, խնկամաննե՛ր, բաժակնե՛ր ու թասե՛ր շինէ, որպէսզի անոնցմով ^{թափելիք} նուէր ընծայուի[»]. զանոնք զո՞ւտ ոսկիէ շինէ: **30** Սեղանին վրայ թառաջադրութեան հացը շարունակ իմ առջեւս դիր»:

ԱՇՏԱՆԱԿԸ

(Ելք. 37. 17-24)

31 «Զուտ ոսկիէ աշտանակ մը շինէ. կոածոյ թող շինուի աշտանակը: Անոր բունք, ճիւղերը, սկահակները, գնդակներն ու ծաղիկները իրմէ **առնուած** թող ըլլան: **32** Անոր կողմերէն վեց ճիւղ ելլէ.՝ աշտանակին մէկ կողմէն՝ երեք ճիւղ, եւ աշտանակին միւս կողմէն՝ երեք ճիւղ: **33** Մէկ ճիւղին վրայ նշածեւ երեք սկահակ՝ գնդակով ու ծաղիկով, եւ միւս ճիւղին վրայ նշածեւ երեք սկահակ՝ գնդակով ու ծաղիկով. աշտանակէն ելած վեց ճիւղերը այսպէս թող ըլլան: **34** Աշտանակին վրայ չորս նշածեւ սկահակ ըլլայ՝ իրենց գնդակներով եւ ծաղիկներով. **35** աշտանակէն ելած վեց ճիւղերէն երկու ճիւղի տակ՝ իրմէ **ելած** մէկ գնդակ ըլլայ, **ուրիշ** երկու ճիւղի տակ՝ իրմէ **ելած** մէկ գնդակ, եւ **ուրիշ** երկու ճիւղի տակ՝ իրմէ **ելած** մէկ գնդակ: **36** Անոնց գնդակներն ու ճիւղերը իրմէ **առնուած** թող ըլլան. ամբողջը՝ մէկ կտորէ, զուտ ոսկիէ, կոածոյ ըլլայ: **37** Անոր եօթը ճրագ շինէ, որ երբ ճրագները վառուին՝ անոր առջե՛ւը լուսաւորեն: **38** Անոր ունելիները եւ անոր ճրագաբերանները զուտ ոսկիէ ըլլան: **39** Ան տաղանդ մը զուտ ոսկիով թող շինուի՝ այս բոլոր առարկաններով: **40** Նայէ՛, որ լեռը քեզի ցոյց տրուած կերպարին պէս շինեն

^է Երբ.՝ տուներ

^ը Երբ.՝ թափուի

^Պ Կամ՝ ներկայութեան

^Ժ Երբ.՝ դուրս ելած

զանոնք»:

ԱՍՏՈՒԾՈՅ ՆԵՐԿԱՅՈՒԹԵԱՆ ՎՐԱՆԸ
(Ելք. 36. 8-38)

26

«Խորանը շինէ՝ տասը վարագոյրով՝ մանուած բարակ քթանէ, կապուտակէ, ծիրանիէ ու կրկնակի կարմիրէ. շինէ՝ զանոնք՝ հնարագիտութեամբ գործուած քերովբէներով միասից: 2 Մէկ վարագոյրին երկայնքը քսանութ կանգուն ըլլայ, եւ մէկ վարագոյրին լայնքը՝ չորս կանգուն: Բոլոր վարագոյրները մէկ չափ թող ունենան: 3 Հինգ վարագոյր իրարու թող կցուի, ու միւս հինգ վարագոյրն ալ իրարու թող կցուի: 4 Կցուածքին ծայրի մէկ վարագոյրին եզերքին վրայ կապուտակէ օղակներ շինէ. միւս կցուածքին ծայրի վարագոյրին եզերքն ալ նոյնակէս շինէ: 5 Մէկ վարագոյրին վրայ յիսուն օղակ շինէ, եւ միւս կցուածքին վրայ եղող վարագոյրին ծայրն ալ յիսուն օղակ շինէ. օղակները դէմ դիմաց թող ըլլան: 6 Յիսուն ոսկի ճարմանդ շինէ ու վարագոյրները ճարմանդներով՝ կոճկէ, որպէսզի միակտուր խորան ըլլայ:

7 Այծի մազէ վարագոյրներ շինէ՝ որ վրան մը ըլլայ խորանին վրայ. տասնմէկ վարագոյր շինէ: 8 Մէկ վարագոյրին երկայնքը երեսուն կանգուն ըլլայ, եւ մէկ վարագոյրին լայնքը՝ չորս կանգուն. տասնմէկ վարագոյրները մէկ չափով ըլլան: 9 Հինգ վարագոյր զան կցէ, ու վեց վարագոյր՝ զատ. վեցերորդ վարագոյրը վրանին առջեկի կողմը երկութի՛ ծալէ: 10 Կցուածքին ծայրը եղող մէկ վարագոյրին եզերքին վրայ յիսուն օղակ շինէ, եւ միւս կցուածքին ծայրը եղող վարագոյրին եզերքին վրայ՝ յիսուն օղակ: 11 Յիսուն պղինձէ ճարմանդ շինէ, ճարմանդները օղակներուն անցուր ու վրանը կոճկէ, որպէսզի միակտուր ըլլայ: 12 Վրանին վարագոյրներէն աւելորդ մնացածը, այսինքն վարագոյրին աւելցած կէսը, խորանին ետեւը ակախուած թող մնայ: 13 Վրանին վարագոյրներուն երկայնքէն աւելցածը, մէկ կանգուն՝ մէկ կողմէն, եւ մէկ կանգուն՝ միւս կողմէն, կախուած թող մնայ խորանին կողմերը, զայն մէկ կողմէն ու միւս կողմէն ծածկելու համար: 14 Վրանին համար ծածք մը շինէ՝ կարմիր ներկուած խոյի մորթերէ, եւ ծածք մըն ալ անոր վրայ՝ իշղարի մորթերէ:

15 Խորանին համար կանգնած մնացող տախտակներ շինէ՝ սատիմի փայտէ: 16 Մէկ տախտակին երկայնքը տասը կանգուն ըլլայ, ու մէկ տախտակին լայնքը՝ մէկուկէս կանգուն: 17 Ամէց մէկ տախտակ երկու ագուցիկ ծայր թող ունենայ՝ իրարու առընթեր. խորանին բոլոր տախտակները այսպէս ըրէ: 18 Շինէ՝ խորանին տախտակները. դէպի հարաւ՝ հարաւային կողմը քսան տախտակ շինէ, 19 ու քսան տախտակներուն տակ՝ քառասուն արծաթէ խարիսխ: Մէկ տախտակի տակ՝ իր երկու ագուցիկ ծայրերը անցընելու համար՝ երկու խարիսխ: 20 Խորանին միւս կողմին համար՝ հիւսիսային կողմը քսան տախտակ շինէ, 21 ու անոնց քառասուն արծաթէ խարիսխները. մէկ տախտակի տակ՝ երկու խարիսխ, եւ ուրիշ տախտակի մը տակ՝ իր երկու ագուցիկ ծայրերը անցընելու համար՝ երկու խարիսխ: 22 Խորանին ետեւի կողմին համար՝ դէպի արեւմուտք վեց տախտակ շինէ, 23 ու խորանին անկիւններուն համար՝ ետեւի կողմը երկու տախտակ շինէ: 24 Ներքեւէն կրկնակ թող ըլլան, իսկ գագաթէն օղակով մը միացած. երկուքն ալ այսպէս թող ըլլան, երկու անկիւններուն համար թող ըլլան: 25 Այսպէս՝ անոնք ութ տախտակ պիտի ըլլան, ու անոնց արծաթէ խարիսխները՝ տասնվեց խարիսխ. մէկ տախտակի տակ՝ երկու խարիսխ ըլլայ, եւ ուրիշ տախտակի մը տակ՝ երկու խարիսխ: 26 Սատիմի փայտէ նիգեր շինէ. խորանին մէկ

^ա Երբ.՝ տարածուած

կողմի տախտակներուն համար՝ հինգ շիգ ըլլայ, **27** խորանին միւս կողմի տախտակներուն համար՝ հինգ նիգ, ու դէպի արեւմուտք՝ խորանին ետեւի կողմի տախտակներուն համար՝ հինգ նիգ: **28** Մէջտեղի նիգը, **այսինքն** տախտակներուն մէջտեղ եղողը, մէկ ծայրէն միւս ծայրը թող անցնի: **29** Տախտակները ոսկիով պատէ, եւ անոնց օղակները՝ **այսինքն** նիգներուն **անցընելու** տեղերը՝ ոսկիէ՝ շինէ: Նիգերն ալ ոսկիով պատէ:

30 Խորանը կանգնեցուր այն ձեւին համաձայն, որ լերան վրայ քեզի ցոյց տրուեցաւ:

31 Վարագոյր մը շինէ՝ կապուտակէ, ծիրանիէ, կրկնակի կարմիրէ ու մանուած բարակ քթանէ. հնարագիտութեամբ գործուած քերովքներով **միասին** թող շինուի: **32** Զայն դի՛ր սատիմի **փայտէ** չորս ոսկեպատ սիւնի վրայ. անոնց բնանկերը ոսկիէ ըլլան, **ու** չորս արծաթէ խարիսխի վրայ **թող դրուին**: **33** Վարագոյրը ճարմանդներէն վար կախէ, եւ հո՛ն բեր՝ վարագոյրին ներսը՝ Վկայութեան տապանակը: Վարագոյրը ձեզի համար Սրբութիւնը պիտի զատէ Սրբութիւններու սրբութենէն: **34** Եւ Զաւութիւնը դի՛ր Վկայութեան տապանակին վրայ, Սրբութիւններու սրբութեան մէջ: **35** Վարագոյրէն դո՛ւրս դիր սեղանը, ու սեղանին դիմաց՝ խորանին հարաւային կողմը՝ աշտանակը. սեղանը դի՛ր հիւսիսային կողմը:

36 Վրանին մուտքին համար ասեղնագործ վարագոյր մը շինէ՝ կապուտակէ, ծիրանիէ, կրկնակի կարմիրէ եւ մանուած բարակ քթանէ: **37** **Դրան** վարագոյրին համար սատիմի **փայտէ** հի՛նգ սիւն շինէ ու զանոնք ոսկիով պատէ. անոնց ճանկերը ոսկիէ ըլլան, եւ անոնց համար պղինձէ հի՛նգ խարիսխ ձուկէ»:

ԽՈՐԱՆԸ
(Ելք. 38. 1-7)

27

«Զոհասեղանը սատիմի՝ փայտէ շինէ, երկայնքը՝ հինգ կանգուն, ու լայնքը՝ հինգ կանգուն. զոհասեղանը քառակուսի թող ըլլայ, եւ անոր բարձրութիւնը՝ երեք կանգուն ըլլայ: **2** Անոր եղջիւրները շինէ՝ անոր չորս անկիւններուն վրայ: Անոր եղջիւրները իրմէ **առնուած** թող ըլլան. զայն պղինձով պատէ: **3** Շինէ՝ անոր անօթները՝ անոր մոխիրները հանելու համար, նաեւ անոր թիակները, կոնքերը, մսահաններն ու կրակարանները. անոր բոլոր գործիքները պղինձէ՝ շինէ: **4** Անոր պղինձէ ցանցակերպ կասկարայ մը շինէ, ու ցանցին վրայ չո՞րս պղինձէ օղակ շինէ՝ անոր չորս անկիւններուն համար: **5** Զայն դի՛ր զոհասեղանին շրջապատին տակ՝ ներքեւը, որպէսզի ցանցը գրեթէ զոհասեղանին մէջտեղը ըլլայ: **6** Զոհասեղանին համար ձողե՛ր շինէ. ձողերը սատիմի փայտէ ըլլան, ու զանոնք պղինձով պատէ: **7** Անոր ձողերը օղակներուն թող անցուին, ու ձողերը զոհասեղանին երկու կողմերը թող ըլլան՝ զայն կրելու համար: **8** Զայն տախտակներով շինէ՝ մէջը դատարկ, լեռը քեզի ցոյց տրուածին պէս. **ճի՛շ** այդպէս թող շինեն **զայն**»:

ՏԵՐՈՉ ՆԵՐԿԱՅՈՒԹԵԱՆ ՎՐԱՆԻՆ ՎԱՐԱԳՈՅՐԸ
(Ելք. 38. 9-20)

9 «Խորանին սրա՛նը շինէ.՝ դէպի հարաւ՝ հարաւային կողմին համար՝ սրահին վարագոյրները մանուած բարակ քթանէ՝ **շինէ**, հարիւր կանգուն երկայնութեամբ՝ մէկ կողմին համար, **10** անոր քսան սիւներով եւ անոնց քսան պղինձէ խարիսխներով. սիւներուն ճանկերն ու անոնց կապերը արծաթէ ըլլան: **11** Նոյնպէս հիւսիսային կողմին համար՝ **սրահին** երկայնքին՝ վարագոյրներ՝ **շինէ**, հարիւր կանգուն երկայնութեամբ, անոր

^բ **Կամ** խոյակները

քսան սիւներով եւ անոնց քսան պղինձէ խարիսխներով. սիւներուն ճանկերն ու անոնց կապերը արծաթէ ըլլան: **12** Արեւմտեան կողմը՝ սրահին լայնքին՝ վարագոյրներ՝ **շինէ**, յիսուն կանգուն **երկայնութեամբ**, իրենց տասը սիւներով եւ անոնց տասը խարիսխներով: **13** Դէպի արեւելք՝ արեւելեան կողմը՝ սրահին լայնքը յիսուն կանգուն ըլլայ. **14** Մէկ ՚թեւին համար վարագոյրներ՝ **շինէ**, տասնինգ կանգուն **երկայնութեամբ**, իրենց երեք սիւներով եւ անոնց երեք խարիսխներով, **15** նաեւ վարագոյրներ՝ միւս թեւին համար, տասնինգ կանգուն **երկայնութեամբ**, իրենց երեք սիւներով եւ անոնց երեք խարիսխներով: **16** Սրահին դրան համար ասեղնագո՞րծ վարագոյր մը **շինէ**՝ կապուտակէ, ծիրանիէ, կրկնակի կարմիրէ ու մանուած բարակ քթանէ, քսան կանգուն **երկայնութեամբ**, իր չորս սիւներով եւ անոնց չորս խարիսխներով: **17** Սրահին շրջակայ բոլոր սիւները ըլլան արծաթէ կապերով, անոնց ճանկերը՝ արծաթէ, իսկ խարիսխները՝ պղինձէ: **18** Սրահին երկայնքը՝ հարիւր կանգուն **թող ըլլայ**, լայնքը՝ ամէն տեղ յիսուն, ու բարձրութիւնը՝ հինգ կանգուն. **Վարագոյրները** մանուած բարակ քթանէ ըլլան, եւ իրենց խարիսխները՝ պղինձէ: **19** Խորանին բոլոր առարկաները՝ իր ամբողջ ծառայութեան համար, իր բոլոր ցիցերն ու սրահին բոլոր ցիցերը պղինձէ ըլլան»:

ՃՐԱԳԻՆ ՀՂԳԱԾՈՒԹԻՒՆԸ (ՂԵ. 24. 1-4)

20 «Նաեւ պատուիրէ՛ հսրայէլի որդիներուն, որ քեզի ՚ծեծուած զուտ ձէթ բերեն՝ լուսակալին համար, որպէսզի ճրագը շարունակ վառի: **21** Ահարոն եւ անոր որդիները թող գետեղեն զայն՝ Հանդիպումի վրանին մէջ, Վկայութեան առջեւի վարագոյրէն դուրս, **որ վառի Տէրոց առջեւ՝ իրիկուընէ մինչեւ առտու:** **Ասիկա** յաւիտենական կանոն **թող ըլլայ** իրենց սերունդներուն մէջ՝ հսրայէլի որդիներուն համար»:

ՔԱՀԱՆԱՆԵՐՈՒՆ ՀԱԳՈՒՍՆԵՐԸ (ԵՒ. 39. 1-7)

28

«հսրայէլի որդիներուն մէջէն մօտեցո՛ր քեզի եղբայր՝ Ահարոնը, եւ իրեն հետ իր որդիները, որպէսզի ինծի քահանայութիւն կատարեն. Ահարոնը, ու Նադաբը, Աբիուդը, Եղիազարը եւ Իթամարը՝ Ահարոնի որդիները: **2** Սուրբ հագուստներ՝ շինէ եղբօր՝ Ահարոնի, փառքի ու շքեղութեան համար: **3** Ըսէ՛ բոլոր ՚միտքով իմաստուններուն՝ որոնք ես իմաստութեան հոգիով լեցուցի, որ Ահարոնի հագուստներ շինեն՝ զայն սրբացնելու համար, որպէսզի ինծի քահանայութիւն կատարէ: **4** Ահանասիկ անոնց շինելիք հագուստները.՝ լանջապանակ, եփուտ, պարեգօտ, նկարազարդ պատմուճան, խոյր ու գօտի: Սուրբ հագուստներ թող շինեն եղբօր՝ Ահարոնի եւ անոր որդիներուն, որպէսզի ինծի քահանայութիւն կատարեն:

5 Անոնք թող առնեն ոսկին, կապուտակը, ծիրանին, կրկնակի կարմիրն ու բարակ քթանը, **6** եւ թող շինեն հնարագիտութեամբ գործուած եփուտը՝ ոսկի **թելէ**, կապուտակէ, ծիրանիէ, կրկնակի կարմիր ու մանուած բարակ քթանէ: **7** Անոր երկու ծայրերը՝ անոր

՚ Եբր.՝ ուսին

՚ Այսինքն՝ ծեծուած ծիթապտուղէն ինքնիրմէ հոսած

՚ Եբր.՝ սիրտով

կցուած երկու ուսնոց թող ունենան, որպէսզի եփուտը միանայ: 8 Եփուտին ժապաւէնը՝ որ անոր վրայ է, անոր շինուածքին պէս՝ նոյն Շիլթերէն թող ըլլայ.— ոսկիէ, կապուտակէ, ծիրանիէ, կրկնակի կարմիրէ ու մանուած բարակ քթանէ: 9 Երկու եղնգնաքար առ, եւ անոնց վրայ հսրայէլի որդիներուն անունները փորագրէ: 10 Անոնց անուններէն վեցը՝ մէկ քարին վրայ փորագրէ, եւ մնացեալ վեց անունները՝ միւս քարին վրայ, անոնց ծնունդին համեմատ: 11 Այդ երկու քարերուն վրայ փորագրէ՝ հսրայէլի որդիներուն անունները՝ ակնագործի բանուածքով, այսիհըն կնիք փորագրելու պէս. զանոնք ագուցանէ՝ ոսկի ճանակներու մէջ: 12 Երկու քարերը դի՛ր եփուտին ուսնոցներուն վրայ, որպէսզի հսրայէլի որդիներուն յիշատակի քարեր ըլլան: Ահարոն անոնց անունները իր երկու ուսերուն վրայ պիտի կրէ Տէրոց առջեւ՝ յիշատակի համար: 13 Նաեւ ոսկիէ ճանակներ շինէ, 14 ու զուտ ոսկիէ երկու ոլորուած շղթայ. զանոնք հիւսէ՛, եւ հիւսուած շղթաները ճանակներուն անցուր»:

ՀԱՆՁԱՊԱՆԱԿԸ

(Ելք. 39. 8-21)

15 «Դատաստանի լանջապանակը հնարագիտութեամբ գործուած թող ըլլայ: Շինէ՝ զայն եփուտին շինուածքին պէս՝ ոսկիէ, կապուտակէ, ծիրանիէ, կրկնակի կարմիրէ եւ մանուած բարակ քթանէ: 16 Թառակուսի թող ըլլայ ու երկուքի ծալուի: Անոր երկայնքը մէկ թիզ ըլլայ, եւ անոր լայնքը՝ մէկ թիզ: 17 Անոր վրայ բագուցանուելիք քարեր՝ ագուցանէ՛, չորս կարգ քար, սա՛ կարգով.— առաջին կարգը՝ սարդիոն, տպագիոն ու զմրուստ. 18 Երկրորդ կարգը՝ կարկեհան, շափիւղայ եւ աղամանդ. 19 Երրորդ կարգը՝ արեւաքար, ակատ ու մեղեսիկ. 20 չորրորդ կարգը՝ ոսկեքար, եղնգնաքար եւ յասպիս: Ասոնք ոսկիի մէջ թող ագուցանուին, իրենց ագուցուածքներուն մէջ: 21 Քարերը հսրայէլի որդիներուն անուններուն պէս՝ տասներկու հասու թող ըլլան, անոնց անուններուն համեմատ. կնիքի հման թող փորագրուին, իւրաքանչիւրը իր անունով՝ տասներկու տոհմերուն համեմատ: 22 Լանջապանակին վրայ՝ զուտ ոսկիէ ոլորուած եւ հիւսուած շղթաներ շինէ: 23 Լանջապանակին վրայ երկու ոսկի օղակ շինէ, ու երկու օղակները դի՛ր լանջապանակին երկու ծայրերուն վրայ: 24 Երկու հիւսուած ոսկի շղթաները անցո՞ւր լանջապանակին ծայրերը եղող երկու օղակներուն: 25 Երկու հիւսուած շղթաներուն միւս երկու ծայրերը անցո՞ւր այդ երկու ճանակներուն, եւ զանոնք եփուտին ուսնոցներուն վրայ դիր, անոր առջեւի կողմը: 26 Երկու ոսկի օղակ ալ շինէ, ու զանոնք լանջապանակին ներսի կողմէն՝ եփուտին կցուած եգերքին երկու ծայրերը դիր: 27 Եւ ուրիշ՝ երկու ոսկի օղակ շինէ, ու զանոնք եփուտին երկու ուսնոցներուն ներքեւէն անցուր, անոր առջեւի կցուածքին մօտ, եփուտին ժապաւէնին վրայէն: 28 Լանջապանակը իր օղակներէն թող կապեն եփուտին օղակներուն՝ կապուտակէ շինուած երիզով, որպէսզի եփուտին ժապաւէնին վրայ ըլլայ եւ լանջապանակը եփուտին վրայէն չզատուի: 29 Երբ Ահարոն սրբարանը մտնէ, իր սիրտին վրայ թող կրէ հսրայէլի որդիներուն անունները՝ դատաստանի լանջապանակին վրայ փորագրուած, Տէրոց առջեւ մշտատեւ յիշատակի համար: 30 Դատաստանի լանջապանակին մէջ դի՛ր Պուրիմը եւ Թումիմը: Անոնք Ահարոնի սիրտին վրայ թող ըլլան, երբ ան Տէրոց առջեւ երթայ: Ահարոն Տէրոց առջեւ

^Բ Երբ՝ քարերու ագուցուածքներ

^Գ Այսիհըն՝ լոյսեր (յայտնութիւն)

^Դ Այսիհըն՝ կատարելութիւններ (ճշմարտութիւն)

շարունակ իր սիրտին վրայ թող կրէ հսրայէլի որդիներուն դատաստանը»:

ՈՒՐԻՇ ՔԱԶԱՆԱՅԱԿԱՆ ՀԱԳՈՒՏՆԵՐ
(Ելք. 39. 22-31)

31 «Եփուտին պարեգօտը ամբողջովին կապուտակէ շինէ: **32** Անոր մէջտեղը գլուխ անցընելու բացուածք մը թող ըլլայ. բացուածքին շուրջը՝ զրահի բացուածքին պէս հիւսուած եզերք մը թող ունենայ, որպէսզի չպատոի: **33** Իսկ անոր քղանցքին վրայ կապուտակէ, ծիրանիէ եւ կրկնակի կարմիրէ նուռե՛ր շինէ – անոր քղանցքին վրայ՝ բոլորաձեւ **շարուած** –, եւ անոնց մէջտեղը ոսկի զանգակնե՛ր **դիր**՝ բոլորաձեւ. **34** պարեգօտին քղանցքին վրայ ոսկի զանգակ մը ու նուռ մը, ոսկի զանգակ մը ու նուռ մը ըլլան՝ բոլորաձեւ **շարուած**: **35** Պաշտօն կատարելու համար ան Ահարոնի վրայ թող ըլլայ, եւ **Տէրոց** առջեւ սրբարանը մտած ու ելած ատեն անոր ծայնը թող լսուի, որպէսզի չմեռնի:

36 Զուտ ոսկիէ թիթե՛ն մը շինէ, եւ անոր վրայ կնիք փորագրելու պէս փորագրէ՛. **37** «Տէրոց սրբութիւնը [□] «: **37** Նաեւ կապուտակէ երիզ մը անցուր անոր, որպէսզի խոյրին վրայ դրուի. խոյրին վրայ՝ անոր առջեւի կողմը թող ըլլայ: **38** Ան Ահարոնի ճակատին վրայ թող ըլլայ, որպէսզի Ահարոն կրէ սուրբ բաներուն անօրէնութիւնը, երբ հսրայէլի որդիները զանոնք սրբացնեն՝ իրենց բոլոր սուրբ պարգեւները **մատուցանած** ատեն: Շարունակ իր ճակատին վրայ թող ըլլայ, որպէսզի անոնք ընդունելի ըլլան **Տէրոց** առջեւ:

39 Պատմուճանը բարակ քթանէ նկարակերտէ, ու խոյրը բարակ քթանէ շինէ. գոտին ասեղնագործ շինէ:

40 Ահարոնի որդիներուն պատմուճաններ շինէ, անոնց գոտիններ շինէ, եւ փառքի ու շքեղութեան համար անոնց ապարօշններ շինէ: **41** Զանոնք հագցուր քու եղբօրդ՝ Ահարոնի, եւ իրեն հետ՝ իր որդիներուն: Զանոնք օծէ՛, զանոնք նուիրէ՛՝ ու զանոնք սրբացուր, որպէսզի ինծի քահանայութիւն կատարեն: **42** Անոնց կտաւէ անդրավարտիքններ շինէ՛ **իրենց** մարմինին մերկութիւնը ծածկելու համար. **իրենց** մէջքէն մինչեւ ազդրերը թող հասնին: **43** Անոնք Ահարոնի եւ անոր որդիներուն վրայ թող ըլլան՝ երբ Հանդիպումի վրանը մտնեն, կամ երբ զոհասեղանին մօտենան սրբարանին մէջ՝ պաշտօն կատարելու համար, որ անօրէնութիւն չկրեն ու չմեռնին: **Ասիկա** յակիտենական կանոն մը **թող ըլլայ** իրեն եւ իրմէ ետք իր զարմին»:

ԱՀԱՐՈՒՆԻ ԵՒ ԻՐ ՈՐԴԻՆԵՐՈՒՆ ՆՈՒԽՐՈՒՄԻ ՀՐԱՀԱՆԳՆԵՐ
(Ղել. 8. 1-36)

29

«Ահա՛ւասիկ ինչ որ անոնց պիտի ընես՝ զանոնք սրբացնելու համար, որպէսզի ինծի քահանայ ըլլան. – արցառներէն զուարակ մը ու երկու անարատ խոյ առ, **2** նաեւ բաղարց, իւղով շաղուած անխմոր կարկանդակներ ու իւղով օծուած անխմոր լաւաշներ. ասոնք շինէ՛ ցորենի անաշինով, **3** զանոնք դիր սակառի մը մէջ, եւ զանոնք մատուցանէ՛ սակառին մէջ՝ զուարակին ու երկու խոյերուն հետ: **4** Ահարոնը եւ անոր որդիները մօտեցուր Հանդիպումի վրանին մուտքին, ու զանոնք ցուրով լուա: **5** Հագուստները ա՛ն եւ

^բ **Այսիցք**՝ Տէրոց սրբած

^գ **Երբ.**՝ անոնց ծենքը լեցուր

^ա **Այսիցք**՝ նուրբ ալիւրով

Ահարոնի հագցուր պատմուճանը, եփուտին պարեգօտը, եփուտն ու լանջապանակը, եւ զայն փաթթէ՛ եփուտին ժապաւէնով։ **6** Խոյրը դի՛ր անոր գլուխը, ու սուրբ պսակը դի՛ր խոյրին վրայ։ **7** Յետոյ օծումի իւղը առ, եւ անոր գլուխին վրայ թափելով՝ օծէ՛ զայն։ **8** Անոր որդիները մօտեցուր, անոնց պատմուճաններ հագցուր, **9** անոնց **մէջքը** գօտի՛ կապէ, – **այսիհը**։ Ահարոնի եւ անոր որդիներուն, – անոնց **գլուխը** ապարօշներ փաթթէ, ու քահանայութիւնը իրենց թող ըլլայ յախտենական կանոնով։ Այսպէս նուիրէ Ահարոնը եւ անոր որդիները։

10 Զուարակը մօտեցուր Հանդիպումի վրանին առջեւ, եւ Ահարոն ու անոր որդիները իրենց ձեռքերը թող դնեն զուարակին գլուխին վրայ։ **11** Տէրոց առջեւ մորթէ՛ զուարակը՝ Հանդիպումի վրանին մուտքը։ **12** Զուարակին արիւնէն ա՛ն եւ մատովդ դի՛ր զոհասեղանին եղիւլներուն վրայ. իսկ **մացած** ամբողջ արիւնը թափէ՛ զոհասեղանին յատակը։ **13** Փորոտիքը ծածկող ամբողջ ճարպը, լեարդին վրայ եղող թաղանթը, երկու երիկամունքը եւ անոնց վրայ եղող ճարպը ա՛ն ու զոհասեղանին վրայ այրէ՛։ **14** Բայց զուարակին միսը, անոր մորթը եւ անոր թրիքը կրակո՞վ այրէ բանակավայրէն դուրս. ասիկա մեղքի պատարագ մըն է։

15 Խոյերէն մէկը առ, ու Ահարոն եւ անոր որդիները իրենց ձեռքերը թող դնեն խոյին գլուխին վրայ։ **16** **Այդ** խոյը մորթէ՛, անոր արիւնը ա՛ն ու սրսկէ՛ զոհասեղանին վրայ՝ բոլորաձեւ։ **17** Խոյը կտորներոն բաժնէ. անոր փորոտիքը եւ թաթերը լուա, ու **զանոնը** դի՛ր անոր կտորներուն եւ գլուխին վրայ։ **18** Յետոյ ամբո՞ջ խոյը այրէ զոհասեղանին վրայ. ասիկա ողջակէզ է Տէրոց. անուշահոտ պատարագ մըն է Տէրոց։

19 Մի՛ւս խոյն ալ առ, ու Ահարոն եւ անոր որդիները իրենց ձեռքերը թող դնեն խոյին գլուխին վրայ։ **20** Խոյը մորթէ՛, անոր արիւնէն ա՛ն, ու դի՛ր Ահարոնի աջ ականջին բլթակին վրայ, անոր որդիներուն աջ ականջին բլթակին վրայ, անոնց աջ ձեռքին բթամատին վրայ, եւ աջ ոտքին բթամատին վրայ. իսկ **մացած** արիւնը սրսկէ՛ զոհասեղանին վրայ՝ բոլորաձեւ։ **21** Յետոյ զոհասեղանին վրայ եղող արիւնէն ու օծումի իւղէն ա՛ն, եւ սրսկէ՛ Ահարոնի վրայ ու անոր հագուստներուն վրայ, եւ անոր հետ՝ իր որդիներուն վրայ ու որդիներուն հագուստներուն վրայ։ Այսպէս պիտի սրբանան ինք եւ իր հագուստները, ու իրեն հետ իր որդիները եւ որդիներուն հագուստները։ **22** Ապա խոյէն ա՛ն ճարպն ու դմակը, փորոտիքը ծածկող ճարպը, լեարդին **վրայի** թաղանթը, երկու երիկամունքը, անոնց վրայ եղող ճարպը եւ աջ զիստը, – որովհետեւ ասիկա նուիրումի խոյն է, – **23** նաեւ ա՛ն **Տէրոց** առջեւ եղող բաղարջի սակառէն՝ մէկ հացի նկանակ, մէկ իւղով հացի կարկանդակ եւ մէկ լաւաշ, **24** ու բոլո՞րը դիր Ահարոնի ափը եւ անոր որդիներուն ափը, ու զանոնք **Տէրոց** առջեւ մատուցանէ՛ իբր երեցնելիք ընծայ։ **25** Յետոյ անոնց ձեռքէն ա՛ն զանոնք, եւ զոհասեղանին վրայ – ողջակէզին վրայ – այրէ՛ **Տէրոց** առջեւ՝ անոյշ հոտի համար. ասիկա պատարագ մըն է **Տէրոց**։ **26** Ահարոնի նուիրումին համար **պատրաստուած** խոյին երբո՞ւծը առ, ու զայն **Տէրոց** առջեւ մատուցանէ՛ իբր երեցնելիք ընծայ. ատիկա քո՞ւ բաժինդ թող ըլլայ։ **27** Ահարոնի համար եւ անոր որդիներուն համար եղող նուիրումի խոյին երեցնելիք երբո՞ւծն ու բարձրացնելիք զի՞ստը սրբացուր։ **28** Ասիկա յախտենական կանոնով Ահարոնի եւ անոր որդիներուն թող ըլլայ՝ հսրայէլի որդիներուն **կողմէս**, որովհետեւ ասիկա բարձրացնելիք ընծայ է։ Աս բարձրացնելիք ընծայ թող ըլլայ հսրայէլի որդիներէն – իրենց խաղաղութեան **զոհերէն** – իրենց բարձրացնելիք ընծայ թող ըլլայ **Տէրոց**։

29 Ահարոնի սուրբ հագուստները՝ իրմէ ետք իր որդիներուն թող ըլլան, որպէսզի անոնցմով օծուին ու անոնցմով նուիրուին։ **30** Իր որդիներէն ա՛ն որ իր տեղը քահանայ է՝

թող հագնի զանոնք եօթը օր, երբ Հանդիպումի վրանը մտնէ՝ սրբարանին մէջ պաշտօն կատարելու համար: **31** Նուիրումի խոյթ առ ու անոր միսը սուրբ տեղ մը եփէ: **32** Ահարոն եւ իր որդիները թող ուտեն խոյին միսն ու սակառին մէջի հացը՝ Հանդիպումի վրանին մուտքը: **33** Անոնք թող ուտեն այն բաները՝ որոնցմով քաւութիւն եղաւ զիրենք նուիրելու եւ սրբացնելու համար: Օտար մը **անցնցմէ** թող չուտէ, որովհետեւ անոնք սուրբ են: **34** Եթէ նուիրումի միսէն ու հացէն մինչեւ առտու մնայ, այդ մնացածը կրակո՞վ այրէ. ան թող չուտուի, քանի որ սուրբ է:

35 Ահարոնի եւ անոր որդիներուն այսպէս ըրէ, բոլոր քեզի պատուիրածներուն համաձայն: Եօթը օրուան մէջ կատարէ անոնց նուիրումը: **36** Օրը մէկ զուարակ իբր մեղքի պատարագ ընծայէ՝ քաւութեան համար. զոհասեղանը մեղքէ՝ մաքրէ երբ անոր համար քաւութիւն ընես, եւ զայն օծէ՝ սրբացնելու համար: **37** Զոհասեղանին համար եօթը օր քաւութիւն ըրէ, ու զայն սրբացո՞ւր. զոհասեղանը ամենասուրբ պիտի ըլլայ. ինչ որ զոհասեղանին դպչի՝ սուրբ պիտի ըլլայ»:

ԱՍԵՆՈՐԵԱՅ ԸՆԾԱՆԵՐ (Թիւ. 28. 1-8)

38 «Զոհասեղանին վրայ ընծայելիք **զոհդ** սա՛ է.՝ շարունակ՝ ամէն օր՝ մէկ տարեկան երկու գառ. **39** մէկ գառը առտուն ընծայէ, իսկ միւս գառը իրիկուան դէմ ընծայէ: **40** Նաեւ մէկ գառին հետ ընծայէ՝ մէկ տասներորդ ^գնաշի՞ն՝ քառորդ հիմէն ծեծուած իւղով շաղուած, ու թափելիք նուէրին համար՝ քառորդ հիմէն գինի: **41** Միւս գառը իրիկուան դէմ ընծայէ. զայն ընծայէ՝ առտուան **հացի** ընծային պէս եւ անոր թափելիք նուէրին պէս, իբր անուշահոտ պատարագ **Տէրոց**: **42** Ասիկա ծեր սերունդներուն մէջ մշտատեւ ողջակէզ ըլլայ **Տէրոց** առջեւ՝ Հանդիպումի վրանին դրան քով, ուր ծեզի պիտի հանդիպիմ քեզի հետ խօսելու համար: **43** Հոն հսրայէլի որդիներուն պիտի հանդիպիմ, ու **Վրանը** իմ փառքովս պիտի սրբացուի: **44** Հանդիպումի վրանը եւ զոհասեղանը պիտի սրբացնեմ: Ահարոնն ու անոր որդիներն ալ պիտի սրբացնեմ, որպէսզի ինձի քահանայութիւն կատարեն: **45** Հսրայէլի որդիներուն մէջտեղը պիտի բնակիմ եւ անոնց Աստուած պիտի ըլլամ, **46** ու պիտի գիտնան թէ են եմ **Տէրը**՝ իրենց Աստուածը, որ Եգիպտոսի երկրէն հանեցի զիրենք՝ իրենց մէջտեղը բնակելու համար: Են եմ **Տէրը**՝ իրենց Աստուածը»:

ԽՈՒՆԿ ԾԽԵԼՈՒ ԶՈՂԱՍՍԵՂԱՆԸ (Ելք. 37. 25-28)

30

«Խունկ ծխելու զոհասեղան մը շինէ. սատիմի՛ փայտէ շինէ զայն: **2** Անոր երկայնքը կանգուն մը **ըլլայ**, անոր լայնքը՝ կանգուն մը – քառակուսի թող ըլլայ –, եւ անոր բարձրութիւնը՝ երկու կանգուն: Անոր եղջիւները իրմէ **առնուած** ըլլան: **3** Զայն զո՞ւս ոսկիով պատէ – անոր վրան, անոր կողմերը՝ բոլորածեւ, ու անոր եղջիւները –, եւ անոր շուրջը ոսկի շրջանակ՝ մը շինէ: **4** Անոր երկու ոսկի օղակ շինէ՝ անոր շրջանակին տակ, անոր երկու անկիւնները. անոր երկու կողմերուն վրայ շինէ, որպէսզի անոնք **անցընելու** տեղեր ըլլան ծողերուն՝ զայն ասոնցմով կրելու համար: **5** Զողերը սատիմի՛ փայտէ շինէ եւ զանոնք ոսկիո՞վ պատէ: **6** Զայն դի՞ր Վկայութեան տապանակին քով եղող վարագոյրին առջեւ – Վկայութեան վրայ եղող Քաւութեան առջեւ –, ուր են քեզի պիտի հանդիպիմ: **7** Ահարոն անոր վրայ անուշաբոյր խունկ թող ծխէ. ամէն առտու, երբ ճրագները յարդարէ՝

^գ **Այսիհքը**՝ նուրբ ալիւր

խունկ թող ծխէ: **8** Նաեւ իրիկուան դէմ, երբ ճրագները վառէ՝ Ահարոն **խունկ** թող ծխէ, որ Տէրոց առջեւ մշտատեւ խունկ ըլլայ ծեր սերունդներուն մէջ: **9** Անոր վրայ օտար խունկ, կամ ողջակէզ, կամ **հացի** ընծայ մի՛ մատուցանէք. անոր վրայ թափելիք նուէր մի՛ շընծայէք: **10** Ահարոն տարին մէ՛կ անգամ անոր եղջիւրներուն վրայ թող քաւութիւն ընէ. քաւութիւններուն մեղքի պատարագին արիւնով անոր վրայ թող քաւութիւն ընէ տարին մէ՛կ անգամ, ծեր սերունդներուն մէջ: Ասիկա ամենասուրբ է Տէրոց»:

ՏԵՐՈՉ ՆԵՐԿԱՅՈՒԹԵԱՆ ՎՐԱՆԻՆ ՏՈՒՐՁԸ

11 Տէրը խօսեցաւ Մովսէսի՝ ըսելով. **12** «Երբ հսրայէլի որդիներուն գումարը առնես՝ իրենց թուարկումին համեմատ, անոնցմէ իրաքանչիւրը իր անձին փրկանքը թող տայ Տէրոց՝ զանոնք թուարկած ատենդ, որպէսզի անոնց մէջ հարուած չըլլայ երբ զանոնք թուարկես: **13** Անոնք սա՛ թող տան. ամէն մէկը որ կ'անցնի թուարկումէն՝ սրբարանի սիկոյին համեմատ կէս սիկոյ **արծաթ թող տայ:** Մէկ սիկոյը քսան կերատ է. Տէրոց բարձրացնելիք ընծան կէս սիկոյ ըլլայ: **14** Ամէն քսան տարեկանէն վեր եղող՝ որ կ'անցնի թուարկումէն, բարձրացնելիք ընծայ թող տայ Տէրոց: **15** Երբ ծեր անձերուն քաւութիւն ընելու համար Տէրոց բարձրացնելիք ընծան տաք՝ կէս սիկոյէն ո՛չ աւելի թող տայ հարուստը, ո՛չ ալ պակաս՝ չքաւորը: **16** Հսրայէլի որդիներէն ա՛ն քաւութեան արծաթը եւ բյատկացո՛ւր Հանդիպումի վրանին ծառայութեան, որպէսզի Տէրոց առջեւ յիշատակ ըլլայ հսրայէլի որդիներուն՝ ծեր անձերուն քաւութիւն ընելու համար»:

ՊԴԻՆՉԵ ԱԻԱԶԱՆԸ

17 Տէրը խօսեցաւ Մովսէսի՝ ըսելով. **18** «Նաեւ պղինձէ աւագա՞ն մը շինէ լուացումի համար. անոր խարիսխն ալ պղինձէ ըլլայ: Հանդիպումի վրանին եւ զոհասեղանին մէջտե՛ն դիր զայն, ու զո՞ւր լեցուր անոր մէջ: **19** Ահարոն եւ իր որդիները անոր մէջ թող լուան իրենց ձեռքերն ու ոտքերը: **20** Երբ անոնք Հանդիպումի վրանը մտնեն, կամ երբ զոհասեղանին մօտենան՝ պաշտօն կատարելու **եւ** Տէրոց պատարագ մատուցանելու համար, զուրով թող լուացուին՝ որպէսզի չմեռնին: **21** Ուստի իրենց ձեռքերն ու ոտքերը թող լուան, որպէսզի չմեռնին. ասիկա իրենց յափառենական կանոն թող ըլլայ, թէ՛ իրեն եւ թէ՛ իր զարմին՝ իրենց սերունդներուն մէջ»:

ՕԾՈՒՄԻՆ ԻՒՂԸ

22 Տէրը խօսեցաւ Մովսէսի՝ ըսելով. **23** «Ա՛ն քեզի ⁴պատուական բուրաւէտ համեմներ, – զուտ զմուռս՝ հինգ հարիւր **սիկոյ**, անոր կէսին չափ՝ **այսինքն** երկու հարիւր յիսուն **սիկոյ** բուրաւէտ կինամոն, երկու հարիւր յիսուն **սիկոյ** բուրաւէտ խունկեղէգ, **24** հինգ հարիւր **սիկոյ** կասիա՝ սրբարանի սիկոյին համեմատ, ու մէկ հիմէն ծէթ, – **25** եւ սուրբ օծումի ի՞ւղ շինէ զանոնք, ⁵բուրագործի արհեստին համեմատ բաղադրուած օծանելիք մը:

⁴ **Եբր.**՝ թափէք

⁵ **Եբր.**՝ տո՞ւր

⁴ **Եբր.**՝ գլխաւոր

⁵ **Այսինքն**՝ բոյրեր շինողի

Ան սուրբ օծումի իւղ թող ըլլայ, **26** ու անո՞վ օծէ Հանդիպումի վրանը, Վկայութեան տապանակը, **27** սեղանը եւ անոր բոլոր առարկաները, աշտանակն ու անոր առարկաները, խունկին գոհասեղանը, **28** ողջակեզին գոհասեղանը՝ իր բոլոր առարկաներուն հետ, աւագանն ու անոր խարիսխը: **29** Սրբացո՛ւր զանոնք, որպէսզի ամենասուրբ ըլլան. ինչ որ անոնց դպչի՝ սուրբ պիտի ըլլայ: **30** Ահարոն եւ իր որդիները օծէ՛ ու զանոնք սրբացո՛ւր, որպէսզի ինծի քահանայութիւն կատարեն: **31** Խարայէլի որդիներուն ըսէ՛. “Ասիկա ինծի օծումի սուրբ իւղ թող ըլլայ ձեր սերունդներուն մէջ: **32** Զայն մարդու մարմինի վրայ մի՛ թափէք, եւ անոր չափերուն համեմատ անոր նմանը մի՛ շինէք: Ասիկա սուրբ է, **ու** ձեզի սուրբ պիտի ըլլայ: **33** Ո՞վ որ անոր նմանը բաղադրէ, կամ ո՞վ որ անկէ եօտարի վրայ դնէ, իր ժողովուրդէն պիտի բնացնջուի»:

ԽՈՒՆԿԸ

34 Տէրը Մովսէսի ըսաւ. «Ա՞ն քեզի բոյրեր, **այսինքն**^ե ստաշին, եղունգ եւ քաղբան, **այս** բոյրերը՝ զուտ կնդրուկով. ամէն մէկէն՝ հաւասար ծանրութեամբ թող ըլլայ: **35** Անոնցմով խունկ շինէ՛ բուրագործի արհեստին համեմատ բաղադրուած, “իրարու խառնուած”, մաքուր **ու** սուրբ: **36** Անկէ ծեծէ՛ **քիչ մը**^ե շատ մանր, եւ դի՛ր Հանդիպումի վրանին մէջ՝ Վկայութեան առջեւ, ուր ես քեզի պիտի հանդիպիմ: Ան ձեզի ամենասուրբ պիտի ըլլայ:

37 Այդ շինելիք խունկիդ չափերուն համեմատ դուք ձեզի համար մի՛ շինէք. ան քեզի սուրբ պիտի ըլլայ, Տէրոց **նուիրուած**: **38** Ո՞վ որ հոտոտելու համար անոր նմանը շինէ, իր ժողովուրդէն պիտի բնացնջուի»:

ՏԵՐՈՉ ՆԵՐԿԱՅՈՒԹԵԱՆ ՎՐԱՆԻՆ ՊԱՇՏՈՆԵԱՆԵՐԸ

(Ելք. 35. 30-36. 1)

31

Տէրը խօսեցաւ Մովսէսի՝ ըսելով. **2** «Ահա՛ Յուղայի տոհմէն Ովրի որդիին Ուրիի որդին՝ Բեսելիէլը **իր** անունով կանչեցի, **3** եւ Աստուծոյ Հոգիով լեցուցի զայն՝ իմաստութեամբ, հանճարով ու գիտութեամբ, ամէն **տեսակ** գործի համար, **4** որպէսզի հնարքներ ամտածելով՝ ոսկի, արծաթ եւ պղինձ գործածէ, **5** ագուցանելու համար քարեր տաշէ, փայտ քանդակէ, ու ամէն տեսակ գործ կատարէ: **6** Եւ ահա՛ Դանի տոհմէն Աքիսամայի որդին՝ Ոհողիաբը տուի անոր հետ: Ամէն իմաստունի սիրտին մէջ իմաստութիւն դրի, որպէսզի բոլոր քեզի պատուիրածներս ընեն. — **7** Հանդիպումի վրանը, Վկայութեան տապանակն ու անոր վրայ եղող Քաւութիւնը, վրանին բոլոր առարկաները, **8** սեղանը եւ անոր առարկաները, մաքուր աշտանակը՝ իր բոլոր առարկաներով, խունկին գոհասեղանը **9** ողջակեզին գոհասեղանը՝ իր բոլոր առարկաներով, աւագանը եւ անոր խարիսխը, **10** պաշտամունքին հագուստները, Ահարոն քահանային սուրբ հագուստներն ու անոր որդիներուն հագուստները՝ քահանայութիւն կատարելու համար, **11** եւ օծումի իւղն ու սրբարանին համար անուշաբոյր խունկը: Թող ընեն՝ բոլոր քեզի պատուիրածներուն համաձայն»:

^ե **Այսինքն**^ե Ահարոնի զարմէն չեղողի

^գ **Կամ** աղուած

^ա **Եբբ.**՝ հնարելով

12 Տէրը խօսեցաւ Մովսէսի՝ ըսելով. **13** «Խօսէ՛ հսրայէլի որդիներուն եւ ըսէ՛. “Անշո՛ւտ իմ Շաբաթներս պիտի պահէք. որովհետեւ այս նշան մըն է իմ ու ձեր միջեւ՝ ձեր սերունդներուն մէջ, որպէսզի գիտնաք թէ ձեզ սրբացնող Տէրը ե՞ս եմ: **14** Ուստի Շաբաթը պահեցէ՛ք, քանի որ ան ձեզի սուրբ է. ո՞վ որ զայն պղծէ՛՝ **անշո՛ւտ** պիտի մեղցուի. արդարեւ ո՞վ որ այդ օրը գործ մը ընէ, այդ անձը իր ժողովուրդին մէշէն պիտի բնացնցուի: **15** Վե՛ց օր գործ ըրէք, բայց եօթներորդ օրը՝ հանգստի Շաբաթը՝ սուրբ պիտի ըլլայ Տէրոց: Ո՞վ որ Շաբաթ օրը գործ մը ընէ, **անշո՛ւտ** պիտի մեղցուի: **16** Իսրայէլի որդիները Շաբաթը թող պահեն, որպէսզի իրենց սերունդներուն մէջ Շաբաթը կատարեն **իբր** յափառենական ուխտ: **17** Ան յափառենական նշան մըն է իմ եւ իսրայէլի որդիներուն միջեւ. քանի որ Տէրը վեց օրուան մէջ բատեղծեց երկինքն ու երկիրը, եւ եօթներորդ օրը դադրեցաւ ու հանգստացաւ»:

18 Երբ Սինա լերան վրայ Մովսէսի հետ խօսիլը աւարտեց, Վկայութեան երկու տախտակները տուաւ անոր, քարէ տախտակներ՝ Աստուծոյ մատով գրուած:

ՈՍԿԻ ՀՈՐԹԸ

(Բ. Օր. 9. 6-29)

32

Երբ ժողովուրդը տեսաւ թէ Մովսէս կը յամենար լեռնէն իջնելու, ժողովուրդը Ահարոնի քով համախմբուեցաւ եւ անոր ըսաւ. «Կանգնէ՛, մեզի աստուածներ շինէ՛ որ մեր առջեւէն երթան, քանի որ այդ Մովսէսը՝ մեզ Եգիպտոսի երկրէն բարձրացնող մարդը՝ չենք գիտեր թէ ի՛նչ եղաւ անոր»: **2** Ահարոն անոնց ըսաւ. «Զեր կիներուն, որդիներուն եւ աղջիկներուն ականջները եղած ոսկի օղերը աղջիկնեցէ՛ք ու ինծի՛ բերէք»: **3** Ամբողջ ժողովուրդը՝ իրենց ականջները եղած օղերը հանեցին եւ Ահարոնի բերին: **4** Ան ալ առաւ անոնց ձեռքէն, բուրով մը ձեւաւորեց ու ձուլածոյ հորթ մը շինեց: Եւ ըսին. «Ո՞վ իսրայէլ, ասո՞նք են քու աստուածներդ՝ որ քեզ Եգիպտոսի երկրէն բարձրացուցին»: **5** Երբ Ահարոն տեսաւ **ասիկա**, անոր առջեւ զոհասեղան մը կառուցանեց, ու Ահարոն գոչել տուաւ. «Վաղը տօն է Տէրոց»: **6** Հետեւեալ օրը՝ կանուխ ելան, եւ ողջակէզներ մատուցանեցին ու խաղաղութեան **զոհեր** բերին. ապա ժողովուրդը նստաւ ուտելու եւ խմելու, ու կանգնեցան գրունելու:

7 Տէրը Մովսէսի ըսաւ. «Գնա՛, իշի՛ր, որովհետեւ ապականեցաւ քու ժողովուրդդ՝ որ Եգիպտոսի երկրէն բարձրացուցիր. **8** անոնք շուտով շեղեցան այն ճամբայէն՝ որ իրենց պատուիրեցի: Իրենց ձուլածոյ հորթ շինեցին եւ անոր երկրագեցին. անոր զոհեցին ու ըսին. «Ո՞վ իսրայէլ, ասո՞նք են քու աստուածներդ՝ որ քեզ Եգիպտոսի երկրէն բարձրացուցին»: **9** Եւ Տէրը Մովսէսի ըսաւ. «Ես այս ժողովուրդը տեսայ, եւ ահա՛ ան խստապարանոց ժողովուրդ մըն է. **10** Ուստի հիմա ձգէ՛ զիս՝ որ իմ բարկութիւնս անոնց դէմ բորբոքի եւ սպառեմ զանոնք, ու քեզ մեծ ազգ մը պիտի ընեմ»: **11** Բայց Մովսէս

^բ Երբ.՝ ըրաւ

^գ Երբ.՝ շունչ առաւ

^ա Երբ.՝ կոտրեցէ՛ք

^բ Կամ՝ քանդակագործի գրիչով

Տէրոց՝ իր Աստուծոյն պաղատեցաւ՝ ըսելով. «Ո՞վ Տէր, ինչո՞ւ քու բարկութիւնդ բորբոքի քու ժողովուրդիդ դէմ, որ Եգիպտոսի Երկրէն հանեցիր մեծ կարողութեամբ եւ ուժեղ ձեռքով։ **12** Ինչո՞ւ Եգիպտացիները խօսին ու ըսեն. “Զարիքի համար հանեց զանոնք, որպէսզի լեռներուն մէջ մեոցնէ եւ զանոնք Երկրագունդի մակերեսէն սպառէ՛։ Կասեցուր քու բորբոքած բարկութիւնդ ու հրաժարէ՛ այս չարիքը քու ժողովուրդիդ վրայ բերել։ **13** Յիշէ՛ քու ծառաներոյ Աբրահամը, Իսահակը եւ Իսրայէլը, որոնց քու անձովդ Երդում ըրիր, ու ըսիր անոնց. “Զեր զարմը Երկինքի աստղերուն պէս պիտի բազմացնեմ, եւ այս ամբողջ Երկիրը՝ որուն մասին խօսեցայ, ծեր զարմին պիտի տամ ու **զայն** պիտի ժառանգեն յափտենապէս՛։ **14** Եւ Տէրը հրաժարեցաւ այն չարիքէն, որուն համար ըսեր էր թէ իր ժողովուրդին պիտի ընէ։

15 Մովսէս դարձաւ ու լեռնէն իջաւ. Վկայութեան Երկու տախտակները իր ձեռքն էին. Տախտակներուն Երկու կողմերը գրուած էին. անոնք **թէ՛** մէկ կողմէն եւ **թէ՛** միւս կողմէն գրուած էին։ **16** Տախտակները Աստուծոյ գործն էին. գրութիւնը Աստուծոյ գրութիւնն էր, տախտակներուն վրայ փորագրուած։ **17** Երբ Յետու գոռացող ժողովուրդին գոչիւնը լսեց, Մովսէսի ըսաւ. «Բանակավայրին մէջ պատերազմի աղմուկ կայ»։ **18** Իսկ ան ըսաւ. «Ասիկա “յաղթողներու կանչի” աղմուկ չէ, ո՞չ ալ “յաղթուածներու կանչի” աղմուկ է. հապա ես “իսմբերգի ծայն կը լսեմ»։ **19** Երբ Մովսէս՝ բանակավայրին մօտենալով՝ տեսաւ հորթն ու պարերը, բարկութիւնը բորբոքեցաւ, տախտակները իր ձեռքն նետեց եւ լերան ստորոտը կոտրտեց զանոնք։ **20** Յետոյ անոնց շինած հորթը առաւ, կրակով այրեց, մանր աղաց, ապա ջուրին վրայ ցանեց եւ Իսրայէլի որդիներուն խմցուց։

21 Մովսէս Ահարոնի ըսաւ. «Այս ժողովուրդը ի՞նչ ըրաւ քեզի, որ անոր վրայ **այսչափ** մեծ մեղք մը բերիր»։ **22** Ահարոն ըսաւ. «Իմ տիրոջս բարկութիւնը թող չքորբոքի. դուն կը ճանչնաս այս ժողովուրդը, որ չարին **հակամէտ է**։ **23** Ինծի ըսին. “Մեզի աստուածներ՝ շինէ՛ որպէսզի մեր առջեւէն Երթան, քանի որ այդ Մովսէսը՝ մեզ Եգիպտոսի Երկրէն բարձրացնող մարդը՝ չենք գիտեր թէ ի՞նչ եղաւ անոր»։ **24** Ես ալ ըսի անոնց. “Ո՞վ որ ուկի ունի՝ թող հանէ՛: Բերին ինծի, ու ես կրակը ծգեցի զայն, եւ այս հորթը դուրս ելաւ»։

25 Երբ Մովսէս ժողովուրդին Կանառակութիւնը տեսաւ, (որովհետեւ Ահարոն թողուցած էր զանոնք՝ որ անառակութիւն ընեն), իրենց թշնամիներուն մէջ խայտառակ ըլլալու չափ,) **26** Մովսէս բանակավայրին դուռը կայնեցաւ եւ ըսաւ. «Ո՞վ որ Տէրոց կողմէն է, ինծի **թող գայ**»։ Ների բոլոր որդիները անոր քով հաւաքուեցան։ **27** Անոնց ըսաւ. «Տէրը՝ Իսրայէլի Աստուածը սա՛ կը յայտարարէ. “Իւրաքանչիւրը իր սուրը ազդրին վրայ թող դնէ, բանակավայրին մէջ դռնէ դուռ անցնի ու վերադառնայ, եւ իւրաքանչիւրը իր եղբայրը, իւրաքանչիւրը իր ընկերը եւ իւրաքանչիւրը իր հարեւանը մեոցնէ՛»։ **28** Ների որդիները Մովսէսի խօսքին համաձայն ըրին, ու այդ օրը ժողովուրդէն Երեք հազար մարդու չափ ինկաւ։ **29** Արդարեւ Մովսէս ըսեր էր. «Այսօր դուք ձեզ Տէրո՞ց նուիրեցէք, իւրաքանչիւրը

^գ **Երբ.**՝ Երեսին պաղատեցաւ

^Դ **Կամ** գօրութեան պատասխանի

^Ե **Կամ** տկարութեան պատասխանի

^Գ **Երբ.**՝ պատասխանելով **Երգի**

^Հ **Կամ** մերկ ըլլալը

^Ա **Կամ** մերկացուցած էր զանոնք

Յոյնիսկ զոհելով իր որդին եւ իր եղբայրը, որպէսզի ձեզի օրհնութիւն տայ այսօր»»:

30 Հետեւեալ օրը՝ Մովսէս ժողովուրդին ըսաւ. «Դուք մեծ մեղք գործեցիք. հիմա Տէրոց քով պիտի բարձրանամ, թերեւս քաւութիւն մը ընեմ ձեր մեղքին համար»։ **31** Մովսէս Տէրոց վերադարձաւ ու ըսաւ. «Ո՞հ, այս ժողովուրդը մեծ մեղք մը գործեց՝ իրեն ոսկիէ աստուածներ շինելով։ **32** Իսկ հիմա եթէ անոնց մեղքերը ներես՝ **Աերէ**. եթէ ոչ՝ կ'աղերսեմ, ջնջէ՛ զիս քու գրած գիրքէդ»։ **33** Տէրը Մովսէսի ըսաւ. «Ո՞վ որ ինձի դէմ մեղանչեց, զայն իմ գիրքէս պիտի ջնջեմ։ **34** Ուստի հիմա գնա՛, ժողովուրդը առաջնորդէ՛ այն տեղը՝ որ քեզի ըսի։ Ահա՛ իմ հրեշտակս քու առջեւէդ պիտի երթայ. բայց իմ այցելութեանս օրը՝ անոնց մեղքը պիտի հատուցանեմ իրենց»։ **35** Եւ Տէրը ժողովուրդը հարուածեց, քանի որ Ահարոնի շինած հորթը շինած էին։

ԱՍՏՈՒԱԾ ԿԸ ՀՐԱՄԱՅԷ ԻՄՐԱՅԷԼԻ ԹՈՂՈՒԼ ՍԻՆԱ ԼԵՈԸ

33

Տէրը Մովսէսի ըսաւ. «Վե՛ր ելիր ասկէ, դուն ու ժողովուրդը որ Եգիպտոսի երկրէն բարձրացուցիր, եւ գնա՛ այն երկիրը, որ երդումով **խոստացայ** Աբրահամի, Իսահակի ու Յակոբի՝ ըսելով։ «Թու զարմիդ պիտի տամ զայն»։ **2** Թու առջեւէդ հրեշտակ մը պիտի դրկեմ եւ Զանանացին, Ամորհացին, Զետացին, Փերեզացին, Խեւացին ու Յեբուսացին պիտի վոնտեմ։ **3** **Բարձրացի՛ր** կաթ ու մեղր հոսեցնող երկիրը. բայց ես «ձեզի հետ» պիտի չբարձրանամ, որպէսզի քեզ ճամբան չսպառեմ, քանի որ դուն խստապարանոց ժողովուրդ մըն ես»։

4 Երբ ժողովուրդը այս չարագուշակ լուրը լսեց՝ սփաց, եւ ո՛չ մէկը իր զարդերը իր վրայ դրաւ։ **5** Տէրը ըսած էր Մովսէսի. «Ըսէ՛ Իսրայէլի որդիներուն. «Դուք խստապարանոց ժողովուրդ մըն էք. եթէ վայրկեան մը քու մէջդ բարձրանամ, քեզ պիտի սպառեմ. ուստի հիմա քու վրայէդ վերցո՛ր զարդերդ, որպէսզի գիտնամ թէ ի՞նչ պիտի ընեմ քեզի»։ **6** Ուստի Իսրայէլի որդիները իրենց զարդերը հանեցին Զորեք լերան քով։

ՏԵՐՈՉ ՆԵՐԿԱՅՈՒԹԵԱՆ ԽՈՐԱՆԸ

7 Մովսէս առաւ վրանը ու բանակավայրէն դուրս լարեց զայն, բանակավայրէն հեռու, եւ Հանդիպումի վրան կոչեց զայն։ Ո՞վ որ Տէրը կը բխնդրէր, դուրս կ'ելլէր դէպի Հանդիպումի վրանը՝ որ բանակավայրէն դուրս էր։ **8** Երբ Մովսէս դուրս կ'ելլէր՝ դէպի վրանը, ամբողջ ժողովուրդը ոտքի կ'ելլէր, իւրաքանչիւրը իր վրանին մուտքը կը կայնէր ու Մովսէսի ետեւէն կը նայէր, մինչեւ որ ան վրանը մտնէր։ **9** Երբ Մովսէս վրանը մտնէր, ամպի սիւնը կ'իջնէր եւ վրանին մուտքը կը կենար, ու **Տէրը** Մովսէսի հետ կը խօսէր։ **10** Ամբողջ ժողովուրդը կը տեսնէր թէ ամպի սիւնը վրանին մուտքը կեցած է. ամբողջ ժողովուրդը ոտքի կ'ելլէր եւ իւրաքանչիւրը կ'երկրպագէր՝ իր վրանին մուտքը։ **11** Տէրը կը խօսէր Մովսէսի հետ՝ երես առ երես, ինչպէս մարդ մը իր բարեկամին հետ կը խօսի. ապա **Մովսէս** բանակավայրը կը վերադառնար։ Բայց անոր սպասարկուն, Նաւէի որդին՝ Յեսու Երիտասարդը, վրանէն չէր հեռանար։

ՏԵՐԸ ԿԸ ԽՈՍՏԱՆԱՅ ԻՐ ԺՈՂՈՎՈՒՐԴԻՆ ՀԵՏ ԸԼԼԱԸ

^ա **Երբ.**՝ ձեր մէջ

^բ **Երբ.**՝ փնտոէր

12 Մովսէս Տէրոց ըսաւ. «Նայէ՛, դուն ինծի կ'ըսես. “Բարձրացո՛ր այս ժողովուրդը”.

բայց դուն ինծի չգիտցուցիր թէ ո՛վ ինծի հետ պիտի դրկես: Սակայն ըսիր. “Զեզ անունովդ կը ճանչնամ”.

նաեւ. “Իմ ^գառջեւս շնորհք գտար”: **13** Ուստի հիմա կ'աղերսե՛մ, եթէ քու առջեւդ շնորհք գտայ, ^Դուցո՛ր ինծի քու ճամբադ, կ'աղերսե՛մ, որ ճանչնամ քեզ, որպէսզի քու առջեւդ շնորհք գտնեմ. եւ ^Եյիշէ՛ թէ այս ազգը քո՛ւ ժողովուրդի է»:

14 Ան ըսաւ. «Իմ ներկայութիւնս **քեզի հետ** պիտի երթայ, ու քեզ պիտի հանգստացնեմ»:

15 **Մովսէս** անոր ըսաւ. «Եթէ քու ներկայութիւնդ **մեզի հետ** չերթայ, մեզ ասկէ մի՛ հաներ: **16** Արդարեւ ի՞նչպէս պիտի գիտցուի թէ ես եւ քու ժողովուրդը քու առջեւդ շնորհք գտանք. միթէ քու մեզի հետ երթալովդ չէ՛: Այսպէս՝ ես ու քու ժողովուրդը երկրագունդի մակերեսին վրայ եղող բոլոր ժողովուրդներէն պիտի զատորոշուինք»:

17 Տէրը Մովսէսի ըսաւ. «Այս բանն ալ պիտի ընեմ՝ որ դուն ըսիր, որովհետեւ իմ առջեւս շնորհք գտար ու ես քեզ անունովդ կը ճանչնամ»:

18 Մովսէս ըսաւ. «Կ'աղերսե՛մ, քու փա՛ռքդ ցոյց տուր ինծի»:

19 **Տէրը** ըսաւ. «Իմ ամբողջ բարութիւնս քու առջեւէդ պիտի անցընեմ, ու **Տէրոց** անունը քու առջեւդ պիտի կանչեմ. անո՛ր որ պիտի ողորմիմ՝ կ'ողորմիմ, եւ անո՛ր վրայ որ պիտի գթամ՝ կը գթամ»:

20 Նաեւ աւելցուց. «Դուն երեսս չես կրնար տեսնել. որովհետեւ ո՛չ մէկ մարդ կրնայ զիս տեսնել ու ողջ մնալ»:

21 **Տէրը** ըսաւ. «Ահա՛ քովս տեղ մը կայ. վէմի՛ն վրայ կայնէ: **22** Երբ իմ փառքս անցնի, քեզ վէմին ծակին մէջ պիտի դնեմ եւ քեզ ափովս պիտի ծածկեմ, մինչեւ որ ես անցնիմ: **23** Յետոյ ափս պիտի վերցնեմ, ու իմ ետեւէս պիտի տեսնես. բայց երեսս պիտի չտեսնուի»:

ԵՐԿՐՈՐԴ ՋԱՐԷ ՏԱԽՏԱԿՆԵՐԸ

(Բ. Օր. 10. 1-5)

34

Տէրը Մովսէսի ըսաւ. «Զեզի երկո՛ւ քարէ տախտակ կոփէ՛ առաջիններուն պէս, եւ **այդ** տախտակներուն վրայ պիտի գրեմ քու կոտրտած առաջին տախտակներուդ վրայի խօսքերը: **2** **Վաղը** առտուն պատրա՞ստ եղիր, առտուն **կանուխ** բարձրացի՛ր Սինա լեռը, ու հոն՝ լերան գագաթը՝ առջե՞ս կայնէ: **3** Ո՛չ մէկը թող բարձրանայ քեզի հետ, եւ ո՛չ մէկը թող տեսնուի ամբողջ լերան վրայ, ո՛չ ալ այդ լերան աստորոտը ոչխար կամ արջառ թող արածի»:

4 Մովսէս երկու քարէ տախտակ կոփեց՝ առաջիններուն պէս. առտուն՝ կանուխ ելաւ, ու երկու քարէ տախտակները իր ձեռքը առնելով՝ Սինա լեռը բարձրացաւ, ինչպէս **Տէրը** իրեն պատուիրեր էր: **5** **Տէրը** ամպով իջաւ, եւ հոն կեցաւ՝ անոր քով. ու **Տէրոց** անունը կանչեց: **6** **Տէրը** անոր առջեւէն անցաւ, եւ գոչեց. «**Տէ՛րը**, **Տէ՛րը**, Աստուած գթած ու ողորմած, համբերատար եւ առատաձեռն՝ կարեկցութեամբ ու ճշմարտութեամբ, **7** որ կարեկցութիւնը հազարներուն կը պահէ, անօրէնութիւնը, յանցանքը եւ մեղքը կը ներէ. բայց **յանցաւորը** ամենեւին անպատիժ չի թողուր, **հապա** հայրերուն անօրէնութիւնը կը հատուցանէ որդիներուն ու որդիներուն որդիներուն, մինչեւ երրորդ եւ չորրորդ **սերունդը**»:

8 Մովսէս շտապելով մինչեւ գետին խոնարհեցաւ ու երկրպագեց, **9** եւ ըսաւ. «Ո՛վ **Տէր**, եթէ այժմ

^գ **Եբր.**՝ աչքերուս

^Դ **Եբր.**՝ գիտցո՛ր

^Ե **Եբր.**՝ տե՛ս

^Ա **Եբր.**՝ դիմաց

բացեւդ շնորհը գտայ, կ'աղերսեմ, իմ Տէրս մեզի հետ թող երթայ, «որովհետեւ ասիկա խստապարանց ազգ մըն է. Աերէ՛ մեր անօրէնութիւնն ու մեր մեղքերը, եւ մեզ քու ժառանգութիւնն ըրէ»:

ՈՒԽՏԸ ԿԸ ՆՈՐՈԳՈՒԻ
(Ելք. 23. 14-19, Բ. Օր. 7. 1-5, 16. 1-17)

10 Տէրը ըսաւ. «Ահա՛ ես ուխտ մը կը կնքեմ: Զու ամբողջ ժողովուրդիդ առցեւ այնպիսի սքանչելիքներ պիտի ընեմ, որ ամբողջ երկրի վրայ ու բոլոր ազգերուն մէջ չեն եղեր: Ամբողջ ժողովուրդը, որուն մէջ **ես** դուն, պիտի տեսնէ Տէրոց գործը, որովհետեւ ահաւոր է այն **բանը՝** որ քեզի պիտի ընեմ: **11 Մի՛տքդ** պահէ ինչ որ քեզի կը պատուիրեմ այսօր: Ահա՛ պիտի վոնտեմ քու առցեւէդ Ամորհացին, Թանանացին, Թետացին, Փերեզացին, Խեւացին եւ Յերուսացին: **12 Զգուշացի՛ր** դուն քեզի, որ քու գացած երկրիդ բնակիչներուն հետ ուխտ չկնքես, որպէսզի ան քու մէջդ որոգայթ չըլլայ: **13 Անոնց** բագինները փլցուցէ՛ք, արձանները կոտրտեցէ՛ք, եւ Դաստարովթները կտրեցէ՛ք: **14 Արդարեւ** ուրիշ աստուծոյ մի՛ երկրպագեր, քանի որ Եհովան «Նախանձախնդիր» կը կոչուի **ու** նախանձախնդիր Աստուած է: **15 Այդ** երկրին բնակիչներուն հետ ուխտ մի՛ կնքեր, որպէսզի երբ անոնք իրենց աստուածներուն հետ պոռնկին եւ իրենց աստուածներուն գոհեն, քեզ չկանչեն ու դուն անոնց գոհէն չուտես: **16 Անոնց** աղջիկներէն քու որդիներուդ **կից** մի՛ առներ, որպէսզի երբ անոնց աղջիկները իրենց աստուածներուն հետ պոռնկին, քու որդիներուդ **ալ** պոռնկիլ չտան՝ իրենց աստուածներուն հետ: **17 Զուզածոյ** աստուածներ մի՛ շիներ դուն քեզի:

18 Կատարէ՛ Բաղարջակերքի տօնը. Ապիաւ ամսուան մէջ՝ **սահմանուած** ատենին, ինչպէս քեզի պատուիրեցի՝ եօթը օր բաղարջ կեր. որովհետեւ Ապիաւ ամսուան մէջ Եգիպտոսէն ելար:

19 Ամէն մօր արգանդ բացող իմս է. նաեւ քու խաշինքէդ ամէն արու առջինեկը, թէ՛ եզ ըլլայ եւ թէ՛ ոչխար, **իմս է:** **20 Բայց** իշուն առջինեկը գառո՛վ փրկէ. եթէ չփրկես, անոր ծոծրակը կոտրէ: Զու որդիներուդ ամէն անդրանիկը փրկէ՛. ո՛չ մէկը իմ առցեւս պարապ ձեռքով թող երեւնայ:

21 Վե՛ց օր գործէ, բայց եօթներորդ օրը հանգստացի՛ր. թէ՛ վարուցանի եւ թէ՛ հունձքի ատեն հանգստացի՛ր:

22 Կատարէ՛ Շաբաթներու **տօնը, այսինքն** ցորենի երախայրիքին Հունձքի տօնը, ու Բերքի տօնը՝ տարուան վախճանը:

23 Զեր բոլոր արուները տարին երեք անգամ թող երեւնան **Տէրոց՝** Եհովայի, Խրայէլի Աստուծոյն առցեւ: **24 Արդարեւ** քու առցեւէդ ազգերը պիտի վտարեմ ու քու հողամասդ պիտի ընդարձակեմ. եւ ո՛չ մէկը քու երկրիդ պիտի ցանկայ, երբ տարին երեք անգամ բարձրանաս որ **Տէրոց՝** քու Աստուծոյդ առցեւ երեւնաս:

25 Իմ գոհերս խմորեալ **հացով** մի՛ մատուցաներ», ու Զատիկի տօնին գոհը մինչեւ առտու թող չմնայ: **26 Զու** հողիդ առաջին երախայրիքը բեր **Տէրոց՝** քու Աստուծոյդ տունը:

^բ Երք.՝ աչքերուդ

^գ Կամ՝ թէեւ

^դ Այսինքն՝ Թանանացիներու չաստուածուհիին նուիրուած ցիցերը

^ե Երք.՝ գոհերուս արիւնը խմորեալ հացի վրայ մի՛ թափեր

Ուզ իր մօր կաթին մէջ մի՛ եփեր»:

27 Տէրը Մովսէսի ըսաւ. «Գրէ՛ այս խօսքերը. որովհետեւ այս խօսքերուն համաձայն քեզի հետ ու հսրայէլի հետ ուստ կնքեցի»: **28** Եւ ան հոն կեցաւ՝ Տէրոց հետ, քառասուն օր ու քառասուն գիշեր: Ո՛չ հաց կերաւ, ո՛չ ալ ջուր խմեց: Տախտակներուն վրայ ուստին խօսքերը գրեց, **այսինքն՝** տասը պատուիրանները:

ՍՈՎԱԷՍ Կ'ԻՁՆԷ ՍԻՆԱ ԼԵՌՆԷՆ

29 Երբ Մովսէս Սինա լեռնէն իջաւ, – Վկայութեան երկու տախտակները Մովսէսի ձեռքն էին լեռնէն իջած ատենը –, Մովսէս չէր գիտեր թէ իր երեսին մորթը լուսափայլ եղած էր մինչ **Տէրը** իրեն հետ կը խօսէր: **30** Ահարոն ու հսրայէլի բոլոր որդիները տեսան Մովսէսը, եւ ահա՛ անոր երեսին մորթը լուսափայլ էր. ուստի անոր մօտենալու վախցան: **31** Բայց Մովսէս կանչեց զանոնք. Ահարոն ու համայնքին բոլոր իշխանները վերադարձան անոր, եւ Մովսէս խօսեցաւ անոնց հետ: **32** Անկէ ետք հսրայէլի բոլոր որդիները մօտեցան, ու պատուիրեց անոնց ամէն ինչ որ **Տէրը** խօսեր էր իրեն Սինա լերան վրայ: **33** Մովսէս **մինչեւ** անոնց հետ խօսիլը աւարտելը՝ իր երեսը քող դրաւ: **34** Բայց երբ Մովսէս **Տէրոց** առցեւ մտնէր՝ անոր հետ խօսելու համար, մինչեւ դուրս ելլելը՝ քողը կը վերցնէր. յետոյ դուրս կ'ելլէր ու իրեն պատուիրուածը հսրայէլի որդիներուն կը խօսէր: **35** Հսրայէլի որդիները Մովսէսի երեսին **ճայելով** կը տեսնէին թէ Մովսէսի երեսին մորթը լուսափայլ էր: Ուստի Մովսէս իր երեսը քողով կը ծածկէր մինչեւ մտնելը՝ անոր հետ խօսելու համար:

ԾԱԲԱԹԻՆ ՀԱՄԱՐ ԿԱՐԳԱԴՐՈՒԹԻՒՆՆԵՐ

35

Մովսէս հսրայէլի որդիներուն ամբողջ համայնքը համախմբեց եւ անոնց ըսաւ. «Ահա՛ ասիկ այն խօսքերը որ **Տէրը** պատուիրեց, որպէսզի զանոնք գործադրէք: **2** Վե՛ց օր գործ ըրէք, բայց եօթներորդ օրը սուրբ պիտի ըլլայ ձեզի, **այսինքն՝** հանգիստի Շաբաթ՝ **Տէրոց նուիրուած:** Ո՛վ որ այդ **օրը** գործ մը ընէ՛ պիտի մեռցուի: **3** Շաբաթ օրը ձեր բոլոր բնակարաններուն մէջ կրակ մի՛ վառէք»:

ՍՈՒՐԲ ԽՈՐԱՆԻՆ ԸՆԾԱՆԵՐԸ

(Ելք. 25. 1-9)

4 Մովսէս հսրայէլի որդիներուն ամբողջ համայնքին խօսեցաւ՝ ըսելով. «Ահա՛ ասիկ ինչ որ **Տէրը** պատուիրեց. **5** “Զեր մէջէն բարձրացնելիք ընծայ առէք Տէրոց: Ո՛վ որ սիրտով կը յօժարի՝ թող բերէ **Տէրոց** բարձրացնելիք ընծան...— ոսկի, արծաթ եւ պղինձ, **6** կապուտակ, ծիրանի ու կրկնակի կարմիր, բարակ քթան եւ այծի մազ, **7** կարմիր ներկուած խոյի մորթեր, իշղարի մորթեր ու սատիմի փայտեր, **8** լուսակալին համար իւղ, օծումի իւղին եւ անուշաբոյր խունկին համար համեմներ, **9** եղնգնաքարեր ու եփուտին եւ լանջապանակին վրայ ագուցանուելիք քարեր□»:

ՏԵՐՈՉ ՆԵՐԿԱՅՈՒԹԵԱՆ ՎՐԱՆԻՆ ԱՊԱՐԿԱՆԵՐԸ

(Ելք. 39. 32-43)

10 «Զեր մէջ ամէն սիրտով իմաստուն թող գայ ու **Տէրոց** բոլոր պատուիրած բաները շինէ. — **11** խորանը, անոր վրանը եւ ծածքը, անոր ճարմանդները, տախտակները, նիգերը,

սիւներն ու խարիսխները. **12** տապանակն ու ծողերը, քաւութիւնը եւ ծածկող վարագոյրը. **13** սեղանը, անոր ծողերն ու բոլոր առարկաները, առաջադրութեան հացը. **14** նաեւ լուսակալին աշտանակը, անոր առարկաները, անոր ճրագներն ու լուսակալին իւլը. **15** խունկին զոհասեղանը եւ անոր ծողերը. օծումի իւղն ու անուշաբոյր խունկը. մուտքի վարագոյր՝ խորանի մուտքին համար. **16** ողջակէզին զոհասեղանը եւ անոր պղինձէ ցանցակերպ կասկարան, անոր ծողերն ու բոլոր առարկաները. աւազանը եւ անոր խարիսխը. **17** սրահին վարագոյրները, անոր սիւներն ու խարիսխները եւ սրահին դրան վարագոյրը. **18** խորանին ցիցերը, սրահին ցիցերն ու անոնց չուանները. **19** պաշտամունքին հագուստները՝ սրբարանին մէջ պաշտօն կատարելու համար. **եւ** Ահարոն քահանային սուրբ հագուստներն ու անոր որդիներուն հագուստները, որպէսզի քահանայութիւն կատարեն»:

ԺՈՂՈՎՈՒՐԴԸ ԿԸ ԲԵՐԵ ԻՐ ԸՆԾԱՆԵՐԸ

20 Իսրայէլի որդիներուն ամբողջ համայնքը Մովսէսի առջեւէն դուրս ելաւ: **21** Բոլոր պատրաստակամ սիրտ ունեցողներն ու բոլոր հոգիով յօժարողները եկան եւ Տէրոց բարձրացնելիք ընծայ բերին Հանդիպումի վրանին գործին համար, անոր ամբողջ ծառայութեան համար ու սուրբ հագուստներուն համար: **22** Թէ՛ այր մարդիկ եւ թէ կիներ եկան, որքան որ սիրտով յօժարող կար, **ու** բերին օղակներ, օղեր, մատանիներ, սմանեակներ, ամէն տեսակ ոսկիէ իրեր: Ամէն ընծայ բերող՝ ոսկիէ երեցնելիք ընծայ բերաւ Տէրոց: **23** Ամէն մարդ, որուն քով կը գտնուէր կապուտակ, ծիրանի եւ կրկնակի կարմիր, բարակ քթան ու այծի մազ, կարմիր ներկուած խոյի մորթեր եւ իշղարի մորթեր, բերաւ զանոնք: **24** Ամէն արծաթէ ու պղինձէ բարձրացնելիք ընծայ մատուցանող՝ բարձրացնելիք ընծայ բերաւ Տէրոց: Որո՞ւն քով որ ծառայութեան ամէն գործին պիտանի սատիմի փայտ կը գտնուէր՝ բերաւ: **25** Սիրտով իմաստուն բոլոր կիները՝ իրենց ծեռքերով մանեցին, եւ իրենց մանած կապուտակը, ծիրանին, կրկնակի կարմիրն ու բարակ քթանը բերին: **26** Պատրաստակամ սիրտ եւ իմաստութիւն ունեցող բոլոր կիները՝ այծի մազ մանեցին: **27** Իշխանները եղնգնաքարեր ու եփուտին եւ լանջապանակին համար ագուցանուելիք քարեր բերին, **28** նաեւ բուրաւէտ համեմներ ու իւղ՝ լուսակալին համար, օծումի իւղին համար եւ անուշաբոյր խունկին համար: **29** Իսրայէլի որդիները յօժարակամ ընծայ բերին Տէրոց – ամէն մարդ կամ կին, որ յօժար սիրտ ունէր բերելու ամէն տեսակ գործի համար, որ Տէրը Մովսէսի միջոցով պատուիրեր էր՝ որպէսզի շինուի:

ՏԷՐՈՉ ՆԵՐԿԱՅՈՒԹԵԱՆ ՎՐԱՆԻՆ ԳՈՐԾԱԽՈՐՆԵՐԸ

(Ելք. 31. 1-11)

30 Մովսէս իսրայէլի որդիներուն ըսաւ. «Ահա՛ Տէրը Յուդայի տոհմէն Ովրի որդիին Ուրիի որդին՝ Բեսելիէլը կանչեց, **31** եւ Աստուծոյ Հոգիով լեցուց զայն՝ իմաստութեամբ, հանճարով ու գիտութեամբ, ամէն տեսակ գործի համար, **32** որպէսզի հնարքներ ։ մտածելով՝ ոսկի, արծաթ եւ պղինձ գործածէ, **33** ագուցանելու համար քարեր տաշէ, փայտ քանդակէ, ամէն տեսակ հնարուած գործ կատարէ: **34** Նաեւ անոր սիրտին մէջ

^ա Կամ՝ լանջագեղ կամարներ

^բ Երբ.՝ ծեռքով

^գ Երբ.՝ հնարելով

սորվեցնելու **կարողութիւնը** դրաւ. թէ՛ անոր, թէ՛ Դանի տոհմէն Աքիսամայի որդիին՝ Ոհողիաբի: **35** Սիրտի իմաստութեամբ լեցուց զանոնք, որպէսզի ամէն տեսակ գործ կատարեն – փորագրիչի, հնարագէտի, նաև կապուտակի, ծիրանիի, կրկնակի կարմիրի ու բարակ քթանի վրայ նկարակերտողի, եւ ոստայնանկի –, **այսինքն՝** որեւէ գործ կատարեն ու հնարք մտածեն»:

36

Այն ատեն Բեսելիէլ, Ոհողիաբ եւ բոլոր սիրտով իմաստունները, որոնց որ Տէրը իմաստութիւն ու հանճար տուաւ՝ կատարել գիտնալու համար սրբարանի ծառայութեան ամէն տեսակ գործ, Տէրոց բոլոր պատուիրածներուն համաձայն ըրին:

ԺՈՂՈՎՈՒՐԴԸ ԿԸ ԲԵՐԷ ԾԱՏ ԸՆԾԱՆԵՐ

2 Մովսէս կանչեց Բեսելիէլն ու Ոհողիաբը, եւ բոլոր սիրտով իմաստունները՝ որոնց սիրտին մէջ Տէրը իմաստութիւն դրաւ, **այսինքն՝** բոլոր անոնք՝ որ պատրաստակամ սիրտով գործին մօտեցան, զայն ընելու համար: **3** Անոնք Մովսէս առին բոլոր բարձրացնելիք ընծանները, որ Խրայէլի որդիները բերին՝ սրբարանի ծառայութեան գործը **անոնցմով՝** ընելու համար: Սակայն ասոնք տակաւին ամէն առտու յօժարակամ ընծաններ կը բերէին անոր:

4 Սրբարանին ամբողջ գործը կատարող բոլոր իմաստուն մարդիկը՝ իւրաքանչիւրը իր ըրած գործէն եկաւ, **5** եւ խօսեցան Մովսէսի՝ ըսելով. «Ժողովուրդը աւելի՛ կը բերէ, քան որչափ պէտք է՛ ծառայելու այն գործին, որ Տէրը պատուիրեց ընել»: **6** Ուստի Մովսէս պատուիրեց բանակավայրին մէջ **“ծանուցանել”**. «Ալ ո՛չ մարդ, ո՛չ կին թող գործ ընէ սրբարանին բարձրացնելիք ընծային համար»: Այսպէս ժողովուրդը **ընծայ** բերելէն դադրեցաւ, **7** որովհետեւ **բերուած նիւթերը** ամբողջ գործը ընելու համար բաւական էին, եւ աւելցան ալ:

ՏԵՐՈՉ ՆԵՐԿԱՅՈՒԹԵԱՆ ՎՐԱՆԻՆ ՇԻՆՈՒԹԻՒՆԸ

(Ելք. 26. 1-37)

8 Խորանին գործը կատարողներէն ամէն սիրտով իմաստուն՝ տասը վարագոյր շինեց մանուած բարակ քթանէ, կապուտակէ, ծիրանիէ ու կրկնակի կարմիրէ. զանոնք հնարագիտութեամբ գործուած քերովքներով **միասին** շինեց: **9** Մէկ վարագոյրին երկայնքը՝ քսանութ կանգուն էր, եւ մէկ վարագոյրին լայնքը՝ չորս կանգուն. բոլոր վարագոյրները մէկ չափ **ունէին**: **10** Հինգ վարագոյր իրարու կցեց, **միւս** հինգ վարագոյրն ալ իրարու կցեց: **11** Կցուածքին ծայրի մէկ վարագոյրին եզերքին վրայ կապուտակէ օղակներ շինեց. միւս կցուածքին ծայրի վարագոյրին եզերքն ալ նոյնակս շինեց: **12** Մէկ վարագոյրին վրայ յիսուն օղակ շինեց, եւ միւս կցուածքին վրայ եղող վարագոյրին ծայրն **ալ** յիսուն օղակ շինեց. օղակները դէմ դիմաց էին: **13** Յիսուն ոսկի ճարմանդ շինեց, ու վարագոյրները ճարմանդներով իրարու կոճկեց. այսպէս՝ խորանը միակտուր եղաւ:

14 Խորանին վրայի վրանին համար այծի մազէ վարագոյրներ շինեց. անոնցմէ տասնմէկ վարագոյր շինեց: **15** Մէկ վարագոյրին երկայնքը երեսուն կանգուն **էր**, եւ մէկ վարագոյրին լայնքը՝ չորս կանգուն. տասնմէկ վարագոյրը մէկ չափ **ունէիր**: **16** Հինգ վարագոյր զատ կցեց, ու վեց վարագոյր՝ զատ: **17** Կցուածքին ծայրի վարագոյրին

^ա **Երք.**՝ ձայն անցընել՝ ըսելով

եզերքին վրայ յիսուն օդակ շինեց, եւ միւս կցուածքին **ծայրի** վարագոյրին եզերքին վրայ՝ յիսուն օդակ: **18** Յիսուն պղինձէ ճարմանդ շինեց, որպէսզի վրանը կոճկէ ու միակտուր ըլլայ: **19** Վրանին համար կարմիր ներկուած խոյի մորթերէ ծածք մը շինեց, եւ անոր վրայ՝ իշղարի մորթերէ ծածք մը:

20 Խորանին համար կանգնած **մնացող** տախտակներ շինեց՝ սատիմի փայտէ: **21** Մէկ տախտակին երկայնքը տասը կանգուն էր, ու մէկ տախտակին լայնքը՝ մէկուկէս կանգուն: **22 Ամէց** մէկ տախտակ իրարու առընթեր երկու ագուցիկ ծայր ունէր. խորանին բոլոր տախտակները ա՛յսպէս ըրաւ: **23** Խորանին տախտակներ շինեց.՝ դէպի հարաւ՝ **անոր** հարաւային կողմին համար քսան տախտակ, **24** ու քսան տախտակներուն տակ՝ քառասուն արծաթէ խարիսխ. **այսինքն** մէկ տախտակի տակ՝ իր երկու ագուցիկ ծայրերը **անցընելու** համար երկու խարիսխ շինեց, եւ ուրիշ տախտակի մը տակ՝ իր երկու ագուցիկ ծայրերը **անցընելու** համար՝ երկու խարիսխ: **25** Խորանին միւս կողմին համար՝ դէպի հիւսիս քսան տախտակ շինեց, **26** ու անոնց քառասուն արծաթէ խարիսխները.՝ մէկ տախտակի տակ՝ երկու խարիսխ, եւ ուրիշ տախտակի մը տակ՝ երկու խարիսխ: **27** Խորանին ետեւի կողմին համար՝ դէպի արեւմուտք վեց տախտակ շինեց: **28** Խորանին ետեւի կողմի անկիւններուն համար երկու տախտակ շինեց: **29** Անոնք ներքեւէն կրկնակ էին, իսկ գագաթէն օդակով մը կը միանային: Երկուքին ալ երկու անկիւնները ա՛յսպէս ըրաւ: **30** Այսպէս՝ ութ տախտակ էին, ու անոնց արծաթէ խարիսխները՝ տասնվեց խարիսխ էին, **ամէց** մէկ տախտակի տակ՝ երկու խարիսխ: **31** Սատիմի փայտէ նիգեր շինեց. խորանին մէկ կողմի տախտակներուն համար՝ հինգ, **32** Խորանին միւս կողմի տախտակներուն համար՝ հինգ նիգ, եւ խորանին ետեւի կողմի – դէպի արեւմուտք եղող – տախտակներուն համար՝ հինգ նիգ: **33** Մէջտեղի նիգը այնպէս շինեց, որ տախտակներուն մէջտեղէն՝ մէկ ծայրէն միւս ծայրը անցնի: **34** Տախտակները ոսկիով պատեց, ու անոնց օդակները ոսկիէ շինեց՝ նիգերուն **անցընելու** տեղեր ըլլալու համար: Նիգերն ալ ոսկիով պատեց:

35 Կապուտակէ, ծիրանիէ, կրկնակի կարմիրէ ու մանուած բարակ քթանէ շինեց վարագոյրը. հնարագիտութեամբ գործուած՝ քերովբէներով **միասին** շինեց զայն: **36** Սատիմի **փայտէ** չորս սիւն շինեց անոր, եւ ոսկիով պատեց զանոնք. անոնց ճանկերը ոսկիէ էին. անոնց չորս արծաթէ խարիսխ ծովեց: **37** Վրանի մուտքին համար՝ կապուտակէ, ծիրանիէ, կրկնակի կարմիրէ եւ մանուած բարակ քթանէ ասեղնագործ վարագոյր մը շինեց: **38** Անոր հինգ սիւներն ու անոնց ճանկերը **շինեց**, եւ անոնց խոյակներն ու կապերը ոսկիով պատեց. անոնց հինգ խարիսխները պղինձէ էին:

ՈՒԽՏԻ ՏԱՊԱՆԱԿԻՆ ՇԻՆՈՒԹԻՒՆԸ

(Ելք. 25. 10-22)

37

Բեսելիէլ սատիմի փայտէ շինեց տապանակը. անոր երկայնքը երկուքուկէս կանգուն էր, անոր լայնքը՝ մէկուկէս կանգուն, եւ անոր բարձրութիւնը՝ մէկուկէս կանգուն: **2** Ներսէն ու դուրսէն զուտ ոսկիով պատեց զայն, եւ անոր շուրջը ոսկի շրջանակ մը շինեց: **3** Անոր չորս անկիւններուն համար չորս ոսկի օդակ ծովեց, **այսինքն** անոր մէկ կողմը՝ երկու օդակ, ու միւս կողմը՝ երկու օդակ: **4** Սատիմի փայտէ ծողեր շինեց, զանոնք ոսկիով պատեց, **5** եւ ծողերը անցուց տապանակին կողմերը եղող օդակներուն, որպէսզի տապանակը **անոնցմով** կրուի:

6 Քաւութիւնը զուտ ոսկիէ շինեց. անոր երկայնքը երկուքուկէս կանգուն էր, ու լայնքը՝ մէկուկէս կանգուն: **7** Երկու ոսկիէ քերովբէ շինեց. զանոնք կոածոյ շինեց, Քաւութեան երկու ծայրերը. **8** մէկ քերովբէն՝ մէկ կողմի ծայրը, միւս քերովբէն՝ միւս կողմի ծայրը: Քերովբէները Քաւութեանէն **առնուած** շինեց, անոր երկու ծայրերը: **9** Քերովբէները **իրենց**

թեւերը վերէն տարածելով՝ իրենց թեւերով Քատութիւնը կը ծածկէին: Իրենց երեսները իրարու կը նայէին. քերովբէներուն երեսները դէպի Քատութիւնը դարձած էին:

ԱՍՏՈՒԾՈՅ ՄԱՏՈՒՅԱՆՈՒԱԾ ՀԱՅԻՆ ՍԵՂԱՆԻՆ ՇԻՆՈՒԹԻՒՆԸ
(Ելք. 25. 23-30)

10 Սեղանը սատիմի փայտէ շինեց: Անոր երկայնքը երկու կանգուն էր, լայնքը՝ մէկ կանգուն, ու բարձրութիւնը՝ մէկուկէս կանգուն: **11** Զուտ ոսկիով պատեց զայն, եւ անոր շուրջը ոսկի շրջանակ մը շինեց: **12** Նաեւ անոր շուրջը չորս մատնաշափ եզերը մը շինեց, ու եզերքին շուրջը՝ ոսկի շրջանակ մը: **13** Չորս ոսկի օղակ ձուկեց անոր համար, եւ օղակները անոր չորս ոտքերուն քով՝ չորս անկիւնները դրաւ: **14** Օղակները եզերքին քով էին. սեղանը կրելու ծառայող ձողերուն անցընելու տեղերն էին: **15** Սեղանը կրելու ծառայող ձողերը սատիմի փայտէ շինեց եւ զանոնք ոսկիով պատեց: **16** Սեղանին վրայ եղող առարկաները, անոր ափսէնները, խնկամանները, թասերն ու ՚թափելիք նուէր ընծայելու“ բաժակները զուտ ոսկիէ շինեց:

ԱՇՏԱՆԱԿԻՆ ՇԻՆՈՒԹԻՒՆԸ
(Ելք. 25. 31-40)

17 Աշտանակը զուտ ոսկիէ շինեց. կռածոյ շինեց աշտանակը: Անոր բունը եւ ճիւղերը, անոր սկահակները, գնդակներն ու ծաղիկները իրմէ առնուած էին: **18** Անոր կողմերէն վեց ճիւղ կ'ելլէր. աշտանակին մէկ կողմէն՝ երեք ճիւղ, եւ աշտանակին միւս կողմէն՝ երեք ճիւղ: **19** Մէկ ճիւղին վրայ նշանակ երեք սկահակ՝ գնդակով ու ծաղիկով, եւ միւս ճիւղին վրայ նշանակ երեք սկահակ՝ գնդակով ու ծաղիկով. աշտանակէն ելած վեց ճիւղերը այսպէս էին: **20** Աշտանակին վրայ չորս նշանակ սկահակ կար՝ իրենց գնդակներով եւ ծաղիկներով. **21** անկէ ելած վեց ճիւղերուն համեմատ՝ երկու ճիւղի տակ իրմէ ելած գնդակ մը կար, ուրիշ երկու ճիւղի տակ՝ իրմէ ելած գնդակ մը, եւ ուրիշ երկու ճիւղի տակ՝ իրմէ ելած գնդակ մը: **22** Անոնց գնդակներն ու ճիւղերը իրմէ առնուած էին. ամբողջը՝ մէկ կտորէ, զուտ ոսկիէ, կռածոյ էր: **23** Անոր եօթը ճրագները, ունելիները եւ ճրագաբերանները զուտ ոսկիէ շինեց: **24** Զայն իր բոլոր առարկաներով՝ տաղանդ մը զուտ ոսկիով շինեց:

ԽՈՒՆԿ ԾԽԵԼՈՒ ԶՈՂԱՍԵՂԱՆԻՆ ՇԻՆՈՒԹԻՒՆԸ
(Ելք. 30. 1-5)

25 Խունկի զոհասեղանը սատիմի փայտէ շինեց: Անոր երկայնքը կանգուն մըն էր, անոր լայնքը՝ կանգուն մը – քառակուսի էր –, եւ անոր բարձրութիւնը՝ երկու կանգուն: Անոր եղջիւրները իրմէ առնուած էին: **26** Անոր վրան, անոր կողմերը՝ բոլորաձեւ, ու անոր եղջիւրները զուտ ոսկիով պատեց. նաեւ անոր շուրջը ոսկի շրջանակ մը շինեց: **27** Անոր երկու ոսկի օղակ շինեց՝ անոր շրջանակին տակ, անոր երկու անկիւնները, անոր երկու կողմերուն վրայ, որպէսզի անոնք անցընելու տեղեր ըլլան ձողերուն՝ զայն ասոնցմով կրելու համար: **28** Զողերը սատիմի փայտէ շինեց, ու զանոնք ոսկիով պատեց:

ՕԾՈՒՄԻ ԻՒՂԻՆ ԵՒ ԽՈՒՆԿԻՆ ՇԻՆՈՒԹԻՒՆԸ

^w Երբ.՝ ՚թափելու

29 Սուրբ օծումի իւղը եւ մաքուր անուշաբոյր խունկը շինեց՝ ^բբուրագործի արհեստին համեմատ:

ԶՈՂԱՍՍԵՂԱՆԻՆ ՇԻՆՈՒԹԻՒՆԸ

(Ելք. 27. 1-8)

38

Ողջակէզի զոհասեղանը սատիմի փայտէ շինեց: Անոր երկայնքը հինգ կանգուն էր, լայնքը՝ հինգ կանգուն – քառակուսի էր –, եւ բարձրութիւնը երեք կանգուն: **2** Անոր եղջիւրները անոր չորս անկիւններուն վրայ շինեց: Եղջիւրները իրմէ **առնուած** էին. զայն պղինձով պատեց: **3** Զոհասեղանին բոլոր առարկաները շինեց, **այսինքն**՝ կաթսաները, թիակմերը, կոճքերը, մսահաններն ու կրակարանները. անոր բոլոր առարկաները պղինձէ շինեց: **4** Զոհասեղանին համար՝ անոր շրջապատին տակ, ներքեւը, գրեթէ մէջտեղը, պղինձէ ցանցակերպ կասկարայ մը շինեց: **5** Պղինձէ կասկարային չորս անկիւնները չորս օղակ ծովեց՝ ծողերուն **անցընելու** տեղեր ըլլալու համար: **6** Ծողերը սատիմի փայտէ շինեց ու զանոնք պղինձով պատեց: **7** Ծողերը զոհասեղանին կողմերը եղող օղակներուն անցուց, զայն անոնցմով կրելու համար: Զայն տախտակներով շինեց՝ **մէջը դատարկ**:

ՊՂԻՆՉԵ ՍԵՂԱՆԻՆ ՇԻՆՈՒԹԻՒՆԸ

(Ելք. 30. 18)

8 Պղինձէ աւագանը ու անոր պղինձէ խարիսխը՝ Հանդիպումի վրանին մուտքը համախմբուող կիներուն հայելիներէն շինեց:

ՏԵՐՈՉ ՆԵՐԿԱՅՈՒԹԵԱՆ ՎՐԱՆԻՆ ՎԱՐԱԳՈՅՐԸ

(Ելք. 27. 9-19)

9 Ֆետոյ սրահը շինեց. – դէպի հարաւ՝ հարաւային կողմին համար՝ սրահին մանուած բարակ քթանէ վարագոյրները, հարիւր կանգուն **երկայնութեամբ**, **10** իրենց քսան սիւներով եւ անոնց քսան պղինձէ խարիսխներով. սիւներուն ճանկերն ու անոնց կապերը արծաթէ էին: **11** Հիւսիսային կողմին համար **վարագոյրներ շինեց**, հարիւր կանգուն **երկայնութեամբ**, իրենց քսան սիւներով եւ անոնց քսան պղինձէ խարիսխներով. սիւներուն ճանկերն ու անոնց կապերը արծաթէ էին: **12** Արեւմտեան կողմին համար վարագոյրներ շինեց, յիսուն կանգուն **երկայնութեամբ**, իրենց տասը սիւներով եւ անոնց տասը խարիսխներով. սիւներուն ճանկերն ու անոնց կապերը արծաթէ էին: **13** Արեւելեան կողմին համար ալ **վարագոյրներ շինեց**, յիսուն կանգուն **երկայնութեամբ**. **14** **մէկ թեւին** համար վարագոյրներ շինեց, տասնինգ կանգուն **երկայնութեամբ**, իրենց երեք սիւներով եւ անոնց երեք խարիսխներով: **15** Անաւ վարագոյրներ՝ միւս թեւին համար – **այսինքն** սրահին դրան մէկ կողմէն ու միւս կողմէն, տասնինգ կանգուն **երկայնութեամբ**, իրենց երեք սիւներով եւ անոնց երեք խարիսխներով: **16** Սրահին շրջակայ բոլոր վարագոյրները մանուած բարակ քթանէ էին: **17** Սիւներուն խարիսխները պղինձէ էին, սիւներուն ճանկերն ու անոնց կապեր՝ արծաթէ, եւ անոնց խոյակները՝ արծաթապատ. սրահին բոլոր սիւներն ալ արծաթէ կապեր ունէին: **18** Սրահին դրան վարագոյրը ասեղնագործ էր, կապուտակէ,

^բ **Այսինքն**՝ բոյրեր շինողի

ծիրանիէ, կրկնակի կարմիրէ ու մանուած բարակ քթանէ **շինուած**, քսան կանգուն երկայնութեամբ. **դրան** լայնքին մէջի բարձրութիւնը՝ սրահին վարագոյրներուն համեմատ՝ հինգ կանգուն էր: **19** Իր չորս սիւներն ու անոնց չորս պղինձէ խարիսխները **շինեց**. անոնց ճանկերը արծաթէ էին, անոնց խոյակները՝ արծաթապատ, եւ կապերը՝ արծաթէ: **20** Խորանին ու շրջակայ սրահին բոլոր ցիցերը պղինձէ էին:

ՏԵՐՈԶ ՆԵՐԿԱՅՈՒԹԵԱՆ ՎՐԱՆԻՆ ՄԷՋ ԳՈՐԾԱԾՈՒԱԾ ՄԵՏԱՂՆԵՐԸ

21 Ահա՛ւասիկ խորանին՝ **այսինքն** Վկայութեան խորանին հաշիւը, որ Մովսէսի հրամանին համաձայն՝ Ղետացիներուն պաշտօնին համար հաշուուեցաւ Ահարոն քահանային որդիին հիթամարի ձեռքով: **22** Յուդայի տոհմէն Ովրի որդիին Ովրիի որդին՝ Բեսելիէլ ըրաւ ամէն ինչ որ Տէրը Մովսէսի պատուիրեր էր: **23** Իրեն հետ էր փորագրիչ եւ հնարագէտ, կապուտակի, ծիրանիի, կրկնակի կարմիրի ու բարակ քթանի վրայ նկարակերտող Ոհողիաբ, Դանի տոհմէն Աքիսամայի որդին:

24 Այս գործին համար գործածուած ամբողջ ոսկին, – **այսինքն** սրբարանին ամբողջ գործին “ընծայուած ոսկին, – քսանինը տաղանդ ու եօթը հարիւր երեսուն սիկող էր, սրբարանի սիկողին համեմատ: **25** Համայնքէն թուարկուողներուն արծաթը՝ հարիւր տաղանդ ու հազար եօթը հարիւր եօթանասունինգ սիկող էր, սրբարանի սիկողին համեմատ: **26** Քսան տարեկանէն վեր թուարկուելու համար անցնողները՝ **մարդ** գլուխ մէկական պեքա **տուիհն**, **այսինքն** կէս սիկող, սրբարանի սիկողին համեմատ. վեց հարիւր երեք հազար հինգ հարիւր յիսուն **մարդ** **անցաւ**: **27** Սրբարանին խարիսխներն ու վարագոյրին խարիսխները ծովուեցան հարիւր տաղանդ արծաթով. հարիւր տաղանդէն հարիւր խարիսխ **շինուեցաւ**, մէկ տաղանդ՝ մէկ խարիսխի համար: **28** Իսկ հազար եօթը հարիւր եօթանասունինգ սիկող **արծաթով** սիւներուն ճանկերը շինեց, անոնց խոյակները պատեց եւ զանոնք կապեց: **29** Երերցնելիքը ընծային պղինձը եօթանասուն տաղանդ ու երկու հազար չորս հարիւր սիկող էր. **30** անո՞վ շինեց Հանդիպումի վրանին մուտքի խարիսխները, պղինձէ զոհասեղանը եւ անոր պղինձէ կասկարան, զոհասեղանին բոլոր առարկաները, **31** շրջակայ սրահին խարիսխները, սրահին դրան խարիսխները, խորանին բոլոր ցիցերն ու շրջակայ սրահին բոլոր ցիցերը:

ՔԱՀԱՆԱՆԵՐՈՒ ՀԱԳՈՒՍՆԵՐՈՒ ՇԻՆՈՒԹԻՒՆԸ

(Ելք. 28. 1-14)

39

Կապուտակէ, ծիրանիէ եւ կրկնակի կարմիրէ շինեցին պաշտամունքին հագուստները, սրբարանին մէջ պաշտօն կատարելու համար. Ահարոնի համար սուրբ հագուստներ շինեցին, ինչպէս Տէրը Մովսէսի պատուիրեր էր:

2 Եփուտը շինեց ոսկիէ, կապուտակէ, ծիրանիէ, կրկնակի կարմիրէ ու մանուած բարակ քթանէ: **3** Ոսկին ծեծելով **բարակ** թիթեղներ շինեցին եւ **անցմէ** թելեր կտրեցին, որպէսզի կապուտակին, ծիրանիին, կրկնակի կարմիրին ու բարակ քթանին հետ հնարագիտութեամբ գործածեն: **4** Կոճկուող ուսնոցներ շինեցին անոր, **այսինքն եփուտին**, որ երկու ծայրէն կը կոճկուէր: **5** Եփուտին վրայ եղող ժապաւէնը նոյն **հիլթէն** էր – անոր գործին համեմատ՝ ոսկիէ, կապուտակէ, ծիրանիէ, կրկնակի կարմիրէ ու մանուած բարակ քթանէ էր, ինչպէս Տէրը Մովսէսի պատուիրեր էր:

6 Ոսկի ճանակներու մէջ եղնգնաքարերը ագուցանեցին, եւ անոնց վրայ հսրայէի

^w **Երբ**.¹ Երերցնելիքը ընծային

որդիներուն անունները փորագրեցին՝ կնիք փորագրելու պէս: **7** Զանոնք եփուտին ուսնոցներուն վրայ դրաւ, որպէսզի հսրայէլի որդիներուն յիշատակի քարեր ըլլան, ինչպէս **Տէրը Մովսէսի** պատուիրեր էր:

ԼԱՆՋԱՊԱՆԱԿԻՆ ՇԻՆՈՒԹԻՒՆԸ

(Ելք. 28. 15-30)

8 Յետոյ լանջապանակը շինեց՝ հնարագիտութեամբ գործուած, եփուտին գործին պէս, ոսկիէ, կապուտակէ, ծիրանիէ, կրկնակի կարմիրէ ու մանուած բարակ քթանէ: **9** Լանջապանակը շինեցին քառակուսի, երկուքի ծալուող. մէկ թիզ երկայնքով եւ մէկ թիզ լայնքով, երկուքի կը ծալուէր: **10** Անոր վրայ չորս կարգ քար ագուցանեցին, **սա՝** կարգով.— առաջին կարգը՝ սարդինն, տպազինն ու զմրուխտ. **11** Երկրորդ կարգը՝ կարկեհան, շափիւղայ եւ ադամանդ. **12** Երրորդ կարգը՝ արեւաքար, ակատ ու մեղեսիկ. **13** չորրորդ կարգը՝ ոսկեքար, եղնգնաքար եւ յասպիս: Ասոնք ոսկի ճանակներու մէջ ագուցանուած էին, իրենց ագուցուածքներուն մէջ: **14** Քարերը հսրայէլի որդիներուն անուններուն համեմատ՝ տասներկու **հատ** էին, անոնց անուններուն համեմատ: Իւրաքանչիւրին անունը՝ տասներկու տոհմերուն համեմատ՝ կնիք փորագրողի գործով փորագրուած էր: **15** Լանջապանակին վրայ գուտ ոսկիէ ոլորուած եւ հիւսուած շղթաներ շինեցին. **16** Երկու ոսկի ճանակ ու երկու ոսկի օղակ ալ շինեցին: Երկու օղակները լանջապանակին երկու ծայրերը դրին, **17** եւ լանջապանակին ծայրերը եղող երկու օղակներուն անցուցին երկու ոսկիէ հիւսուած շղթաները: **18** Երկու հիւսուած շղթաներուն **միւս** երկու ծայրերն ալ երկու ճանակներուն անցուցին, եւ ասոնք եփուտին ուսնոցներուն վրայ դրին, անոր առջեւի կողմը: **19** Երկու ոսկի օղակ ալ շինեցին, ու **զանոնք** լանջապանակին ներսի կողմէն՝ եփուտին կցուած եզերքին երկու ծայրերը դրին: **20** Եւ **ուրիշ** երկու օղակ շինեցին, ու զանոնք եփուտին երկու ուսնոցներուն ներքեւէն անցուցին, անոր առջեւի կցուածքին մօտ, եփուտին ժապաւէնին վրայէն: **21** Լանջապանակը իր օղակներէն կապեցին եփուտին օղակներուն՝ կապուտակէ **շինուած** երկուք, որպէսզի եփուտին ժապաւէնին վրայ ըլլայ եւ լանջապանակը եփուտին վրայէն չզատուի, ինչպէս **Տէրը Մովսէսի** պատուիրեր էր:

ՈՒՐԻՇ ՔԱՂԱՆԱՅԱԿԱՆ ՀԱԳՈՒՍՆԵՐՈՒ ՇԻՆՈՒԹԻՒՆԸ

(Ելք. 28. 31-43)

22 Եփուտին պարեգօտը ամբողջովին կապուտակէ շինեց – ոստայնանկի գործ: **23** Պարեգօտին մէջտեղը բացուածք մը կար՝ զրահի բացուածքին պէս, **ու** բացուածքին շուրջը **հիւսուած** եզերը մը՝ որպէսզի չպատոի: **24** Պարեգօտին քղանցքներուն վրայ կապուտակէ, ծիրանիէ, կրկնակի կարմիրէ **ու** մանուած **բարակ քթանէ** նուռեր շինեցին: **25** Չուտ ոսկիէ զանգակներ շինեցին, ու զանգակները նուռերուն մէջտեղը՝ պարեգօտին քղանցքներուն վրայ դրին, բոլորածեւ՝ նուռերուն մէջտեղը: **26** Պարեգօտին քղանցքներու վրայ զանգակ մը ու նուռ մը, զանգակ մը ու նուռ մը կար՝ բոլորածեւ **շարուած**, պաշտօն կատարելու համար, ինչպէս **Տէրը Մովսէսի** պատուիրեր էր:

27 Ահարոնի եւ անոր որդիներուն համար շինեցին բարակ քթանէ պատմուճաններ – ոստայնանկի գործ, **28** նաեւ խոյրը՝ բարակ քթանէ, պճնազարդ ապարօշները՝ բարակ քթանէ, կտաւէ անդրավարտիքները՝ մանուած բարակ քթանէ, **29** ու գոտին՝ մանուած բարակ քթանէ, կապուտակէ, ծիրանիէ եւ կրկնակի կարմիրէ – ասեղնագործ, ինչպէս **Տէրը Մովսէսի** պատուիրեր էր:

30 Սուրբ պսակին թիթեղը գուտ ոսկիէ շինեցին, ու անոր վրայ կնիք փորագրելու պէս գրեցին. «**Տէրոց սրբութիւնը»»: **31** Նաեւ կապուտակէ երիզ մը անցուցին անոր, որպէսզի**

Վերէն խոյրին վրայ դրուի, ինչպէս Տէրը Մովսէսի պատուիրեր էր:

ԳՈՐԾԻՆ ԱՒԱՐՏՈՒՄԸ

(Ելք. 35. 10-19)

32 Այսպէս աւարտեցաւ Հանդիպումի վրանին խորանին ամբողջ “գործը. Իսրայէլի որդիները ըրին Տէրոց Մովսէսի բոլոր պատուիրածներուն համաձայն. այնպէս ըրին, **33** ու խորանը Մովսէսի բերին.— վրանը եւ անոր բոլոր առարկաները, անոր ճարմանդները, անոր տախտակները, անոր նիգերը, անոր սիւներն ու խարիսխները. **34** Կարմիր ներկուած խոյի մորթերէ ծածքը, իշղարի մորթերէ ծածքը, եւ ծածկող վարագոյրը. **35** Վկայութեան տապանակը, անոր ծողերն ու Քաւութիւնը. **36** սեղանը, անոր բոլոր առարկաները եւ առաջադրութեան հացը. **37** զուտ ոսկիէ աշտանակը, իր ճրագները, **այսինքն** կարգով դրուելիք ճրագները, իր բոլոր առարկաներն ու լուսակալին իւղը. **38** ոսկի զոհասեղանը, օծումի իւղը եւ անուշաբոյր խունկը. վրանին մուտքի վարագոյրը, **39** պղինձէ զոհասեղանն ու անոր պղինձէ կասկարան, անոր ծողերը եւ բոլոր առարկաները. աւազանն ու անոր խարիսխնը. **40** սրահին վարագոյրները, անոր սիւները եւ խարիսխները. սրահին դրան վարագոյրը, անոր չուաններն ու ցիցերը. խորանին ծառայութեան բոլոր առարկաները՝ Հանդիպումի վրանին համար. **41** պաշտամունքին հագուստները՝ սրբարանին մէջ պաշտօն կատարելու համար. Ահարոն քահանային սուրբ հագուստները եւ անոր որդիներուն հագուստները, որպէսզի քահանայութիւն կատարեն: **42** Իսրայէլի որդիները ըրին ամբողջ գործը՝ Տէրոց Մովսէսի բոլոր պատուիրածներուն համաձայն:

43 Մովսէս ամբողջ ^բշինուածքին նայեցաւ, եւ ահա՝ Տէրոց պատուիրածին համաձայն ըրած էին. ուստի Մովսէս օրհնեց զանոնք:

ՏԷՐՈՋ ՆԵՐԿԱՅՈՒԹԵԱՆ ՎՐԱՆԻՆ ՀԱՍՏԱՏՈՒՄԸ ԵՒ ՆՈՒԻՐՈՒՄԸ

40

Տէրը խօսեցաւ Մովսէսի՝ ըսելով. **2** «Առաջին ամսուան առաջին օրը՝ կանգնեցուր Հանդիպումի վրանին խորանը, **3** դի՛ր անոր մէջ Վկայութեան տապանակը, ու վարագոյրով ծածկէ զայն: **4** Սեղանը ներս բեր եւ զետեղէ՛ անոր վրայ զետեղուելու հացերը. աշտանակը ներս բեր ու վառէ՛ անոր ճրագները: **5** Խունկին ոսկի զոհասեղանը դի՛ր Վկայութեան տապանակին առջեւ, եւ դի՛ր խորանին մուտքի վարագոյրը: **6** Ողջակէզի զոհասեղանը դի՛ր Հանդիպումի վրանին խորանի մուտքին առջեւ: **7** Հանդիպումի վրանին ու զոհասեղանին մէջտեղ դի՛ր աւազանը, եւ զո՞ւր դի՛ր անոր մէջ: **8** Ծո՛ւրջը կանգնեցուր սրահը, ու դի՛ր սրահին դրան վարագոյրը: **9** Ա՛ն օծումի իւղը եւ օծէ՛ խորանն ու անոր մէջ եղող ամէն ինչ. սրբացո՞ւր զայն եւ անոր բոլոր առարկաները, որպէսզի սուրբ ըլլան: **10** Օծէ՛ ողջակէզի զոհասեղանն ու անոր բոլոր առարկաները. սրբացո՞ւր զոհասեղանը, որպէսզի ^ամէնասուրբ զոհասեղան ըլլայ: **11** Օծէ՛ աւազանը եւ անոր խարիսխնը, ու սրբացո՞ւր զայն: **12** Հանդիպումի վրանին մուտքին մօտեցուր Ահարոնը եւ անոր որդիները, ու զուրով լուա զանոնք: **13** Ահարոնի հագուր սուրբ հագուստները, օծէ՛ զայն եւ սրբացո՞ւր զայն, որպէսզի ինծի քահանայութիւն կատարէ: **14** Անոր որդիներն ալ

^ա Երբ.՝ ծառայութիւնը

^բ Երբ.՝ գործին

^ա Երբ.՝ Սրբութիւններու սրբութեան

մօտեցուր ու պատմուճաններ հագցուր անոնց: **15** Օծէ՛ զանոնք՝ ինչպէս օծեցիր անոնց հայրը, որպէսզի ինծի քահանայութիւն կատարեն: Անոնց օծումը յակիտենական քահանայութեան համար պիտի ըլլայ իրենց սերունդներուն մէջ»:

16 Մովսէս Տէրոց իրեն բոլոր պատուիրածներուն համաձայն ըրաւ. այնպէս ըրաւ: **17** Երկրորդ տարին, առաջին ամսուան առաջին **օրը**, խորանը կանգնուեցաւ: **18** Մովսէս կանգնեցուց խորանը. անոր խարիսխները դրաւ, անոր տախտակները կանգնեցուց, անոր նիգերը անցուց եւ սիւները կանգնեցուց: **19** Խորանին վրայ տարածեց վրանը, ու վերէն անոր վրայ դրաւ վրանին ծածքը, ինչպէս Տէրը Մովսէսի պատուիրեր էր: **20** Վկայութիւնը առաւ եւ տապանակին մէջ դրաւ. ծողերը տապանակին վրայ անցուց, ու վերէն՝ տապանակին վրայ դրաւ Թաւութիւնը: **21** Տապանակը խորանին մէջ բերաւ, ծածկող վարագոյրը դրաւ եւ Վկայութեան տապանակը ծածկեց, ինչպէս Տէրը Մովսէսի պատուիրեր էր: **22** Սեղանը դրաւ Հանդիպումի վրանին մէջ, խորանին հիւսիսային կողմը, վարագոյրէն դուրս: **23** Անոր վրայ հացերը զետեղեց՝ Տէրոց առջեւ, ինչպէս Տէրը Մովսէսի պատուիրեր էր: **24** Աշտանակը դրաւ Հանդիպումի վրանին մէջ, սեղանին դիմաց, խորանին հարաւային կողմը: **25** Տէրոց առջեւ ճրագները վառեց, ինչպէս Տէրը Մովսէսի պատուիրեր էր: **26** Ոսկի զոհասեղանը դրաւ Հանդիպումի վրանին մէջ, վարագոյրին առջեւ, **27** եւ անոր վրայ անուշաբոյր խունկ ծխեց, ինչպէս Տէրը Մովսէսի պատուիրեր էր: **28** Խորանին մուտքի վարագոյրը դրաւ: **29** Հանդիպումի վրանին խորանին մուտքը դրաւ ողջակէզին զոհասեղանը, եւ անոր վրայ ողջակէզն ու **հացի** ընծան մատուցանեց, ինչպէս Տէրը Մովսէսի պատուիրեր էր: **30** Հանդիպումի վրանին եւ զոհասեղանին մէջտեղ դրաւ աւազանը, ու ջուր դրաւ անոր մէջ՝ լուացուելու համար: **31** Մովսէս, Ահարոն եւ անոր որդիները իրենց ծեռքերն ու ոսքերը անոր մէջ կը լուային: **32** Երբ Հանդիպումի վրանը մտնէին եւ զոհասեղանին մօտենային՝ կը լուացուէին, ինչպէս Տէրը Մովսէսի պատուիրեր էր: **33** Խորանին ու զոհասեղանին շուրջը սրահը կանգնեցուց, եւ սրահին դրան վարագոյրը դրաւ: Այսպէս Մովսէս **ամբողջ** գործը աւարտեց:

ԱՍԴԸ ՏԷՐՈՉ ՆԵՐԿԱՅՈՒԹԵԱՆ ՎՐԱՍԻՆ ՎՐԱՅ

34 Ամպ մը ծածկեց Հանդիպումի վրանը, ու Տէրոց փառքը լեցուց խորանը: **35** Մովսէս չէր կրնար մտնել Հանդիպումի վրանը, որովհետեւ ամպը անոր վրայ կը կենար ու Տէրոց փառքը լեցուցեր էր խորանը: **36** Իրենց բոլոր իշեւաններուն մէջ՝ հսրայէլի որդիները կը մեկնէին երբ ամպը խորանին վրայէն բարձրանար: **37** Եթէ ամպը չբարձրանար, չէին մեկներ՝ մինչեւ անոր բարձրանալու օրը: **38** Արդարեւ ցերեկը Տէրոց ամպը խորանին վրայ էր, եւ գիշերը անոր վրայ կրակ կար, հսրայէլի ամբողջ ժողովուրդին առջեւ՝ իրենց բոլոր իշեւաններուն մէջ:

^բ Եբր.՝ տաճ

^գ Եբր.՝ աչքերուն